

4160

9 - 1911

49199-2
9 55

Рибича 1911

2010

ADM

ԴԱՍԸՆԿԵՐ



Գ

1029/15/14

ՀԱՅԿԱՆԻ ԿՈՄԻՏԵ

ADM.

4-545/3-a

491.99-8

9-55

Դ Ա Ս Ը Ն Կ Ե Ր


Գ. Տ Ա Ր Ի

Կ Ա Ջ Մ Ե Ց Ի Ն

ԱՐՇԱԿ ԶԻԼԻՆԿԱՐԵԱՆ, ՏԻԳՐԱՆ ՌԱՇՄԱՃԵԱՆ

Ե Ի

Ա Ի Ե Տ Ի Ք Ի Ս Ա Հ Ա Կ Ե Ա Ն



ինքնուրոյն, փոխադրած յօդածների եւ նկարների արտատպութեան իրաւունքը վերադասուած է

ՊՈՒՅԸ. № 6661

2002

Թ Ի Յ Լ Ի Ս
Էջիբօր. սպ. օր. Ն. Աղանեանի պոլիգ. 7.
1911

Գ Ժ Կ Ե Դ Ս Ա Բ

4912 P

ՀԱՅԱՍՏԱՆԻ ԳՐԱԴԱՐԱՆ

ՀԱՅԱՍՏԱՆԻ ԳՐԱԴԱՐԱՆ



ԿԱՏՅԳ. ա. ի.



29602-63

Հայաստանի Գրադարան

1. Կարդա

Կարդա, այ իմ խելօք մանուկ,
Կարդա, գրի տարին բոլոր.
Կարդացողի խելքն է կտրուկ,
Միտքը պայծառ ու լուսաւոր:

Գիր կարդալով՝ դու գրքերում
Շատ նորանոր բան կիմանաս.
Շատ շատերից, շատ բաներում
Մտքով հեռու կը սլանաս:

Գիր կարդալով՝ դու աշխարհիս
Կը ճանաչես չարն ու բարին,
Ո՞վ է խնդում, ո՞վ է լալիս,
Ո՞վ է զրկում խեղճ թշւառին:

Դու կիմանաս՝ ինչու մարդիկ
Պէտք է ապրեն իրար համար.
Ի՞նչն է մարդկանց ցաւն ու կարիք,
Ի՞նչ է լոյսը, ի՞նչը խաւար:

Կարդա, որդիս, որ հօրդ պէս,
Դու էլ անուս, խեղճ չմնաս,
Որ ամենքին վիզ չծռես
Ու միշտ ազատ առաջ գնաս:

2. Լեռնային երեկոյ

Լեռների մերկ գագաթները պատեց երեկոյեան սուերը-
իսկ ձորերի մէջ լոյսը հետզհետէ աղօտ գոյն էր ստանում:
Ոսկեգոյն ամպերն ահագին կտորներով գլորւում էին օդի
բարձրութեան մէջ:

Գեղեցիկ երեկոյ էր, լեռնային երեկոնների այն ժամը, երբ
քաղցր հնչում են հովիւների երգերը, երբ ախորժ է լսել ա-
րօտից դարձող ոչխարների խառնաձայն բառաշիւնները և
ձիերի երամակների ուրախ խրխնջոցը, որոնք կայտուելով վա-
զում են դէպի իրենց գիշերային օթեանը: Նոյն ժամին թեթև
քամին նազելով քսւում է քո երեսին և բարակ հնչումներով
մըմնջում է. «Շնչիր լի կուրծքով անուշահոտութիւնը, որ
ես խլել եմ հագարաւոր ծաղիկներից»:

3. Գիշեր

Գեղեցիկ ու գով
Գիշեր է պայծառ,
Անուշիկ քնով
Քնած է աշխարհ:

Ծառերը մեղմիկ
Քամուց օրօրւում,
Հեզիկ ու նազիկ
Երգ են սրլսրլում:

Իսկ լայնատարած
Երկնակամարով

Լուսինն է կամաց
Անցնում սահելով:


Աստղերն էլ սիրուն
Ժպիտով փայլում,
Իրենց թագուհուն
Ճամբայ են զնում:

Գեղեցիկ ու գով
Գիշեր է պայծառ,
Անուշիկ քնով
Քնած է աշխարհ...

4. Նիւարիկը

1.

Տին-տօ, տին-տօ, հնչում էր եկեղեցու մեծ զանգը:
— Էս ի՞նչ բարձր ձայն է, ի՞նչպէս ձագերս վախենում են,



ասում էր բնի մէջ նստած մայր ծիծեռնակը: Չլինի՞ այդ բար-
ձրը ձայնը ձագերիս խլացնէ, մտածում էր հայր ծիծեռնակը:

Չայնը կտրուեց. փոքրիկ ձագերը կամաց կամաց գլուխները դուրս բերին, կտուցները բացին և ճաշ խնդրեցին:

—Քաղցած են, ասաց հայր ծիծեռնակը:

—Ի՞նչ լաւ ախորժակ ունեն, վրայ բերեց մայրը:

—Ախ դուք, փոքրիկ շատակերներ, էլի փափուիկ ճանճեր էք ուզում. այսօր ամեն մէկդ քսան հատ կերել է. քիչ էլ ըստպասեցէք, գնամ բերեմ, ասաց հայրը և թռաւ:

Մայրն էլ թռաւ. երկուսով այնչափ ճիճուներ, որդեր, մոծակներ բերին, որ ձագերը կշտացան:

Երկու աղջիկ, երկու տղայ, ի՞նչ հիանալի բան:

2.

Մի օր էլ հայրն ասաց.

—Դուք հիմա մեծ էք, պէտք է ինձ հետ թուչէք, դէհ, եկէք, ասաց ու թռաւ:

—Ապրի շարաճճիս, ապրի, ասաց մայրը. տեսնում էք, ինչպէս լաւ թռաւ:

—Ապա դու էլ ինձ հետ եկ, փափուիկս, ասաց մայրն ու թռաւ:

—Կեցցէ փափուիկս, կեցցէ, կանչեց մայրը. դու էլ արի, սևուկըս, դու էլ, նիհարիկս:

Սևուկն էլ թռաւ, մօրը հասաւ. նիհարիկն էլ ուզեց փորձել, բայց վախեցաւ, բունը մտաւ:

3.

Չարաճճին, փափուիկն ու սևուկը ուրախ ուրախ յետ դարձան. էլի թռան, էլի եկան, իսկ նիհարիկը բնի մէջ կուչ եկաւ:

—Ես չեմ ուզում թուչել, ասաց նա մօրը. օ, ես վախեցնում եմ:

—Նիհարիկս, միշտ բնի մէջ չի կարելի մնալ, ասաց հայրը. դու պէտք է թուչել սովորես, դու պէտք է ճանճեր, մոծակներ բռնել իմանաս, մենք աշնանը պէտք է գնանք:

—Սևուկը բարի է, նա ինձ մօտ կը մնայ և ինձ համար

ճանճեր կը բերէ:

—Չմեռն այստեղ ճանճեր չեն լինում:

—Նա կը գտնէ, մայրիկ, նա կը գտնէ, ասաց նիհարիկը: Չայրն ու մայրը որչափ փորձեցին, չկարողացան նիհարիկին բնից դուրս բերել:

—Ի՞նչ համեղ ճանճեր ես բերել, սևուկ ջան, ասաց նիհարիկը:

—Քիտե՛ս, ջրի երեսից եմ բռնել. այնտեղ այնչափ կան, այնչափ կան, որ չեմ կարող ասել: Չուրը շատ լաւ է, մաքուր, հիանալի է, նրա մէջ ձկներ են լողում:

—Եթէ մեր բունը բարձր չլինէր, ես էլ կը գայի, ասաց նիհարիկը:

—Թուչելը շատ հեշտ է, նիհարիկ, ուզում ես, փորձենք:

Նիհարիկը սիրտ արաւ, թռաւ՝ նստեց բնի ծայրին:

Սևուկը կամաց կամաց հրելով, մէկ էլ հօպ՝ օդի մէջ պցեց:

—Կորձյ, կորձյ, կանչում էր նիհարիկը և թևերը շարժում:

Նա գնաց՝ նստեց մօտիկ կտուրի վրայ:

—Ի՞նչպէս է քէֆդ, նիհարիկ, հարցրեց սևուկը:

—Քիժ, քիչ էր մնացել փողոց ընկնէի, ասաց նիհարիկը:

—Մի վախենար, բան չի լինի. դէ հիմա եկ գնանք մեր բունը:

Նիհարիկը էլի փորձեց և թռաւ: Այսպէս քիչ քիչ նա վարժեց, բայց թուչելիս ճանճեր չէր կարող բռնել:

—Պէտք է կտուցդ բաց թուչես, երբ ճանճ տեսնես, հափանես, ուտես: Նիհարիկը չէր կարողանում. քանի քանի անգամ նա հափ էր արել և կարծում էր, թէ արդէն բռնել է, բայց ճրտեղից, ճանճը կողքովն էր անցել:

Այսպէս մի քանի օր շարշարուելով, վերջապէս սովորեց. սևուկի հետ ծիւծիւ կանչելով ամեն տեղ թռաւ:

4.

Աշուն էր, ցերեկները կարճացել էին, գիշերները ցրտել,

ճանճերն ու մոծակները պակասել էին: Հայրն ու մայրը մտածում էին օտար երկիր, տաք տեղեր գաղթել:

—Նիհարիկը բաւական նւազ է, ասում էր հայրը:

—Ես էլ եմ վախենում, կրկնում էր մայրը. եթէ եղանակը լաւ լինի, էլի ոչինչ, իսկ եթէ անձրև անի, նրա բանը շատ դժւար կը լինի:

Ծիծեռնակները հաւաքւեցին, հազարներ կազմեցին.

Գնալու նշանը տրւեց:

Մնաք բարով, մեր բներ, մնաք բարով, մեր գետեր, ծրծրւացին ծիծեռնակներն ու թռան:

—Գնաք բարով, ծիծեռնակներ,

Բարով յետ գաք, սիրուններ:

Չիբուկ, Վրասիկ, Արգրան, Վասակ,

Քաղցրամբ, Ծողկիկ, Զօնիկ, Արբան,

Եկէ՛ք, պիսիկներ, կարող է՛ք դուրս

վճուել ի՞նչ հիշք հանելուկ:

Մի բառ գիտի՞մ իրկվանկանի,

Զարագուշակ նա յայն ունի...

Ուլիկ, Նուլիկ պարուհաւ է,

Բայց երկնիկից ցած կը վազ է:

6. Իշխանի քերդն ու ջրաղացը

Փայռերի վրայ՝ բուրգերով և պարիսպներով պատած՝

հպարտ բարձրանում էր իշխանական մի շքեղ բերդ. իսկ ձորի մէջ, գետի ափին, աղքատի պէս կծկւել էր մի խարխուլ ջրաղաց, որ օր ու գիշեր չխկ-չխկում էր:

Մի օր բերդը վերևից արհամարհանքով նայեց ջրաղացի վրայ և գոռոզ ձայնով ասաց.—Է՛յ դու, շատախօս ջրաղաց, քո անվերջ չխկ-չխկոցով գլուխս տարար, արածդ ի՞նչ է, գործըդ ի՞նչ է, որ ձայնդ չես կտրում:

—Ներողութիւն, իշխան բերդ, խոնարհ պատասխան տւեց ցածլիկ ջրաղացը. ես իմ պարտքն եմ կատարում. օր ու գիշեր աշխատում եմ ու քթիս տակ ինձ ու ինձ երգում. դու ինչո՞ւ ես նեղանում:

—Դէ՛հ մի սրա լեզւին նայեցէք, գոռաց բերդը, չի էլ ամաչում, ինչ բերան է բաց անում իմ դէմ. գիտե՞ս, ես ով եմ. իշխաններն ու տէրերը իմ մէջ են ապրում, իմ դռներից են դուրս գալիս հրամաններ ու օրէնքներ. իմ շէմքի վրայ հազարաւոր մարդիկ գլուխները դնում են ու լիզում քարերս. ես շքեղ եմ ու պայծառ, ես հզօր եմ ու անյաղթելի. իսկ դու, դու, իմ սուերի տակն ես ապրում և դեռ յանդգնում ես հետըս խօսել. լռիր, ձայնդ կտրիր:

—Նորից ներողութիւն, ասաց ջրաղացը խոնարհ չխկ-չխկոցով, շատ մի պարծենար. եթէ ես ձայնս կտրեմ, քո քարը բարիդ վրայ չի կանգնի, դու ինձ ես պարտական քո ուժով, լաւ բան չէ երախտամոռ լինելը:

—Քեզ եմ պարտական, ո՞նց չէ, բարձր հրհուաց բերդը, ասա տեսնենք, ի՞նչպէս, շատ հետաքրքիր է:

—Ա՛յ, ի՞նչպէս. ես գիշեր ցերեկ գլուխս կախ, ալիւրի մէջ կորած՝ աշխատում եմ ու աշխատում, աշխարհքին հաց եմ տալիս. գի՞տես, եթէ որ շախշախս լուեցնեմ, տէր ու իշխան, ժողովուրդ ու զինուոր սովից կը մեռնեն. էլ ոչ ոք չի մնայ քեզ պահող ու պաշտպան, քեզ շէնցնող ու պայծառացնող...

Բերդը լսեց և գլուխը կախ գցած մտքի մէջ ընկաւ:

7. Զաղաց

Զուրն է թշուամ,
Զուրն է խշուամ.
Զրաղացում
Իրարանցում,
Ալեկոծում.
Եւ կարծես թէ
Հազար կանայք
Լաց են լինում
Ու հեծեծում:

Երեք-չորս հաս
Զաղացաբար
Իրանց անդուլ
Զախչախներով
Պըտաւում են
Հա պըտաւում:

Դուրսը,
Ներսը
Հարա—հըրոց,
Սայլի ճռինչ,
Քարի գըռոց.
Մինը բեռը
Ներս է կըում,
Մինը նրան
Դուրս է բերում,
Մինն աղօնը
Վրայ անում,
Ցորեն տալիս

Ալիւր հանում:
Տես և մի կողմ
Զաղացպանը
Ալրաթաթախ՝
Ալրատանը,
Քարը տեղից
Իջեցրած,
Նրա տակը
Վրէն արած,
Հա տալիս է
Քարին մուրճը
Եւ կայծեր է
Թափում շուրջը,
Եւ ծնկները
Քարի վրայ
Նա երգում է
Երգը իրա:

— «Արի, իմ բար»
Զաղացաբար,
Քեզ կռանեմ,
Խոր փոսիկներ,
Սուր ատամներ
Կուռ կռանով՝
Ծանր մուրճով՝
Լանջիդ հանեմ,
Որ դու աղաս
Բնաղօնը,
Բնաղօնը,

Չոր աղօնը.
Ալիւր, ալիւր
Տաս աշխարհին
Եւ ծառային,
Եւ արքային.
Աշխարհը լայն,
Մեր տեղը նեղ.
Հալւենք մաշւենք
Մենք միատեղ:
Արի, իմ բար,
Քեզ կռանեմ,

Սուր ատամներ,
Խոր փոսիկներ
Կըծքիդ հանեմ:
Ես քո տէրը,
Ես քո գերին,
Արի հաց տանք
Ողջ աշխարհին:
Աշխարհը լայն,
Մեր տեղը նեղ.
Հալւենք մաշւենք
Մենք միատեղ»:

8. Առիւծը

1.


Ինչպէս պատահեց, գազանանոցից առիւծը փախաւ:
Կատաղի ձայնով նա մոնչում, փողոցով վազում էր:
Ամենքը սարսափած՝ թաք էին կենում: Մի մայր էլ վա-
խից՝ գրկած երեխին ձեռքից վայր գցեց:
Առիւծը մօտեցաւ, ուզեց պատահել:

2.

— Իմ որդուն մի ուտիր, իմ որդուն մի պատահիր, սար-
սափած կանչում էր մայրը: Նա ծնկաչոք ձեռքերը մեկնեց
դէպի առիւծը և որդուն խլեց առիւծի թաթերից:
Առիւծը կանգնեց և մտածեց. նա նայեց մանկանը. նայեց,
նայեց՝ հեռացաւ:

— Էլի եկաւ, առիւծը եկաւ, ասացին զիւղացիք և տները
փախան:

— Ի՞նչպէս կատաղի մոնչում է, ասացին հովիւները և



Թաք կացան: Պարսպապատ բակի մէջ գիւղի նախիրը դէս ու
դէն կուչ եկաւ, քարացաւ: Գամբռ շները ձայները կտրեցին,
հեռացան:

Առիւծը եկաւ, բարձր պատերից բակի մէջ թռաւ, մի
մեծ երնջի խփեց, մէջքը կտարեց, բերանն առած՝ դուրս թռաւ:

9. Աշուան վերջին

Աշունը մօտենում էր իր վախճանին: Դաշտերն ստանում էին տխուր և գունաթափ կերպարանք: Կանաչ մարգագետինները, օրըստօրէ ղեղնելով, մեռելային դէմք էին կրում: Անխղճաբար փչում էր սառը քամին և թափում մերկ ծառերի մնացած տերևները: Երկնքի խոժոռ և մոխրագոյն դէմքի վրայ գլորւում էին մթին ամպերի ահագին բեկորներ և արգելում էին արևի թոյլ ճառագայթները: Խիստ տխուր եղանակով լսելի էր լինում կռուներին խուլ կոնչիւնը. նրանք բարձր եթերքի միջով, եռանկիւնի շարքերով, դիմում էին դէպի օտար աշխարհ: Ծիծեռնակներ ամենևին չէին երևում, նրանք վաղուց էին գաղթել: Միայն մրջիկները խիստ եռանդով կրում էին դէպի իրանց ամբարները ընդեղէնների գանազան տեսակներ: Ամեն արարած պատրաստում էր ընդունել ձմեռը՝ իր անախորժ հիւրը:

10. Աշուն


Ի՞նչպէս եղաւ թռաւ յանկարծ
Յուրտ հիւսիսից էն շար քամին,
Տեսաւ սիրուն դրախտ դարձած,
Մարերն անցած ճանապարհին:

Ու զայրացած յետ դարձաւ նա.
— Ի՞նչ էք, ասաւ զուզւել, նորւել,
Անհետացէք, գալիս եմ հա՛,
Սև պիտ ներկեմ սար ու ձորեր:

Ծաղիկները սուգ նստեցին,
Քամուն տւին սիրուն շորեր,
Տխուր, տխուր արտասուեցին.
«Ափսոս անցան գարնան օրեր»:

Թռչունները երամ կապած
 Իրար յետքից շարան-շարան,
 Թողին սիրուն սարերն ամպած
 Թևին տւին, աչքից կորան:

Հովիւ, սարւոր մէգ-մշուշով
 Հօտեր, նախիր քշեցին ցած.
 Առու, առակ «ախ» ու «փուշով»
 Աղմկեցին՝ ձորերն առած:



Ու վախեցած դողդողացին
 Տերևները ցուրտ ճիւղերին,
 Փախան մէկէն, մերկ թողեցին՝
 Սևեր հագաւ կանաչ մէրին:

Արևն երկրից չկշտացած՝
 Ամպը եկաւ նրան թաղեց,
 Խաւար երկինքը վշտացած՝
 Վերից հանդարտ արցունք մաղեց:



11. Քաջասիրտ փայտփորը

Սևուկ փիսօն շատ բկլիկ էր. նա շարունակ բարձրանում էր մեր պարտէզի ծառերին, թռչնիկների բներից ձագեր, ձրւեր գողանում, ուտում, թռչնիկներին լացացնում: Նա մի օր էլ ծառի ծայրին փայտփորիկի բունը տեսաւ. բնի միջից երեք ձագեր նայում էին, ծիւծիւ կանչում:

Սևուկ փիսօն ուրախացաւ, սուսիկ փուսիկ վեր ելաւ, թաթը մեկնեց, որ ձագերին բռնէ՝ ուտէ: Մէկ էլ յանկարծ ծառի ծէրից փայտփորիկը բարի նման վրայ հասաւ, գող փիսիկի գլխին կանգնեց, սուր կտուցով տնւր թէ կտաս՝ քթին, աչքին, գլխին: Չար փիսիկը չգիմացաւ, ծառի գլխից թրմփալով ներքև ընկաւ:

էն ինչն է

Մարտինն է միքաղից,

Կիրակուրն է կրակից,


Խոզին է զրից,

Փոքն է փայտփորից.

Փորոսրիքն ինչ նկատուր և անշուշտ
սուսրկանիքից:

13. Չինւած քուրդը

Թուրքը, մի շուխտ ատրճանակ, վահանը և նիզակը բրդի մարմնի անդամներն են. սրանք միշտ մնում են նրանից անբաժան. հրացանը նա գործ է ածում մեծ կռիւների մէջ: Թամբած ձին, որ միշտ պատրաստ է նրա վրանի առաջ, քրք-



դի հաւատարիմ ընկերն է. նրան սիրում է տէրն աւելի քան իր կնոջը, աւելի քան իր որդիներին: Քուրդը իր վրանի մէջ հիւրասէր է որպէս Աբրահամ, բայց նա չի խնայելու կողոպտել նոյն հիւրին, եթէ նա կը հանդիպէր մէկ մզոն հեռու իր վրանից: Արեան վրէժխնդրութիւնը, որպէս ամեն կիսավայրենի ցեղերի մէջ, նոյնպէս քրդի մէջ, անցնում է սերունդից սերունդ: Սպանւածը հանգիստ չէ իր գերեզմանի մէջ, քանի որ նրա արեան փոխարէնը չի առնւել սպանողից, կամ նրա մօտ ազգականներից: Սպանողն այն ժամանակ միայն ազատ է մնում վրէժխնդրութիւնից, երբ գնում է ոսոխի

տունը, իր սուրը գցում է նրա ոտքի տակ և ներողութիւն խնդրում: Բայց հազիւ կը գտնւէր մի քուրդ, որ խոնարհէր մինչ այս աստիճան ստորութեան: Քուրդը քինախնդիր է և ոխերիմ. նա մինչև մահ չէ մոռանում վիրաւորանքը կամ անպատուութիւնը, քանի որ դեռ լիակատար բաւականութիւն չէ ստացել: Նա միևնոյն ժամանակ շատ հանգամանքներում հպարտ է և ազնիւ: Քուրդը դադարեցնում է իր կռիւը, երբ հակառակ կողմից միջամտութիւն են գործ դնում կանայք: Նա իրան չէ ստորացնում, պատերազմելով իրանից թոյլ արարածների հետ. թէև քրդի կինը կուրս սասպարէզում նոյնքան կատաղի է և քաջասիրտ, որքան իր ամուսինը:


14. Քուրդը ձիու վրայ

Մանկութիւնից քուրդը կրթւում է ձիու սանձ կառավարելու, զէնք գործածելու, մարմնամարզութեան և այլ ճարտարութիւնների մէջ: Դժւար է նկարագրել, թէ որքան ճարտար, որքան արագաշարժ է քուրդը, երբ նա ձի է հեծած: Չին ամենայն արագութեամբ վազելու ժամանակ՝ քուրդը ճախարակի նման պտտւում է նրա ամեն կողմերը: Երբեմն տեսնում ես, նա մի թռիչք գործեց, ձիու պարանոցով անցաւ և կրկին նստեց թամբի վրայ: Երբեմն տեսնում ես, նա իր ոտքերը ասպանդակի մէջ թողնելով, կռացաւ և ձեռքով գետնից հաւաքում է քար, փայտ, կամ իր ձգած նիզակը և նրանցով կարկտի նման մինը միւսի յետևից ումբակոծում է իր հակառակորդին, որին հալածում է: Բայց ձին նոյն միջոցին արագ վազում է առանց կանգնելու: Եւ գլխաւորը, որ միջոց է տալիս քրդին պատերազմել ձիու վրայ, այն է՝ որ նրա ձեռքերն ամենևին չեն զբաղւած իր նժոյգի սանձը կառավարելով. նա սանձը բոլորովին բաց է թողնում և իր ծընկերի զանազան շարժումները բաւական են ցոյց տալու



ձիուն իր ընթացքի ուղղութիւնը: Եւ խելացի անասունը այն աստիճան վարժած է, որ բոլորը հասկանում է և համարձակ գուշակում իր տիրոջ միտքը: Այսպէս ձիաւորի ձեռքերն ազատ են մնում և նա կարողանում է իր ձին ղէպի զանազան կողմեր պտրտցնել և միևնոյն ժամանակ գործ ածել իր զէնքերը՝ հրացան արձակել, լցնել, դարձեալ արձակել, թէև ձին անդադար շարժողութեան մէջ է: Մի խօսքով՝ ձին և բուրդը գործում են որպէս մի մարմին:

15. Աղեւն ու գայլը



1.	Ընծայ տւին նոր հարսին,
Ուստա աղւէսն օյինբազ,	Իրին հարսի գաւակը,
Պոչը մագոտ, երկու գազ,	Բայց էն շարի գաւակը
Իրան քաշած ձէն ու ձուկ	Թուաւ ելաւ շալակը,
Ճամբին տւեց սուտ մեռուկ:	Խտուտ տւեց էն հարսին:
Դհօլ-գուննա ածելով,	Հարսն էլ ասաւ աղւէսին.
Կարմիր գինի կոնծելով,	—Աման աղւէս,
Տասը քսան ձիաւոր,	Աներես,
Այ ու ալան հարսնետր	Ինձ մի անի
Մի նորահարս՝ նոր խաթուն	Սներես.
Տանում էին կեսրանց տուն:	Նորահարս եմ չխօսկան,
Տեսան ճամբին աղւէսին,	Ինձ խնայի էս անգամ:

«Աաւ, հարսիկ ջան, բաշխեցի.	Ասաւ՝ «Ասա, այ աղւէս,
Դէհ ոսկիքդ տուր ինձի»:	էնքան ոսկի սրղից քեզ»:
Նորահարսը ամօթից	—Գէլիկ,
Ոսկիքն հանեց իր ճտից.	Փէլիկ,
Ուրախ-Փրլախ աղւէսը,	Գէլ բիձա.
Չկայ մինն էլ էդպէսը,	Ածել գիտե՞ս,
Պոչ ու ոսկի թօփ արեց,	Մի ածա.
Ձիու թամբից հօփ արեց,	Ծափ տուր,
Թուաւ գետին ու վրզգաց,	Չափ տուր
Միայն հարսն էր որ տըզգաց:	Քո հանգի,
	Կանգնեմ թաթի,
Յիսուն-վաթսուն, բշիցը,	Կրրընկի,
Ոսկին կապած պոչիցը,	Ես մի պարեմ
Մին ձախ, մին աջ,	Տրրընկի,
Յետ ու առաջ շարաճրճին	Ուզունդարա,
Վեր էր թռչում,	Ռանկի,
Պոչն էր պաշում,	Կինտաուրի,
Խաղ էր կանչում.	Քոչարի,
—Աման, աման,	Այ շալախօ,
Այ աման.	Շալախօ.
Ո՞վ կայ, ո՞վ կայ	Ոսկին շարքով
Ինձ նման:	Իրա կարգով
Ելայ հարսի գաւակը,	էս իմ պոչին
Գաւակից էլ շալակը,	Դաշտի միջին
Ոսկիքն առայ	Թող զընգընդայ,
Ու փախայ,	Չունեցողը
Դէհ, աղւէս ջան,	Թող սընգսընդայ:
Դէհ, խաղա:	«էզ սրտեղից, էզ սրտեղ
Աղւէսն էդպէս առաջ, յետ,	կայ...»
Հա խաղում էր պոչի հետ.	—Գէլիկ,
Մի գէլ եկաւ գունչը խէտ,	Փէլիկ,
Կուճին անմազ, վիզը փէտ,	Գէլ բիձա,

Լիճը տըւեց
Ինձ ընծայ.
Էնտեղ, էնտեղ կայ մի լիճ,
Ափերի մօտ շուրը քիչ,
Ես գնացի, էն շրում
Պոչս դրի, մի օրում

Էսքան ոսկի դեղ-դեղին
Շարւան պոչիս մէջտեղին
Ձկների հետ—
Ձկան կոյտ:
Ախր ինչո՞ւ
Չեկար շուտ:



Գնանք կուգես, գէլ բիճա,
Ամբողջ լիճը տամ ընծայ:
— «Որ էդպէս է,
Այ աղէս,
Հեծի վրէս,
Տանեմ բեդ»:
2.

Աղէսն հեծաւ գէլ բիճին
Ու քշելով անսանձ ձին՝
Եկան հասան էն լճին:
Գէլը շրում պըպըգեց,

Պոչն արմատից ներս բգեց:
Աղէսը թէ՛ «Գէլ, բեդ մօտ
Մին էլ կը գամ առաւօտ.
Տեղէդ չեղնես դու ըսկի,
Պոչդ թող լաւ տըտըզկի,
Որ դուրս հանի շատ ոսկի»:
Մի ցուրտ օր էր յունւարի-
Գիշերն եղաւ մի տարի.
Երկինք,
Գետինք
Ճըկճըկաց

Գէլը ցրտից
Վընգվընգաց,
Պոչեց. «Ոսկի, ձուկ, պէտք չի»,
Պոչը քաշեց, որ փախչի,
Բայց ձրտեղից, էն լճից.
Լիճը կպել էր պոչից:

16. Խորամանկ կապիկը

Գիւղացին մածնի մի քանի կճուճ իշուն բարձած՝ իր կապիկի հետ եկաւ քաղաք:

Նա քաղաքի մէջ, մի բանուկ փողոցում ծառից կապեց էշը, մածնի կճուճները դրեց ծառի սոււերի տակ, ինքն էլ նստեց այնտեղ:

— Այ լաւ մածուն առնող, այ լաւ մածուն առնող, անդադար բղաւում էր նա, անցնող-դարձողի ուղադրութիւնը իրեն գրաւելով:

— Եթէ լաւ մածուն է, մի-երկու կճուճ բեր այստեղ տեսնենք, պատշգամբից ձայն տւեց մի կին:

Գիւղացին վերցրեց մի-երկու կճուճ և մտաւ այդ կնոջ սոււնը:

Այդ միջոցին կապիկը, երբ մնաց մենակ, բաց արաւ մածնով լիբը կճուճը, արագ արագ կերաւ, լափլփեց բոլոր մածունը. և երբ վերջացրեց, մածնոտ թաթը քսեց իշու քթին և շրթունքներին. ապա դատարկ կճուճը դրեց իշու առաջը, ինքըն էլ բերանը սրբեց, նստեց իր տեղը:

Գիւղացին երբ վերադարձաւ, տեսաւ դատարկ կճուճը և իշու մածնոտ բերանը, շատ բարկացաւ, վերցրեց փայտը և սկսեց խեղճ անասունին սոււր թէ կը տաս. էշը մնացել էր շըւարած՝ չհասկանալով բանն ինչու՞ն էր:

Իմացի խանութում եղած մարդիկ, որ կապիկի արածը մէկ-մէկ տեսել էին և ծիծաղից թուլացել, խղճահարւեցին և յայտնեցին գիւղացուն, ինչ որ եղել էր:

Այս անգամ գիւղացին յարձակեց կապիկի վրայ, բայց
զեռ մի-երկու հատ չէր խփել, կապիկը դուրս պրծաւ նրա
ձեռից, կանգնեց փողոցի մէջտեղը և սաստիկ կատաղած՝ քա-
րեր էր շարտում այն խանութի մարդկանց վրայ, որտեղից մար-
դիկ մատնել էին իրեն:

Ոչ ոք սիրտ չէր անում վրիժառու կապիկին մօտենալ,
միայն տէրը համարձակութիւն ունեցաւ կամաց կամաց գը-
նալ մօտը՝ բաղր դէմք ցոյց տալով:

Կապիկը հանգստացաւ, բռնեց տիրոջ փէշը և յետոյ բազ-
մելով իշու վրայ՝ առօք-փառօք գիւղ վերադարձաւ:

Գիրի արագիւն, ինչպէս բանդարկամ,

Բարչր պարսպի յիւրեւ է փակւած.

Կուլ էր նա թուղի, ու անցնել Տովլի,

Բայց, ափսոս, խիղճի խուլած ինքնի:

18. Չրի կաթիլի ճանապարհորդութիւնը

1.

—Ա՛խ, ի՛նչպէս կուզեմ վերև բարձրանալ վերև, շատ վե-
րև, էն սարի գլուխը, էն ամպի մօտը, արևի բովը, աստղե-
րին հասնել, ասաց մի կաթիլ:

—Ես էլ եմ ուզում, ես էլ եմ ուզում, ձայն տւին ծովից
Չրի շատ կաթիլներ. վերև բարձրանալ, վերևից նայել, թէ
ի՛նչ կայ էստեղ՝ աշխարհի վրայ. էնտեղից տեսնել սարեր,
ձորեր, դաշտեր, անտառներ, բաղաքներ, ծովեր. ա՛խ, ի՛նչ
լաւ կը լինէր:

2.

Արևը լսեց, տաք տաք ճառագայթներ ներքև ուղարկեց,
Չրի կաթիլներին նա վերև կանչեց:

Մեր կաթիլները քիչ քիչ տաքացան, անտեսանելի գոլորշի
դարձան, վերև բարձրացան: Նրանք բարձրացան, շատ շատ
բարձրացան, սարերից վերև, ամպերին մօտեցան:

—Էս ի՛նչպէս բան է, ասաց կաթիլը. էսչափ բարձրացայ,
էսչափ վեր ելայ, հէջ բան չտեսայ:

—Ափսոս, շատ ափսոս, որ շատ յոգնեցի, ասաց ուրիշը.
Ես էլ չեմ կարող վերև բարձրանալ:



—Էստեղ շատ ցուրտ է, ասացին միւսները. շատ շատ
դժւար է վերևում ապրել:

—Այո՛, այո՛, ձայնեցին ամենքը. ի՛նչ լաւ կը լինէր առաջ-
ւայ նման՝ ներքև լինէինք:

3.

Արևը լսեց, ցուրտ բամի ուղարկեց:

Գոլորշիները քիչ քիչ մրսեցին, կուշ ու ձիգ արին, իրար
մօտեցան, քիչ քիչ խտացան, տեսանելի դարձան:


—Ի՛նչ մութ ամպեր են, ասացին մարդիկ:

Քամին սաստկացաւ, սև, մութ ամպերը իրար մօտեցան:

— Էս ինչպէս ցուրտ է, ինչպէս քամի է, ասացին նրանք՝ կաթիլներ դարձան:

— Ա՛յ, հիմա լաւ է, ասաց կաթիլը. այժմ ամեն ինչ ես լաւ տեսնում եմ:

— Մենք էլ ենք տեսնում, մենք էլ, կանչեցին բոլորը:



— Բարև ձեզ, բարև, սիրելի ընկերներ, ասաց կաթիլը. ինչպէս լաւ եղաւ, որ կաթիլ դարձանք:

Մեր կաթիլները զրոյց անելով՝ հանգիստ ու հանդարտ ներքև են իջնում:

— Ի՛նչ լաւ անձրև է, ասացին մարդիկ:

Սումբ խումբ կաթիլներ սարերի վրայից գոռում գոչիլնով ներքև են վազում. ներքև են վազում, հողը պատառում, ծառեր, ծաղիկներ բոքահան անում և առաջ գնում:

— Ի՛նչ վատ հեղեղ է, ասացին մարդիկ:

— Ես շտապում եմ, շուտ ճամբայ տւէք, ասում էր հեղեղը և առաջ գնում. այսպէս նա գնաց, շատ առաջ գնաց, հասաւ մեծ գետին: Հեղեղն այստեղ շուտով կուլ գնաց և հանդարտ հոսեց:

Մարդիկ նաւերով ապրանք են տանում ջրի երեսով. ապրանք են տանում քաղաքից քաղաք, ապրանք են տանում ծովի այն կողմը:

Մեր կաթիլները վերջապէս հասան իրանց մօր գիրկը:

— Բարով եկաք, իմ կաթիլներ, ասաց ծովը:

Էն ինչն է

Կաթնաղբիւրից ջուր է խմում,

Արիւն ծովից ձէն է հանում:

19. Հովի ղարձր սարից

Մնաք բարով, մարգեր,

Արօտներ փայլուն.

Ամառն անցկացաւ,

Հօտը գնում է տուն:

Մենք էլի կը գանք, կը բարձրանանք սարը,

Երբ թռչունների կը զարթեն երգերը,

Երբ ծաղիկները կը ծածկեն երկիրը,

Անուշ մայիսին կը վազեն ջրերը:

Մնաք բարով, մարդեր,

Արօտներ փայլուն:

Ամանն անցկացաւ,

Հօտը գնում է տուն:

20. Քրդի կարծիքը գրի մասին

1.

—Հասօ, տար այս նամակը և տասը գառ՝ աղային տուր, ասում է տէրը իր քուրդ ծառային:

Առաջին օրը Հասօն հասնում է իր տունը. ուղում է մի գառն անուշ անել. և որպէսզի գողութիւնը չբռնւի, նամակը տանում գոմում թաղցնում է, որովհետև «թղթերն աչքեր ունեն կը տեսնեն և կը խօսեն քաղաքացիների հետ», մտածում է քուրդը: Այդ գիշեր գառը մորթում է, մի լաւ քէֆ է անում: Միւս օրը մնացած գառները նամակի հետ յանձնում է աղայի ծառաներին:

—Ճիշտ տասը համտ է, հարցնում է աղան իր ծառային:

—Ո՛չ, տէր, իննը գառ է բերել:

Աղան դուրս է գալիս և հարցնում է բերող քրդին.

—Քեզ տասը գառն են տւել, իսկ դու ինն ես բերել, ո՞ւր է մէկը:

—Այո՛, տէր իմ, բոլորն էլ այստեղ են:

—Բայց դու իննը հատ ես բերել:

—Այո՛, տէր, իննը:

—Բայց ըս բերած թուղթն ասում է՝ տասը հատ է:

—Այդպէս է, տէր, տասը հատ է, բոլորն էլ այստեղ է:

—Քուրդ, եթէ բերածդ տասը գառը տասը մարդու վրայ բաժանենք, ամեն մէկին քանի հատ կ'ընկնի:

—Մէկ-մէկ հատ, տէր:

—Որ այդպէս է, համարի՛ր այստեղ կանգնած մարդկանց

և ասա՛, քանի հոգի են:

—Ութը, տէր:

—Մէկն էլ դու, իննը. մէկն էլ ես, տասը. հիմա իւրաքանչիւրդ մէկ մէկ հատ բռնեցէք:

Ամենքը բռնում են:

—Տեսնում ես, ես չունեմ, ասում է աղան, հապա իմն ո՞ւր է:

Ա՛խ, ասում է քուրդն ինքն իրան. «եթէ ես իմանայի, էդ նամակի հոգին կըհանէի»: Յետոյ դառնալով աղային ասում է.

—Ես գիտեմ, տէր, քեզ այդ սատանայ նամակն է ասել, թէ ես... Բայց ես ի՞նչ անեմ, թող դու էլ քո բաժինը բռնէիր: Աղան ծիծաղում է քրդի միամիտ պատասխանի վրայ: Նա ուրիշ նամակ է տալիս քրդին, որ տանի տիրոջը տայ:

2.

Քուրդը կարծելով թէ նոյն նամակն է, ճանապարհին քարի տակ դնելով մի լաւ ծեծում է, ասելով. «էլ մատնութիւն չանես, եթէ ոչ հոգիդ կը հանեմ»:

Երբ քուրդը տեղ է հասնում, նամակը տալիս է տիրոջը: Տէրը բարկացած հարցնում է. — Ի՞նչո՞ւ ես նամակը բարով ծեծել:

—Ես չեմ ծեծել, տէր:

—Ի՞նչպէս թէ չես ծեծել, երբ պարզ երևում է:

—Տէր, ես անագին մարդ եմ, ինձ չես հաւատում, այդ մի կտոր թղթին ի՞նչպէս ես հաւատամ:

—Ստախօս անպիտան, ասում է տէրը. այս նամակը քարով այնչափ ես ծեծել, որ գրերը չեն կարդացւում:

—Տէր, այսինքն այդ գրի լեզուն առնւած է:

—Այո՛, այո՛:

—Որ լեզուն առնւած է՝ այդչափ բաներ է ասում, եթէ առնւած չլինէր, ո՞վ է իմանում, ի՞նչ ստեր պիտի խօսէր, ասում է քուրդը:

21. Չա՛ն, ա՛յ լուսին

Հուսինն ելաւ էն սարից,
Սարի բարձր կատարից,
Շէկիկ-մէկիկ երեսով.
Փուեց գետնին լուսի ծով.

— Չան, այ լուսին,
Չան քո լուսին,
Չան քո կլոր
Շէկ երեսին:

Խաւարն իսկոյն չբացաւ,
Ու էլ գետնին չկացաւ,
Հուսնի լուսից հալածւած՝
Խոր ձորերի մէջ մնաց.

— Չան, այ լուսին,
Շէկիկ լուսին,
Չան քո արծաթ,
կամար ուսին...

Բայց ամպերը մուգին.
Նախանձեցին լուսնիկին,
Ելան երկինք կապուտակ՝
լուսնին առան իրենց տակ.

— Չան, այ լուսին,
Խաւրած լուսին,
Չան, կ'սպասենք
Մենք քո լուսին:


22. Ռօբինգօնը կղզու վրայ

Ռօբինգօնը երբ ուշքի եկաւ, տեսաւ, որ ծովափին մենակ
ընկած էր: Նրա բոլոր ընկերները ծովի ալեկոծութեանը զոհ
էին գնացել, նաւն էլ խորտակւել, ոչնչացել էր:

— Ինչո՞ւ ես ազատուցի, ի՞նչ օգուտ, երբ հիմա քաղցից
պէտք է մեռնեմ, կամ վայրի գազաններին կերակուր դառ-
նամ: Նա յուսահատ ընկած էր ծովափին, քաղցն ու ծարաւն
էլ տանջում էին նրան: Յանկարծ տեսաւ մի ձկնկուլ, որը
կտցումը ձուկ բռնած թռչում էր:


— Մի՞թէ ես էլ չեմ կարող ծովափին ձուկ կամ մի այլ

կենդանի գտնել, քաղցս յագեցնել, մտածեց նա և վեր կացաւ:
Շատ չէր գնացել, երբ յանկարծ կանչեց. — Խեցգետին, ստորէ՛-



նա վրայ պրծաւ, կերաւ, քաղցը յագեցրեց: Երբ մութն ընկաւ,
մի ծառ բարձրացաւ և գիշերն այնտեղ անցկացրեց: Այսպէս ա-
րաւ մի բանի օր և վայրի գազաններից ազատուց:

Վերջապէս մօտիկ լեռան վրայ մի այր
գտաւ ու այնտեղ մնաց: Ռօբինգօնը չոր խոտ
հաւաքեց, անկողին պատրաստեց և հանգիստ
քնեց:



23. Կկուն եւ տատրակը

Ծառի վրայ տխուր Կկուն
Հա կրկնում էր անվերջ՝ կո՛ւ-
կո՛ւն.

— Կկու ըուրիկ,
Հերիք, հերիք,
Կո՛ւ-կո՛ւ անես,
Հոգի հանես:

— Ա՛յ բախտաւոր ընկեր
տատրակ,

Սիրտս լինէր գրած տետրակ-
Մի կարգայիբ ամեն էջը,
Տեսնէիր թէ ինչ կայ մէջը:
Դու չես տեսել
Ձիգրի մրմուռ,

Դու չես չափել
Արցունք բուռ-բուռ,
Դու չես թափել
Ցաւից փետուր:
Հէյ վախ...
Փարնանը վաղ
Եկ ձու ածի,
Չագ ունեցի,



Վերջը կարօտ,
Միրադ եարօտ
Չորում մենակ
Միաբնակ
Էստեղ,
Էնտեղ,
Մի չալու տակ
Սև ձանձրոյթից,
Քո սև սրտից
Կո՛ւ-կո՛ւ կանչի
Ու քեզ տանջի:
Երնէկ հաւին,
Ինձնից լաւին,
Բաղին, սագին...
Չագերն անգին
Հեռանում չեն
Մօրը մօտից,

Ոնց որ կապեն
Ոտը ոտից:
Իմ ձագերը
Միրո՛ւն, սիրո՛ւն,
Բայց որ մօրը
Հէչ չեն սիրում:
— Կկու բուրիկ,
Թէ որ ճիշտ է,
Միրո՞ղ մօրը
Մաստիկ վիշտ է՝
Վերջին օրը
Ատւի,
Չատւի
Իր ձագերից,
Էրւի,
Խորւի
Իր կրակից...
Ես լինէի,
Տանիլ չէի,
Այ ցեղակից,
Էսքան կսկիծ,
Զիգրի մրմուռ,
Արցունք բուռ-բուռ.
Թափիլ չէի
Ցաւից փետուր.
Ինձ կը տայի
Մի սուր փշի,
Ինձ ամեն օր
Չէի մաշի:
Բայց, բուրիկ Չան,
Միշտ կը դիտեմ



Ու լաւ գիտեմ.
Փարուն, ամառ
Միշտ անդադար
Թռչկոտում ես
Հա՛ ծառից-ծառ.
Ոչ ո՛ւն ունես,
Ոչ բո՛ւն ունես,
Էլ ո՞րտեղ դու
Ածեցիր ձու,
Չագ հանեցիր,
Թուեր տւիր
Ու թըռցրիր:
— Խելքից դարտակ,
Ցանցառ տատրակ,
Նախանձ, չկամ.
Բա ման չգամ:
Ի՞նչ, գարունը
Ծալապատիկ
Ընկնեմ բունը
Հա տիկ-տիտիկ,

Պատուեմ սրտի՛կ:
Քի՛չ կան դաշտում
Սյուց բներ.
Նրանց մէկում
Դրի՛ ձւեր:
— Էդ է, Կկո՛ւ,
Որ չի
Լինի
Մինդ երկու:
Ով չունենայ
Իրա ունը,
Ով չունենայ
Իրա բունը,
Չածի ձւան,
Նստի վրան,
Հոգս չտանի,
Չագ չհանի,
Վերջը քեզ պէս
Կո՛ւ-կո՛ւ կանի:

Էն ինչէ է
Արչափ շարանայ,
Այլուսի փաղցրանայ,
Արչափ Ժիրանայ,
Այլուսի վօրանայ:

25. Ռօբինզօնի գիւտերը

— Էս ինչ ծառ է, ինչ մեծ մեծ պտուղներ ունի, գարմացած ասաց Ռօբինզօնը: Դրանք երեխայի գլխի մեծութեամբ կօկօս-ընկոյզներ էին: Ռօբինզօնը մէկը կտորեց և համտես արաւ:— Շատ լաւ է, խիստ համով է, ասաց ինքն իրեն. ընկոյզը ուտելիք կ'անեմ, կեղևն էլ շրաման: Այսպէս մտածելով, նա մի քանի հատ պոկեց և տարաւ:



— Ինչ լաւ խուրմա է, իսկ և իսկ բաղդատի խուրմա, ուրախութիւնից գոռաց Ռօբինզօնը և ամեն օր քաղում, տանում էր: Մի անգամ էլ տեսաւ մի ուրիշ ծառ, նրա ճիւղերը կանեփի թելի նման կախաւծ էին:— Մի՞թէ սրանցից չի կարելի թել քաշել և պարան շինել, ասաց Ռօբինզօնը: Այդ բոյսից քաղելով,

մի քանի օր ջրի մէջ դրեց, լաւ թրջեց, յետոյ արևի տակ կախեց, չորացրեց. երբ փայտով ձեծեց, բարակ ու երկայն թելեր դուրս թափւեցին:

— Հիանալի է, հիանալի, մտածեց Ռօբինզօնը և նրանից բաւական թել և պարան հիւսեց:

Օրերի կարգը չմոռանալու համար Ռօբինզօնը մտածեց օրացոյց շինել. ինչ անէր, երբ թանաք, թուղթ, գրիչ չունէր. մտածեց, մտածեց՝ հնարը գտաւ: Նա չորս ծառ ընտրեց. ամեն երեկոյ մէկի վրայ սուր քարով մի գիծ էր քաշում. սա նշանակում էր, թէ մի օր անցաւ. այս տեսակ եօթը գիծը ցոյց էր տալիս՝ թէ շաբաթը լրացաւ. սրանից յետոյ երկրորդ ծառի վրայ մի գիծ էր քաշում. սա էլ նշանակում էր մի շաբաթ. երբ այս ծառի վրայ չորս գիծ էր լինում, երրորդ ծառի վրայ նշան էր անում՝ այսինքն թէ մի ամիս եղաւ. իսկ երբ այս ծառի վրայ տասներկու գիծ էր քաշում, չորրորդ ծառի վրայ մի նոր նշան էր դնում՝ այսինքն թէ տարին լրացաւ:

26. Նապաստակները

Նապաստակներն ամբողջ ցեղով
Անտառի մէջ արին ժողով,
Եւ ժողովում մի ծեր շղիկ
Ասաւ. «Լսէք, մեծ և պատիկ.

Շունը հաչէ,
Քամին փրչէ,
Ամպը գոռայ,
Մուկը ճռայ,
Օձը սողայ՝
Մեր էս ցեղը
Հն կը դողայ:

Էսպէս ապրել չի կարելի
 Էս աշխարհում չարերով լի.
 Չարն ու բարին աշխարհի հետ՝
 Թողնենք գնանք, թափւենք մի գետ»:
 Շլդիկները ոչ էս, ոչ էն,
 Ելան ընկան մահի ճամբէն,




Հէնց որ եկան գետին մօտիկ,
 էն գորտերը մեծ ու պստիկ
 Խառնիխուռը
 Թափւան շուրը:
 Իսկոյն էդտեղ մի այլ շլդիկ՝
 «Դարձէք, կանչեց, պապիս որդիք.
 էլ մի կախէք ձեր բթերը,
 Մեզնից վախկոտ են գորտերը»:

27. Ռօբինզօնի ճանապարհորդութիւնը եւ նոր գիտերը

1.

Ծովափում ոստրէներ քիչ էին գտնուում. կօկօսի ընկոյզն
 էլ պակասել էր. քաղցած շմալու համար Ռօբինզօնը որոշեց
 իր կողին ման գալ և ուտելու բան գտնել: Նա ղէնքեր չու-
 նէր, որ վայրի գազաններից պաշտպանւէր, շատ մտածեց,
 հնար չգտաւ: Մի օր էլ մտածելով զնում էր, յանկարծ սուր
 սուր ծայրերով, կտր անցքով մի քար տեսաւ:—Սա ինձ հա-
 մար լաւ կացին կը լինի, մտածեց նա. իսկոյն ծառի ճիւղից
 մի կոթ շինեց և կացինը պատրաստ էր: Քարերի մէջ ման
 գալով գտաւ նման քարեր. դրանցից էլ մեծ ու փոքր
 մուրճեր, տէգեր շինեց: Փա-
 փուկ ճիւղերը կռացնելով աղեղ
 պատրաստեց և թելով կապեց.
 սուր սուր քարերից և փայտերից
 նետեր շինեց. այսպիսով նետ ու
 աղեղ էլ պատրաստեց:



Շոգից պաշտպանւելու հա-
 մար ծառի փափուկ ճիւղերից
 շրջանակ շինեց, կօկօսի լայն
 տերևներով ծածկեց, ձկան փշե-
 րով ամրացրեց և հովանոց պատրաստեց: Մնում էր ճանա-
 պարհորդական պարկը. Ռօբինզօնը դրա հնարն էլ գտաւ. պա-
 րանից մի պարկ հիւսեց և վիզը գցեց: Ամեն ինչ պատրաստ
 էր. հետևեալ օրը մի քանի կօկօս հետն առաւ, ղէնքերով ղին-
 ւեց, հովանոցը գլխին բռնած՝ գուրս եկաւ ճանապարհորդելու:
 Բաւական գնաց, մէկ էլ կանգնեց փոքրիկ թփերի առաջ և
 ինքն իրան հարց տուեց.

— Էս ի՞նչ տեսակ մանրիկ, կանաչ խնձորներ են այս թը-

փերի վրայ. իսկ ապա սրանց կապոյտ ու սպիտակ ծաղիկները...
Ռօբինզօնը խնձորներից մէկը կծեց.— Ի՞նչ անհամ է, բար-
կութիւնից նա ամբողջ թուփը պոկեց և դէն շարտեց: Օ՛հօ,
էս ի՞նչ գնդեր են սրա տակից կախած. չլինի՞ այս թփի պը-
տուղները սրանք են, ասաց ու կծեց. սա էլ անհամ է. ուզում
էր բոլորը թափել, բայց մէկ էլ մտածեց և միքանի հատ պար-
կի մէջ գցեց ու առաջ գնաց:

Շատ չէր գնացել, երբ սարսափից մի ծառի տակ քարացած



կանգնեց: Ռօբինզօնը ծածուկ նայեց և ի՞նչ տեսաւ. եղջե-
րուի նման մի խումբ կենդանիներ խաղալով ու ցատկոտե-
լով գալիս էին: Սրանք լամաներ էին: Ռօբինզօնը սաստիկ
ցանկացաւ միս ուտել. նա կացինը ձեռին սուս փուս կանգ-
նեց և սպասեց. հէնց որ մի լամա այդ կողմով անցաւ, գըլ-
խին խփեց: Լաման ընկաւ. Ռօբինզօնը ուրախ ուրախ ուսին

դրեց և տուն դարձաւ: Շատ չէր գնացել, երբ գոռալով կան-
չեց.— Լիմօններ, լիմօններ, վրայ հասաւ, միքանի հատ քա-
ղեց, զամբիւղն ածեց և շարունակեց գնալ:

— Բայց ես ի՞նչպէս խորոված անեմ, երբ կրակ չունեմ,
հառաչելով ասաց Ռօբինզօնը: Նա լսել էր, որ վայրենիները
երկու փայտ իրար քսելով, կրակ են ստանում, ինքն էլ փոր-
ծեց, շարշարեց-շարշարեց՝ չյաջողեց: Ռօբինզօնը տխուր,
տրտում կաշին բերթեց և փռեց չորացնելու:

2.

Գիշեր էր. ամպերը խիստ գոռում էին. կայծակները փայ-
լում: Ռօբինզօնը քնից վեր թռաւ և չկարողացաւ հանգըս-
տանալ:

— Ի՞նչ սարսափելի գոռոց է, ի՞նչ խիստ անձրև է, մտա-
ծում էր Ռօբինզօնը: Գոռոցը քանի գնում աւելի ու աւելի
սաստկանում էր: Մէկ էլ կայծակի մի զօրեղ ճայթիւն կար-
ծես զլխի վերևում տրաքեց: Ռօբինզօնը ուշաթափեց. լոյսը
բացել էր, երբ ուշքի եկաւ և այբից դուրս փախաւ:

— Տէր Աստուած, էս ի՞նչ բան է, էս ի՞նչ կրակ է, կանչեց
Ռօբինզօնը և վազեց դէպի իր բնակարանի մօտ գտնւած ծառը:
Նա իսկոյն հասկացաւ, որ գիշերւայ կայծակն էր խփել. ծառը
մոմի պէս բոցավառում էր: Ռօբինզօնը լաւ կրակ արաւ,
լամայի միսը խորովեց և համով խորոված կերաւ: Այդ թան-
կագին գանձից՝ կրակից չզրկւելու համար, գիշեր ցերեկ շա-
րունակ փայտ էր վառում և մոխրի տակ կրակ պահում: Առա-
ջին օրւայ քաղած գնդակներն էլ մոխրի մէջ թաղեց և երե-
կոյեան դէմ երբ հանեց կերաւ՝ հիացած կանչեց.— Իսկ և իսկ
հաց է, հացի համ ունի, հացի հոտ ունի:

Այնուհետև ամեն օր այդ գետնախնձորներից խորովում և
մեծ ախորժակով ուտում էր: Այդ գնդերը մեր այժմեան գոր-
ծածած կարտօֆիլն է, որ աշխարհի ամեն կողմերում տա-
րածւած է, իսկ այն ժամանակ մարդկանց դեռ անյայտ:



—Միթէ չեմ կարող կաթ ու մածուն ունենալ. միթէ չեմ կարող մի լամա բռնել, հարցնում էր ինքն իրեն Ռօբինզօնը:

Այդպէս մտածելով, հետևեալ օրը զինւած դուրս եկաւ, մի ծառի տակ թաք կացաւ և պարանը օղակ շինած՝ սպասում էր: Երբ մի լամա այդ կողմով անցաւ, Ռօբինզօնը գցեց նրա վիզը և քաշեց: Լամայի յետևից վազեցին երկու ձագ:

—Ի՞նչ լաւ եղաւ, մէկի տեղ երեք, ուրախացած կանչեց Ռօբինզօնը. ես հիմա միս, կաթ, մածուն, պանիր և իւղ կու-
նենամ:

Ճանապարհին բաւական կարտօֆիլ հանեց և հետը տուն բերեց: Լամաները քիչ քիչ նրան սովորեցին և ընտելացան. նրանք միշտ Ռօբինզօնի յետևից գնում էին, իսկ Ռօբինզօնը նրանց համար խոտ և փափուկ կանաչներ էր բերում, աղբիւ-

րըն էր տանում, ջրում և ամեն առաւօտ առատ կաթկթում ու անուշ անում:

—Պէտք է աման շինեմ, որ կաթ պահեմ, մածուն մակարդեմ, մտածում էր Ռօբինզօնը: Դէս ու դէն ընկաւ, կաւ գտաւ, ոտներով տրորեց, այնչափ տրորեց, որ լաւ փափկացաւ: Յետոյ շատ փորձեր արաւ, շատ շինեց, քանդեց, վերջապէս կարողացաւ հասարակ ափսէներ, խոր ամաններ, մեծ ու փոքր պոլտուկներ շինել:

Ապա այդ շինածները կրակի մէջ դնելով՝ թրծեց. ամանները պատրաստ էին: Ռօբինզօնը բաւական շատ փորձեր արաւ, վերջապէս կարողացաւ կաթի հում սերից կարագ ստանալ, կաթը մակարդեց, մածուն ստացաւ, մածնից՝ թան, կաթից՝ պանիր: Այնպէս որ կաթ, մածուն, սեր, կարագ, պանիր, իւղ ու թան նրա համար անպակաս էին:

3.

Մենակութիւնից Ռօբինզօնը ձանձրացել էր. նա տխուր էր և շատ անգամ մտաբերում էր իր ծնողներին, խաղընկերներին, ազգականներին... իսկ հիմա ոչ ոք չկար մօտը. մեն մենակ ընկած էր կղզու վրայ:

—Մի, Աստուած, ի՞նչ անեմ, մէկը չկայ, որ հետը խօսեմ, մարդու լեզու իմանամ. այս ի՞նչ բան է, այս ի՞նչ կեանք է, հառաչում էր նա: Մի օր էլ մտածեց թուժակ կամ սարեակ բռնել, խօսել սովորեցներ: Այդպէս էլ արաւ. մի թուժակ բռնեց. ծառի ճիւղերից վանդակ շինեց, մէջը դրեց և ամեն օր նրա հետ պարապեց, խօսել սովորեցրեց: Երբ մի օր էլ թուժակը մարդու նման մի քանի խօսք ասաց, Ռօբինզօնը ուրախութիւնից արտասուեց: Երեք տարուց յետոյ առաջին անգամն էր մարդու խօսք լսում:

Ռօբինզօնի շորերը բոլորովին մաշուել էին. ձանձերն ու մոծակները նրան անհանգիստ էին անում և շարունակ կծոտում: Նա մտածեց լամայի կաշուց շորեր, կօշիկներ պատրաս-

տել. և միքանի օրից յետոյ արդէն պատրաստ էր: Թէև նրա տրեխները շատ կոշտ էին և ոտները ցաւեցնում էին, բայց ի՞նչ կարող էր անել: Երեսի համար էլ մի դիմակ շինեց, որի երկու ծակից աչքերն էին փայլում:

28. Գիւղացու երջանկութիւնը

Շատի հագին տրեխ է, գուլբայ էլ չունի, որ ոտը ծածկի. շատի չուխի վրայ հարիւր կարկատան կայ, էն էլ ռանգ ռանգ կտորներով, որը կարմիր, որը դեղին, որը զօլ զօլ. շատի ձեռների, երեսի, միրքի վրայ տասը տարւան աղտ, կեղտ, թոզ ու մոզ կայ,—բայց ի՞նչ կանես, որ տունն ու շիրախանէն հագար բարութիւններով լիբը՝ տրաբում է ու Աստծոյ հոգի կայ մէջներումը. մէկ օձի ձուն է պակաս նրանց տանիցը: Գինին կարասներով շարած, ամբարը հացով լիբը, կթի կոմն ու գոմէջները հորթ ու ձագը տակներին՝ գոմումը պահած, բեահլան ձին գոմումը, գութանը դռանը լծած, մառանը եմիշով, կախանով, տանձ ու խնձորով խլթխլթում և մտնողին հոտը տեղն ու տեղը բռնում, շմացնում է: Որը երկու, որը երեք բաղ ունի, վարելու և արածելու հող ու հանգ ունի: Կարասներով կողակ, կճուճներով զաւուրմայ, աքաջներով զօխ, բոխ, ողորմակոթ, բղուղներով եղ ու կարագ, մօթալներով պանիր—ծնվ, ի՞նչ տուն: Մէկ կոպէկի բան բազարից տուն չի գայ, բացի իրանց հագնելու շորերիցը. էն էլ կտաւ, շապկացու, չուխացու շատը հարսներն ու աղջկերքն են նրանց համար մանում, գործում, կարում: Շատը չորս, հինգ հարս ունի տանը, որ մէկ տեղը ցաւելիս՝ ուզում են գլխովը պտիտ գան ու աչքը կթած ունին, որ տեսնեն, թէ իրանց տէրը կամ ղօնաղը ի՞նչ կը հրամայի՝ որ կատարեն: Մեծ ու պստիկ աշխատում են, մեծի պատիւը գիտեն, նրա հրամանը ոչ ով գետնովը չի տայ, էնքան հնազանդ են:

29. Պատկեր

Սիրուն գիշեր...
Հունի շողեր
Պար են բռնել
Ջրի հետ,
Գետն է հոսում,
Օրօր ասում,
Փսփսում է
Հունի հետ:

Մեղմիկ քամին
Փարում ջրին,
Խաղ է անում
Գետի հետ,
Արծաթ ջրեր,
Հունի սուեր,
Համբուրում են
Իրար հետ:

30. Ծեր ձևեր

«Փու-հա-փուհ... փու-հա-փուհ...»
Փչում է ձմռան քամին ահարկու,
«Եկա՛ւ... վայ եկա՛ւ... էլի յետ եկա՛ւ...»
Արար-աշխարհում վայնասուն ընկա՛ւ...
Բայց ծեր-երկիրն է, պէտքն էլ չի անում,
Ջիւն մուշտակն իսկոյն մերկ մարմին բաշում,
Ու տակից իր գետ գըլ-գըլան բերնով
«Օ՛խ-օ՛խ» է անում, ձմռան հէրսն հանում...

31. Սղոսն

Բլրակի լանջը սառել էր. հեռւից այնպէս էր պսպղում, պէծ պէծին տալիս, որ կարծես թէ մի մեծ հայելի էր բլրի գագաթից մինչև ստորոտը:

—Տղէք, գնանք սղալու, ասաց Գէորգն ընկերներին:

—Գնանք, գնանք, ասացին միւսները և սղաններն առած գնացին:

Անուշն ու Սինօն էլ գնացին, թէև սղան չունէին:

Օրը պարզ էր և ցուրտ: Արեգակը բոլորովին չէր տա-
քացնում երեխաների սառած ձեռքերը: Նրանք կատակներ
էին անում, վազվզում, որ չզգան ցրտի սաստկութիւնը:

Կարգով կանգնում էին բլրակի գլխին և սղղաններին նըս-
տած իրար յետևից բաց էին թողնում, սղղալով իջնում էին
մինչև ստորտը և նորից բարձրանում: Սղղան շունեցողները
կանգնած ծաղրում կամ քաջալերում էին սղղացողներին:

—Սինօ, Անուշ, ես յոգնեցի, եկէք դուք սղղացէք, ասաց
Կօստին:

—Առաջ դու սղղա, Սինօ:

—Չէ, դու սղղա, Անուշ:

Վերջապէս Սինօն զիջեց և սկսեց սղղալ:

Երբ երկրորդ անգամ սկսեց սղղալ, հէնց սկզբից սղղանը
պտտեց և արագ թափով իջաւ: Սինօն ճշում էր, օգնութիւն
էր կանչում: Ի՞նչ անէին. եթէ մօտենային, պիտի ընկնէին:
Բոլորն էլ կողքից վազում, վայ, վայ էին կանչում:

—Վայ, Սինօ ջան, լաց էր լինում Անուշը և մօտից վա-
զում:

Սղղանը տատանւում էր, պէտք է շուռ գար և խեղճ Սի-
նօին տակովն անէր: Մէկ էլ էն տեսանք, որ Անուշը ամբողջ
մարմնով մեկնւեց ճանապարհի վրայ:

Բոլորը զարմացած ճիչ արձակեցին: Սղղանը դէմ առաւ
Անուշին ու կանգնեց: Սղղանի ծայրը դիպաւ Անուշի դէմքին
և քիթ ու բերանը սաստիկ արիւնոտեց: Ցնծութիւնն ընդհա-
նուր էր: Բոլորը հաւաքւել էին անձնագոհ Անուշի շուրջը և
աշխատում էին ձիւնով կտրել նրա քիթ արիւնը: Սինօն էլ
արիւնը տեսնելով բարձր ձայնով լալիս էր:

32. Հարսնաքար

Սուրբ խաչ վանքի հէնց դէմ ու դէմ
Սարի լանջին տափարակ,
Հին ժամանակ հարուստ ու շէն
Մի աւան կար հայաբնակ:

Ժամանակով էդ աւանի,
Մի անւանի օջախում,
Հեզ, ամօթխած ու գեղանի
Մի նորահարս է լինում:

Հարսը մի օր գլուխը բաց
Բակում լացք էր անում.
Յանկարծ... դրսի դուռը ճռռաց.
Կնքաւորն է գալիս տուն:

«Հողը գլխիս»... Հարսը ճչաց,
Տաշտն առաւ բաց գլխին
Ու ամօթից արձան կտրած՝
Աչքն ուղղեց երկնքին.

«Ա՛խ, Տէր Աստուած, ինձ քար շինիր
կամ անցրու գետնի տակ,
Հող դարձրու կամ թէ մոխիր,
Թէ չէ եղայ խայտառակ»...


Աստու զուրը էդ վայրկեանին
Բաց էր՝ լսեց նրա ձայն,
Խղճաց պարկեշտ նորահարսին
Ու դարձրեց քար—արձան:

Ու հիմի էլ սարի լանջին,
Դարերից յետ անհամար,
Կայ արձանը տաշտը գլխին
Եւ կոչւում է Հարսնաքար:

33. Այրած խրճիթ

1.

Չմեռ էր. ծովափը ծածկել էր բաւական հաստ սառույցով: Մարդիկ իրենց սահիկներով անվտանգ սահելով գնում էին ծովի երեսով և մեծ բաւականութիւն ստանում: Միայն փոթորիկ ժամանակ սառույցները կոտրատւում էին, ջրիալիքները ամբողջ ափը ծածկելով՝ ամեն ինչ կլանում, տանում ծովը էին թափում:



Մէկ անգամ ծովափի մօտ գտնւած գիւղի բնակիչներից շատերը խումբ խումբ՝ սահիկներով սղղալով՝ ուրախ ժամանակ էին անցկացնում: Երիտասարդները ծովափից շատ հեռացել էին և մեծ բաւականութիւն էին ստանում:

Ափին մօտ ցածրիկ խրճիթի մէջ ապրում էր Մարթա տատը: Սա շատ աղքատ էր. բացի այս հին խրճիթից, ուրիշ ոչ մի բան չուներ: Մարթա տատը թէև հիւանդ էր, բայց լուսամուտից սահողներին նայում, ուրախանում էր: Երկար տարիներ ծովափին ապրելով՝ նա շատ լաւ գիտէր, թէ այս կամ այն ամպը ինչի նշան է. ո՞րն է փոթորիկ բերող, որը՝ լաւ եղանակ, որը՝ անձրև և այլն: Յանկարծ նա տեսաւ մութ երկնքի վրայ մի սպիտակ ամպ:

—Ա՛խ Աստուած, մըմնջաց նա. այդ ամպը շուտով սոս-

կալի փոթորիկ կը բերէ: Զուրը կը բարձրանայ, սառույցները կը ջարդւեն և սահողներին տակովը կ'անեն: Ի՞նչ անել, ո՞րքան անմեղ մարդիկ պէտք է զոհ գնան:

2.

Մարթա տատը սարսափեց, նստեց անկողնու մէջ. նա մի տեսակ ոյժ առաւ. մինչև անգամ վեր կացաւ տեղից և դուրս եկաւ:

—Ի՞նչ անեմ, ձայն տամ, կանչեմ սահողներին. բայց չէ որ նրանք շատ հեռու են. իմ ձայնը չեն կարող լսել, իսկ վերահաս վտանգի մասին նրանք տեղեկութիւն չունեն: Ի՞նչ անեմ, Տէր Աստուած, ո՞ւմ դիմեմ... Քիչ մտածելուց յետոյ Մարթա տատը ներս մտաւ խրճիթ, վառարանից դուրս բաշեց մի վառած փայտ և դրեց իր յարդէ անկողնու վրայ: Քիչ յետոյ ամբողջ խրճիթը բոցավառւում էր:

—Մարթա տատի տունը այրւում է, կանչեցին սահողները:

—Շուտ, հասնենք օգնութեան, ձայն տւին նրանք: Ամենքն էլ քամու նման արագ սահեցին ծովափ:

Սահողները նոր էին դուրս եկել ծովափ, երբ սոսկալի փոթորիկը վրայ հասաւ, ալիքները բարձրացան, սառույցները կոտրատւելով սարի նման դիզւեցին:

—Եթէ այս հրդեհը չլինէր, մենք ամենքս կորած էինք, սարսափած ասում էին սահողները:

Մարթա տատը խրճիթի մօտ նստած՝ ուրախութիւնից լաց էր լինում:

34. Մկների ժողովը

Ինչ ձէն, ինչ ձուկ,
Ինչ աղմուկ,
Իր ծակիցը
Ոչ մի մուկ

Ի ուրս չէր հանում դնչիկը,
Չար կատուն էր բնջիկը:
Սով է, սով է Մկաստան
Կատուի ձեռքից լգատան:

Գրիրն ընկաւ դռնէ դուռ,
Գիւղամէջը շուռ ու մուռ.
Էլ չթողեց դուռ-կտուր,
Ջահել, ահել գեղովի,
Ձոջերին ջոկ, տեղովի
Կանչեց բերեց ժողովի,
Թէ ինչ անեն, որ կատուէն
Մի հնարքով ազատուեն:
Եկան գիւղի ջոջերը,
Երկար բարակ պոչերը,
Մասնակցեցին խորհրդին:
Մի ջոջ խօսեց իր հերթին,
«Մէրը, մանուկ ուրացած,
Ծակերի մէջ կուրացած.
Լսէք, մկներ ցեղակից,
Չունեմ որդի, կողակից.
Ես մի անտէր ծերուկ եմ,
Բայց պատուաւոր մի մուկ եմ:
Պակսեց ուժը իմ ոտի,
Պէտք է մեռնեմ անօթի.
Էլ չեմ կրծի չորթանը,
Էլ չեմ ծրծի ես թանը.
Մահս է կանգնել դռանը,
Սով է զրկել Մռռանը:
Ա՛խ Մռռանը, Մռռանը,
Վեր է ընկնում մառանը:
Հէջ նման չի գազանի,
Ինչքան ասես նազ անի,
Ստից սատկի տազ անի,
Մեզի տեսնի, վազ անի,
Գլխից բռնի կախ անի,
Թաթովը տայ խազ անի,


Ուտի, քէֆը չաղ անի:
Էսպէս գուլում ու կրակ,
Դեռ աչքերն էլ ջուխտ ճրագ:
Բայց թէ ազնիւ մեր ցեղը
Կորչելու չի գուր տեղը.
Ցաւն էլ ունի իր դեղը.
Հանք, հանք
Հրամանք,
Կատուի դնչին դէմ առանք:
Այ բերել եմ
Ես մի գանգ.
Ծափ-ծրնգոց,
Մէջը գնգոց.
Կատուի վզից
Մենք կախ տանք,
Որ ինչքան էլ օրօրայ,
Որ ինչքան էլ շորօրայ,
Ստից սատկի,
Տազ անի,
Գալն իմանանք
Գազանի:
Է, գանգը ո՞վ կախ անի:
—Այ՛, դո՛ւ:
«Այ՛՛ն տանի».
—Բալ՛, դո՛ւ:
«Բալ՛՛ն կախէ»:
—Չալ՛, դո՛ւ:
«Չալ՛՛ն կաղ է»:
—Մսո՛, դո՛ւ:
«Մսո՛՛ն կարճ է»:
—Փոստո՛, դո՛ւ.
«Էդ էլ խի՛ղճ է»:

—Համբօ, դո՛ւ:
«Ես տկար եմ»:
—Չամբօ, դո՛ւ:
«Ես տանտէր եմ»:
—Սաղօ, դո՛ւ:
«Ասենք տարայ.
Բա որ կատուն
Գայ ինձ վրայ»:
—Բտօն, Ստօն թող մէկից
Բռնեն կատուին քամակից:

«Ի՞նչ է խօսում չոր գանգը.
Լաւ է դու տար էդ գանգը:
Էլ ի՞նչ Բտօ, ի՞նչ Փստան»,
Ճստաց Բտօն ճաճստան:
—Լո՛ի, յանդուգ,
Կոտորէք դուք.
Վախկոտներիդ ես թաղեմ.
Ճառ ասեմ, թէ՛ գանգ կախեմ,
Գոչեց ջոջը,
Քաշեց պոչը:

35. Հիւսիսային երկրներում

- Ճի՛շտ է, հայրիկ, որ շներին լծում են:
- Այո՛, Տիգրանուհի, ճիշտ է:
- Բայց չէ՞ որ նրանք փոքր են: Ի՞նչ բեռ կարող են տանել, հարցրեց Լուսիկը:
- Մեծ մեծ շներ կան, զաւակս, ասաց հայրը. նրանք ուժեղ են և փոքրիկ սայլակներով բաւական բեռ են քաշում:
- Հայրիկ, ո՞վքեր են նրանց լծում:
- Բեռնակիրները, խեղճ մարդիկ. մի քանի երկրներում




չունևոր գիւղացիները մօտիկ քաղաքները կարագ, իւղ, պանիր, կաթ և սրանց նման նիւթեր տանելիս շատ անգամ սայլակներին շներ են լծում: Իսկ հիւսիսային երկրներում, որտեղ տարւայ մեծ մասը ձմեռ է, այնտեղ ամենքն էլ շներ կամ հիւսիսային եղջերուներ են լծում:

—Միթէ այնտեղ եզներ չկան, հարցրին Տիգրանուհին ու Լուսիկը:

—Այնտեղ եզ, կով, ձի չեն կարող ապրել. նրանց համար ուտելիք չի ճարւում: Իսկ թեթև շները փոքրիկ սահնակներն առած՝ ձեան վրայից թռցնելով տանում են:

—Հայրիկ, եթէ տարւայ մեծ մասը ձմեռ է և այդչափ ձիւն կայ, հապա ի՞նչպէս են մարդիկ այնտեղ ապրում, հարցրեց Տիգրանուհին:

—Վայ էն ապրելուն. կարո՞ղ ես երևակայել, հիւսիսային երկրի բնակիչները՝ էսկիմօսները տարւայ մեծ մասը սառցէ և ձնէ տներումն են ապրում: Այդ երկրում ամառւայ մի երկու ամսին օրերը տաքանում են, կանաչի և թռչունների երես են տեսնում, իսկ տարւայ մնացած ժամանակը միշտ ցուրտ ձմեռ է:



—Հայրիկ, ի՞նչպէս են նրանք այդ տները պատրաստում:

—Շատ հասարակ կերպով: Նրանք բարերի նման քառանկիւնի ձևով ձիւնը կտրում են և շրջանաձև երկու կարգ մէկ մէկու վրայ դարսում. այդ ձնէ աղիւսների արանքում մանր ձիւն են լցնում և այս կերպ պատերը բարձրացնելով գմբէթաձև ծածկում են: Ի հարկէ, նրանց տները լուսամուտ և դուռ չունին. միայն մի կողմից բաւական երկար և նեղ անցք են թողնում. այդ տեղից մի մարդ հագիւ կարող է սողալով ներս ու դուրս անել:



—Միթէ այդ տեսակ տներում նրանք չեն մրսում:

—Ո՛չ, այնտեղ բաւական տաք է. սեղաններն ու աթոռներն էլ սառոյցից են, իսկ նրանց վրայ փռում են եղջերուի, ծովային ցուլերի և այլ կենդանիների մորթիներ: Ձնէ պատերն էլ դրսի ցրտից, ներսի տաքութիւնից հետզհետէ սառոյցի են փոխւում և չեն թողնում, որ ներսի տաքութիւնը դուրս գնայ: Միւս կողմից այդ պատերը լուսնի և արևի լոյս են ներս

Թափանցում և սառցէ խրճիթը լուսաւորում:

—Հայրիկ, ինչո՞վ են ապրում էսկիմօսները:

—Նրանց ապրուստը շատ խեղճ է: Նրանք իւրաքանչիւր սահնակի մի քանի շներ լծած՝ դուրս են գալիս որսի: Էսկիմօսները որսում են ձուկ, ծովային հորթ և միքանի տեսակ ծովային ուրիշ կենդանիներ. ցամաքի վրայ որսում են հիւսիսային աղւէս, բադ, արջ և այլն:

—Ուրեմն նրանք դրանցով էլ կերակրւում են:

—Օյո՛, նրանց կերածն այդ է ու մէկ էլ ճարպ. այդ ճարպըն է, որ հիւսիսային բնակիչներին տաքութիւն է տալիս:

—Հայրիկ, ուրեմն դրա համար է, որ մենք ձմեռները սիրով ուտում ենք իւղալի կերակուրներ:

—Օյո՛, զաւակս, ճիշտ նկատեցիր, ասաց հայրը: Հիւսիսային երկրներ ճանապարհորդողներն էլ իւղ, ճարպ շատ են ուտում և նրանց տաքութեան միակ աղբիւրը դա է:

Թռչուններ

Մի թռչուն կայ պարլիկ,

Մարմին ունի կլորիկ,

Կրուցը կարճ ու հասարակ

Փկփկում է սիրունիկ:

Մի թռչուն կայ սպիւրակ,

Ղիպն երկար ու բարակ,

Ուրները չիզ սլանդակ,

Թռչի ունի համարակ:

Մի թռչուն կայ շուր շող,

Մանկալի գարուն բերող,

Որս է անում թռչելով,

Բունը շինում՝ մարդկանց խով:

Մի թռչուն կայ կրկնակ,

Մորն երկար փրփրման,

Թէ որ դրկէ վարժարան,

Կը խօսի մարդու նման:

Մի թռչուն կայ կռաւան,

Զգոյշ է գողի նման,

Գիշակեր է, անկշտում,

Մարդիկ նրան չեն սիրում:

Մի թռչուն կայ հաւի չափ,

Սիրած տեղն է լեռ բարափ,

Համեղ միս է տալիս մեզ,

Լաւ երգում է, բայց անտես:

Մի թռչուն կայ ամպերում,

Նա արքայ է հաւքերուն,

Բուն է շինում ժայռերում,

Հորթ ու գառ է փախցնում:

Մի թռչուն կայ հորթի պէս,
Ոտներ ունի գազ ու կէս,
Անապատում արևկէզ՝
Վազ է տալիս ձիու պէս:

Հիմի գտէք՝

Ո՞րն է ծիտը ու կաքաւ,
Արծիւ, ջայլամ, չար ագռաւ,
Արագիլն ու կաշաղակ,
Մեր սիրելի ծիծեռնակ:

37. Ամենապէտքական քանր աշխարհում

1.

Ժամանակով, հեռաւոր և ոսկի արևելքում մի խելացի և արդարամիտ թագաւոր է եղել: Նա ունեցել է երեք որդի:

Եղաւ որ այդ թագաւորը ծերացաւ և կառավարութեան սանձը ուզեց դեռ կենդանի օրով յանձնել իր ժառանգներից նրան, որն աւելի ընդունակ կը լինի այդ մեծ գործին:

Եւ դրա համար նա մի օր կանչեց իր երեք որդիներին և ասաց.

— Սիրելի որդիներ, տեսնում էք՝ որ ձեր հայրը ծերացել է ու էլ չի կարողանում երկիրը կառավարել: Ես վաղուց իջած կը լինէի իմ ռահից, եթէ կատարւած տեսնէի այն մեծ միտքը, որ երկար տարիներ պաշարել է հոգիս: Եւ հիմա ձեզանից նա, ով որ իմաստուն կերպով լուծեց այդ իմ միտքը, նա կ'ստանայ իմ թագաւորութիւնը, նա կը կառավարէ իմ ժողովուրդը:

— Ապրած կենայ մեր սիրելի հայրը, սուրբ է մեզ համար նրա վեհ կամքը: Այդ ի՞նչ մեծ միտք է, որ չէ կարողացել լուծել նրա իմաստուն հոգին:

— Ահա տեսնում էք այն ահագին և մեծածաւալ շտեմաքանը, որ վաղուց շինել եմ: Իմ միտքս էր՝ լցնեմ մի այնպիսի բանով, որ ամենապէտքականը լինի աշխարհիս երեսին և որով կարողանամ բախտաւորեցնել իմ ժողովուրդը: Այդ շտեմարանը դեռ մնում է դատարկ: Եւ հիմա ձեզանից նա, ով որ կը կարողանայ այդ շտեմարանը, իր բոլոր անկիւններով, ծայրէ-ծայր լցնել աշխարհի այդ ամենապէտքական բանով, նա թող լինի իմ ժառանգը: Առէք գանձերիցս՝ ինչքան որ կուզէք և առանձին առանձին ճանապարհ ընկէք քաղաքէ-քաղաք, աշխարհէ-աշխարհ, գտէք այդ բանը և լցրէք իմ շտեմարանը: Ձեզ եօթն անգամ քառասուն օր միջոց եմ տալիս: Որդիները համբուրեցին հօր ձեռքը ու ճանապարհ ելան:

2.

Ամբողջ եօթն անգամ քառասուն օր նրանք շրջեցին քաղաքէ-քաղաք, աշխարհէ-աշխարհ, տեսան ուրիշ ուրիշ մարդիկ, ուրիշ ուրիշ սովորութիւններ ու ժամանակին կանգնեցին հօր առաջ:

— Բարով էք եկել, անգին որդիներ: Գտե՞լ էք բերել՝ ինչոր ամենապէտքական բանն է աշխարհում:

— Այո, գտել ենք:

Եւ հայրը իսկոյն վերցրեց իր որդիներին և նրանց հետ գնաց շտեմարանի առաջ: Այնտեղ հաւաքւած էին բոլոր պալատականները և ժողովուրդը:

Թագաւորը մօտեցաւ շտեմարանի դռանը, բացեց և կանչեց մեծ որդուն.

— Ի՞նչով կը լցնես այս ահագին շտեմարանս, սիրելի որդեակ, ի՞նչ բանով, որ աշխարհում ամենապէտքականը լինի:

Եւ մեծ որդին հանեց գրպանից մի բուռն հացահատիկ և պարզելով դէպի հայրը՝ ասաց.

— Հացով կը լցնեմ այս ահագին շտեմարանը, թանկագին հայր: Ի՞նչն է աշխարհում ամենապէտքական բանը, քան հացը: Ո՞վ կարող է առանց հացի ապրել: Շատ թափառեցի,

շատ բան տեսայ, բայց հացից պէտքական ոչինչ չգտայ:

Այն ժամանակ հայրը կանչեց միջնակ որդուն:

—Ի՞նչով կը լցնես այս ահագին շտեմարանը, սիրելի որդեակ, ի՞նչ բանով, որ աշխարհում ամենապէտքականը լինի: Եւ միջնակ որդին հանեց գրպանից մի բուռը հող և պարզելով դէպի հայրը՝ ասաց.

—Հողով կը լցնեմ այս ահագին շտեմարանը, թանկագին հայր: Ի՞նչն է աշխարհում ամենապէտքական բանը, քան հողը: Առանց հողի հաց չկայ, առանց հողի ո՞վ կարող է ապրել: Շատ թափառեցի, շատ բան տեսայ, բայց հողից պէտքական ոչինչ չգտայ:

3.

Այն ժամանակ հայրը կանչեց կրտսեր որդուն:

—Ի՞նչով կը լցնես այս ահագին շտեմարանս, սիրելի որդեակս, ի՞նչ բանով, որ աշխարհում ամենապէտքականը լինի:

Այդ միջոցին կրտսեր որդին հաստատ քայլերով մօտեցաւ շտեմարանին, անցաւ շէմքը և գննեց ահագին, մեծածաւալ և մութն ու խաւար շտեմարանը: Բոլորը հետաքրքիր նայում էին նրան:

Եւ ապա նա գրպանից հանեց մի փոքրիկ մոմ, կայծաբարին խփեց հրահանը, կայծ հանեց և վառեց մոմը: Բոլորը կարծում էին թէ նա ուզում է լոյսի լուսով լաւ գննել շտեմարանը, նրա ահագնութիւնը:

—Դէհ ասան, որդի, ի՞նչով կը լցնես, անհամբեր ձայնով նորից հարցրեց թագաւորը:

—Լոյսով կը լցնեմ այս ահագին շտեմարանը, իմաստուն հայր, լոյսով միայն: Շատ թափառեցի, շատ աշխարհներ տեսայ, շատ բան սովորեցի, բայց լոյսից պէտքական ոչ մի բան չգտայ: Լոյսն է ամենապէտքական բանը աշխարհում: Առանց լոյսի հողը հաց չի ծնի, առանց լոյսի հողի վրայ մարդ չէր լինի: Շատ թափառեցի, շատ աշխարհներ տեսայ, շատ բան սովորեցի և գտայ, որ լուսաւորութիւնն ու գիտութիւնն

են ամենապէտքական բանը աշխարհում: Եւ լոյսով կարելի է լցնել ոչ միայն քո այս ահագին և մեծածաւալ շտեմարանը, այլ և ամբողջ աշխարհը՝ իր բոլոր անկիւններով, ծայրէ-ծայր:

—Ապրիս, գոչեց ուրախացած հայրը. բեզ է արժանի իմ գահն ու իշխանութիւնը, քանի որ լոյսով և գիտութեամբ պէտք է լցնես թագաւորութիւնդ և մարդկանց հոգիները:

—Ապրած կենայ մեր եղբայր թագաւորը, գոչեցին ուրախացած եղբայրները. ուղիղ որ նա գտաւ ամենապէտքական բանը աշխարհում:

—Ապրած կենայ մեր երիտասարդ լուսաւոր թագաւորը, գոչեցին ուրախացած պալատականներն ու ժողովուրդը:

Եւ հայրը գրկեց կրտսեր որդուն, փռեց նրա ուսերի վրայ շողշողուն ծիրանին և տարաւ նստեցրեց գահի վրայ:

Ամբողջ ժողովուրդը ընկաւ մեծ ուրախութեան մէջ, երգեց ու պարեց քառասուն օր, քառասուն գիշեր, որ ունեցաւ նորից մի խելօք և լուսամիտ թագաւոր:


38. Իմ ընկերոջ գիւղը

Ընկերոջս ծնողները գիտէին, որ մենք նոր տարւայ արծակուրդներին պէտք է գիւղ գնայինք:

Չմեռայ խիստ ցրտին, ընկերիս հետ հասանք գիւղը. տանեցիք իսկոյն դուրս թափւեցին: Ուրախութիւն, գրկախառնութիւն: Մի փոքր հանգիստ առանք թէ չէ, ամեն կողմից ձայն տւին:

—Տղէք, լաւ եկաք, լաւ հասաք. այսօր դպրոցում աշակերտական ցերեկոյթ կայ, գնանք տեսնենք, ի՞նչպէս կը հաւանիք:

Երբ դուրս եկանք, ուշադրութիւնս գրաւեցին փողոցները. բոլորը բարած, սալայատակած էին: Տները գրեթէ շինւած են միակերպ. բոլորը ունեն պատշգամբներ և լուսամուտներ: Մտանք դպրոց. այստեղ իմացայ, որ ուսումնարանն ունի վեց-



երորդ բաժանմունք, ուր տղաներ ու աղջիկներ միասին են սովորում: Տեսուչը սիրով և ուրախութեամբ թոյլ տուաւ, որ հիւրերս ներկայ լինենք:

Հանդէսը բացւեց երգով. ներդաշնակ երաժշտութիւնը հէնց սկզբից գրաւեց իմ ուշադրութիւնը. հանդէսը սովորական ձևով չէր. կար մանկական օպերա, գործիքաւոր երաժշտութիւն. ամենից ուշագրաւն այն էր, որ առաջին բաժանմունքը խմբական մի ոտանաւոր ասաւ այնքան լաւ, այնքան գեղեցիկ, կարծես թէ մի մարդ էր ասողը. մանկական խաղերը, մանկական պարերը խելքս տարան. չէի սպասում գիւղում այս տեսակ սիրուն բաներ տեսնել:

Միւս օրը հասարակութեան համար էր կրկնուում նոյն հանդէսը: Ժողովուրդը խոնկած էր դպրոցի դռան առաջ. փողը ձեռքերին՝ մարդիկ աղաչում, պաղատում էին տոմսակ տալ... Ոչ մի աղմուկ, ոչ մի իրարանցում. այնքան կրթւած էր երևում այդ գիւղական հասարակութիւնը:

Շատ տներ հիւր եղանք. բոլորն էլ ապրում են մաքուր բնակարաններում, կրթւած և բարեկեցիկ քաղաքացու նման:

— Սիրելի Արմիկ, ի՞նչ ես հարցնում, ի՞նչ ես հետաքրքրւում. այստեղ դպրոցական հասակ ունեցող բոլոր երեխաները գնում են ուսումնարան. այս գիւղում անգրագէտ մարդ չկայ:

— Սիրելի ընկեր, այս լեռների օդակի մէջ ընկած, սարերի կրճբին կպած ձեր աննման գիւղը քաղաքից էլ բարձր է: Ես կուզէի, որ մեր բոլոր մեծ ու պստիկ քաղաքները այս գիւղի նման լինեն, այս չքնաղ գիւղի նման:

39. Գայլն ու կատուն

Գայլն անտառից
Փախաւ գեղը.
— Նեղն եմ, նեղը,

Ասաւ կատին,
Քո հօր պատին,
Ասլան բալա,

Մի ճար արա,
Մի տես հրլա՝
Որսորդ ու շուն,
Թագի, թուլա
Միսս են կրծում,
Ինձ հալածում:
Ասուած կարի
Դրանց հոտը,
Մի մարդ ցոյց տուր
Պահեմ մօտը»:
—Այ ցեղակից,
Գոչեց կատուն,
Գնա մտիր
Մարօի տուն.
Նա չափագանց
Բարի կին է:
—«Ես էլ գիտեմ
Որ անգին է,
Բայց որ նրա
Հորթն եմ կերե՞լ...»
—Բկիդ կանգնէր.
Լաւ չես արել:
Որ էդպէս է, Յովէսի մօտ...
—«Նրանից էլ կ'անեմ ամօթ.

Դու մի ասի, էս ամառը
Յանկարծ չուտեմ նրա գառը»:
—Ո՞ւմ ասեմ էլ.
Հա, մեր Չաքին:
—«էս գարնանն էլ՝
Նրա մաքին»:
—Ո՞վ մնաց էլ...
Հա, երէցը...
—«էս աշնանն էլ՝
դրա էծը»:
—Այ դու ուտես
չոռի մեծը.
Քանիսն էսով...
Հինգը... վեցը...
Ի՞նչ երեսով,
Այ գող, վատթար,
Գիւղը մտար...
Տեղ չգտար:
Գիւղն յիմար է,
Որ թշնամուն
Պատասպարէ...
Ով ինչ բրթի,
էն կը խրթի:

40. Բարեկենդանը

Փամանակով մի մարդ ու մի կնիկ են լինում:
էս մարդ ու կնիկը իրար հաւանելիս չեն լինում:
Մարդը կնկանն է ասում յիմար, կնիկը՝ մարդուն, ու միշտ
կուելիս են լինում:

Մի օր էլ մարդը մի քանի փութ եղ ու բրինձ է առնում,
տալիս մշակի շալակը տանում տուն:

Կնիկը բարկանում է.

—Այ, որ ասում եմ յիմար ես, չես հաւատում. էսքան
եղն ու բրինձը մի անգամից ինչի՞ համար ես առել բերել.
հօրդ քե՞լէխն ես տալիս, թէ տղիդ հարսանիքն ես անում:

—Ինչ քե՞լէխ, ինչ հարսանիք, այ կնիկ, ինչ ես խօսում,
տար պահի, բարեկենդանի համար է:

Կնիկը հանգստանում է, տանում է պահում:

Անց է կենում մի առ ժամանակ, էս կնիկը սպասում է,
բարեկենդանը գալիս չի: Մի օր էլ շէմքումը նստած է լի-
նում, տեսնում է՝ մի մարդ վռազ վռազ փողոցով անց է կե-
նում: Չեւը դնում է ճակատին ու ձէն տալի:

—Ախպէր, ախպէր, հալա մի կանգնի:

Տղէն կանգնում է:

—Ախպէր, բարեկենդանը դու հօ չե՞ս:

Անցւորականը նկատում է, որ էս կնկայ ծալը պակաս է,
ասում է, հա ասեմ, տեսնեմ ինչ է դուրս գալի:

—Հա, ես եմ բարեկենդանը, քոյրիկ ջան, ի՞նչ ես ասում:

—էն եմ ասում, որ մենք քո ծառան հօ չենք, որ քո եղն
ու բրինձը պահենք: Ինչ որ պահեցինք հերիք չէ՞ր... չես ա-
մաչո՞ւմ... Ընչի չես գալի քո ապրանքը տանում...

—Դէ էլ ինչ ես նեղանում, քոյրիկ ջան, ես էլ հէնց դրա
համար եմ եկել, ձեր տանն էի ման գալիս, չէի գտնում:

—Դէ արի տար:

էս մարդը ներս է մտնում, սրանց եղն ու բրինձը շալա-
կում ու կրունկը դէսն է անում, երեսը դէպի իրենց գիւղը:
Մարդը գալիս է տուն, կնիկն ասում է.

—Հա, էն բարեկենդանն եկաւ, իր բաները իրեն սեցրի,
տարաւ:

—Ի՞նչ բարեկենդան... ի՞նչ բաներ...

—Այ էն եղն ու բրինձը... Մին էլ տեսնեմ վերևից գա-

լիս է, մեր տանն էր ման գալի. կանչեցի, մի լաւ էլ խայտառակ արի, շալակ տւի, տարաւ:

—Վայ քու անխելք տունը քանդւի, որ ասում եմ յիմար ես—յիմար ես էլի... Ո՞ր կողմը գնաց:

—Ս, էն կողմը:

էս մարդը ձի է նստում, ընկնում բարեկենդանի ետեից: Ճանապարհին բարեկենդանը ետ է մտիկ անում, տեսնում է մի ձիաւոր քշած գալիս է: Գլխի է ընկնում, որ սա էն կնկայ մարդը պէտք է լինի:

Գալիս է հասնում իրեն:

—Բարի օր, ախպէրացու:

—Աստծու բարին:

—Հօ էս ճամբովը մարդ չի անց կացաւ:

—Անց կացաւ:

—Ի՞նչ ունէր շալակին:

—Եղ ու բրինձ:

—Հա, հէնց էդ եմ ասում:

—Ի՞նչքան ժամանակ կը լինի:

—Բաւականին ժամանակ կը լինի:

—Որ ձին քշեմ՝ կը հասնեմ:

—Ո՞րտեղից կը հասնես, դու ձիով, նա ոտով: Մինչև քու ձին չորս ոտը կը փոխի—մի՞ն, երկն, երե՛ք, չորս—նա երկու ոտով՝ մէկ—երկն, մէկ—երկու, մէկ—երկու, շուտ-շուտ կը գնայ, անց կը կենայ:

—Բա ի՞նչպէս անեմ:

—Ինչպէս պէտք է անես, ուզում ես, ձիդ թող ինձ մօտ, դու էլ նրա պէս ոտով վազի, գուցէ հասնես:

—Հա, էդ լաւ ես ասում:

Վէր է գալիս, ձին թողնում սրա մօտ ու ոտով ճանապարհ ընկնում: Սա հեռանում է թէ չէ, բարեկենդանը շալակը բարձում է ձիուն, ճամբէն ծռում, բշտում:

էս մարդը ոտով գնում է գնում է, տեսնում է, չհասաւ՝ ետ է դանում, տեսնում ձին էլ չկայ: Գալիս է տուն: Նո-

րից սկսում են կուել, մարդը եղ ու բրնձի համար՝ կնիկը ձիու:

Մինչև օրս էլ էս մարդ ու կնիկը կուում են դեռ: Սա նրան է ասում յիմար, նա սրան, իսկ բարեկենդանը լսում է ու ծիծաղում:

41. Ագոստոս ու ադետար

Բախտի բերմամբ

Թէ պատահմամբ,

Մի մեծ ագոստ

Մի գունդ պանիր

Դաշտում գտաւ,

Կտցում առաւ,

Ծառին թառաւ:

Օ՛, ի՞նչ պանիր, դեղին ոսկի...

Բայց նա չառաւ համը իսկի,

Աղէսն անցաւ

Ծառի մօտով,

Գերեց,

էրեց

Պանրի հոտով:

Վազեց, գնաց բերնի ջուրը

Եւ թուլացան կուռն ու ճուռը.

Կախարդն էդտեղ, իրա ձևին,

Խաս ու դումաշ,

Ատլաս հագին:

Գիտեմ, անշուշտ իմ բուրբիկի

Չայնն էլ կըլի հրեշտակի:

Երգիր, բուրբիկ, մի ամաչիր,

Իմ ուզածը մի մեծ բան չի:

Ծառի տակից, աչքն ագոստին,

Հեզիկ-նազիկ,

Փափկամազիկ,

Բացեց լեզուն

Անուշ-մեղուշ,

Թափեց-չափեց

Շաքար ու նուշ:

«Ի՞նչքան լաւն ես,

Ես քո գերին,

Գո էդ սևիկ

Վառ աչերին,

Նուրբ ծալքերով

Չոյգ թևերին:

Մի դու մտիկ,

Էդպէս բթիկ,

Էդպէս վզիկ,

Մախմուր ազին,

Թէ որ չքնաղ էդ տեսքիդ հետ
Երգելում էլ եղար վարպետ,
Օ՛, կը դառնաս, իմ սրբուհի,
Թռչունների մայր թագուհի»:

Ազոաւ ազին

Գովեստներից

Իրա մասին


Շըշմած, ուռած՝

Ազոաւային բկովը մին

Որ չըկուաց,

Պանիրն ընկաւ կտցիցը ցած,

Շողոքորթը առաւ գնաց:



42. Երկաթուղի

1.

—Մացակ, եկ այս կապոցը կայարան տար, ասաց տանտիրոջ որդին ծառային:

—Ես չեմ կարող, ես չեմ ուզում այնտեղ գնալ, լալով պատասխանեց Մացակը:

—Գառնիկ, ինչո՞ւ ես Մացակին նեղացնում, հարցրեց եղբայրը լուսամուտից:

—Եղբայր, ես նրան ոչինչ չեմ անում, նա չի ուզում այս կապոցը կայարան տանել. նա վախենում է գնացրից:

—Մացակ, ինչո՞ւ ես լալիս, ինչո՞ւ ես վախենում գնացրից, հարցրեց տան տիրոջ մեծ որդի Վահանը:

—Ես վախենում եմ. աղա, էն գիշեր նա մեծ մեծ կրակ է աչքերով, փրնչացնելով, շըշըւացնելով էնպէս եկաւ, էնպէս վրայ պրծաւ, որ ես երկիւղից փախայ:

—Որ այդպէս է, այսօր կայարան մի գնար, վաղը միասին կը գնանք և ես քեզ ամեն ինչ ցոյց կը տամ:

2.

—Տեսնո՞ւմ ես, Մացակ, ասաց Վահանը և ցոյց տուց նրան ու եղբայրներին շոգեմեքենայի մեծ կաթսան. այն այստեղ ջուր կայ, սրա տակն էլ քարածուխ են վառում. երբ ջուրը եռ է գալիս, գոլորշիանում է և իր ուժով քաշում տանում է ոչ միայն այս մեքենան, այլ և սրա հետ կապած միւս վագոնները:

—Իսկ ո՞ւր են այն մեծ մեծ աչքերը, հարցրեց Մացակը:

—Այ, մեքենայի առաջին մասի վրայ ամրացրած այս երկու մեծ լամպան է, որ գիշերները վառելով ճանապարհները լուսաւորում են, իսկ հեռից մեծ մեծ աչքերի պէս երևում: Այստեղից էլ ծուխն է ֆրոթացնելով դուրս գալիս, իսկ այս խողովակից գոլորշին է սուլում:

—Աղա, շոգեմեքենան է արագ գնում, թէ մեր քեահլան ձին:

—Ի հարկ է սա արագ է գնում, ասաց Գառնիկը:

—Գառնիկը ճիշտ է ասում, վրայ բերեց Վահանը:

Գնացքը գիշեր, ցերեկ անդադար գնում է, նա հանգիստ ու դադար չունի. միայն տեղ տեղ կայարաններում մարդիկ նրան ջուր, քարածուխ են տալիս և վերջ: Գնացքը մի օրում քիչը քիչը հինգ հարիւր վերստ է կտրում:

—Հինգ հարիւր վերստ... զարմացած կանչեց Մացակը, այն քեզ բան:

— Գիտե՞ս, Մացակ, այդ մեքենան և երկաթուղին բեզ նըման մի անգրագէտ տղայ է հնարել:

— Անգրագէտ... էդ ի՞նչպէս իմացաւ, ի՞նչպէս հնարեց, զարմացած կանչեց Մացակը:

— Մի՞թէ, եղբայր, այդպէս է, հարցրին Գառնիկն ու Գիսակը:

— Ի հարկէ այդպէս է, ասաց Վահանը:

— Պատմիր, եղբայր, պատմիր՝ տեսնենք, ի՞նչպէս հնարեց Վահանն ասաց.— Մեզանից մօտաւորապէս հարիւր տարի առաջ, շատ հեռու աշխարհում, Անգլիայում, մի բանւոր թէյի համար շուր եռացնելիս տեսաւ որ, երբեմն գոլորշին թէյամանի ծածկոցը վեր է բարձրացնում ու գոլորշին էլ քուլայ քուլայ տակից դուրս է գալիս: «Եթէ գոլորշին ամանի ծածկոցը բարձրացնում է, նշանակում է, մենք գոլորշիով կարող ենք ծանրութիւններ բարձրացնել կամ ծանրութիւններ շարժել» — մտածեց նա և սկսեց փորձեր անել: Շատ փորձերից յետոյ՝ նա հնարեց առաջին շոգեշարժ մեքենան. միայն շատ անկատար էր և լաւ չէր գործում: Ուրիշներն էլ փորձեցին, շատ բաներ աւելացրին, բայց էլի լաւ չէր շարժւում:

Այդ բանը յաջողեց Գէորգ Ստեֆենսօնին:

— Նա ի՞նչպէս գտաւ, հարցրին մանուկները միասին:

— Գէորգը աղքատ բանւորի որդի էր, տասներկու տարեկան հասակում հայրը նրան տարաւ բարածուխի հանքերում բանելու:

— Եղբայր, քարածուխի հանքը նման է աղահանքին:

— Այո, Գառնիկ, շատ նման է, միայն քարածուխի հանքերում աւելի դժւար է աշխատելը:

Այո, այդտեղ փոքրիկ Գէորգը աշխատում էր և երբ մի օր էլ նրան մեքենավարի օգնական նշանակեցին՝ ուրախացաւ, որովհետև մեքենաների հետ գործ ունենալ շատ էր սիրում:

Շատ անգամ նա մեքենաները քանդում, մաքրում, շինում էր և շատ լաւ գիտէր նրա մասերը, նրանց կատարած դերը և այլն:

Գէորգն ուղեցաւ իմանալ, թէ ի՞նչպէս են կազմւած միւս մեքենաները. ի՞նչպէս են նրանց շինում, ինչո՞ւ միւսների շինած մեքենաները լաւ չեն շարժւում: Նա այս բանի մասին թէև շատ մտածեց, փորձեր արաւ, բայց ոչ միայն ինքն էլ չկարողացաւ, այլ և հասկացաւ, որ իր ուժից բարձր է:

— Ինչո՞ւ չէր կարող, հարցրին մանուկները:

— Որովհետև նա անգրագէտ էր, նա աղքատ էր և կարգալ չէր կարող:

Գէորգը չյուսահատւեց. նա մի քանի տարի աշխատեց, փող հաւաքեց և քսանութը տարեկան հասակում գնաց ուսումնարան, փոքրիկ աշակերտների հետ նստեց և գրել կարգալ սովորեց: Փողի պակասութեան պատճառով թողեց ուսումնարանը, նորից հանքում աշխատեց և կուպէկներ տնտեսելով՝ գրքեր գնեց և շատ կարգաց:

Նա այժմ հասկացաւ, թէ ինչո՞ւ ուրիշների շինած մեքենաները լաւ չեն շարժւում, ինչո՞ւ նրանք չեն կարող բանեցնել: Գէորգը նոր մեքենայ շինեց, երկաթուղի պատրաստեց և իր մեքենան նրա վրայ շատ լաւ շարժւեց:

Տեսնելով Գէորգի յաջողութիւնը՝ հանքի տէրը նրան օգնեց և 1825 թ. առաջին անգամ Գէորգը շինեց երկաթուղին. նրա շոգեշարժ մեքենան ոչ միայն լաւ շարժւում էր, այլ և բազմաթիւ վագօններ մարդկանցով ու քարածուխով բեռնաւորւած՝ մի տեղից միւսն էր տանում: Այն օրից դէսը աշխարհի ամեն կողմերում տարածւեց Գէորգ Ստեֆենսօնի երկաթուղին:

— Ի՞նչ լաւ բան է կարգալը, ասաց Մացակը. ի՞նչ կը լինի ինձ էլ գրել-կարգալ սովորեցնէք:

43. Գնացքը

Դա-գա-գո-գէ,
Դա-գա-գո-գէ,
ԹՂ-թՂ-թՂ-թՂ
Ֆն-ֆն-ֆն:

Սար ու ձորեր ձայն են տալի:
Դղըրդում են զարհուրելի:
Ո՛ւ-նւ, նւ-նւ,
Ո՛ւ-նւ, նւ-նւ...

Գնացքն է գալի՛
Իրընգ-գրընգալի,
ԹՂ-թՂալի,
Շըւ-շըւալի,
Ֆն ֆն ֆն:

Ի՞նչ ծուխ ու բոց,
Ի՞նչ գոլորշի.
Ի՞նչ դղըրդոց,
Քամի, փոշի:
Ֆըրր... ֆըրր... ֆըրր...

Նա գալիս է խիստ համարձակ,
Ճամբան է հարթ, համ լայն,
արձակ:

Վր՛գ գ՛գ՛գ՛,
Ո՛ւ նւ նւ նւ...

44. Խոնաստուն չուղիակը

Հեռաւոր երկրից մի դեսպան եկաւ և առանց խօսելու՝
Թագաւորի գահի շուրջը մի կլոր գիծ քաշեց, լուռ ու մունջ
մի կողմը քաշեց, նստեց:

Թագաւորը այս մարդու արարմունքից ոչինչ չհասկա-
ցաւ. կանչեց իր իշխաններին. նրանք էլ մի բան չհասկացան:
Թագաւորը շատ վատ դրութեան մէջ էր: Նրա համար մեծ
ամօթ էր, որ իր տէրութեան մէջ մի խելօք մարդ չէր գըտ-
նըւում՝ դեսպանի արածը հասկանալու համար: Թագաւորը
սաստիկ նեղացած՝ յայտնեց ամենքին, որ եթէ նրան պա-
տասխան տւող չգտնուի, էլ ոչ ոքի կենդանի չի թողնի:

Թագաւորի կողմից խնդրակներ ման եկան ամեն կողմ
և վերջը մի տան մէջ գտան մի շուլիակ: Տեսնում են, որ
այն մարդը մի տեղ նստած, միևնոյն ժամանակ երեք գործ
է շինում.—համ իր կտաւն է գործում, համ երկու երեխայի

օրօրոց է օրօրում, համ էլ տանիքի վրայ ցորեն է փռել, մօ-
տը մի ճիւղոտ է տնկել. երբ ինքն իր կտաւի թելերը շարժում
է՝ կտաւը գործւում է, օրօրոցները օրօրում են, այն ճի-
ւղտն էլ շարժելով՝ տանիքի ծտերն է բշտում, ցորենից հե-
ռացնում:

Նրանք այս բանի վրայ շատ են զարմանում: Յետոյ
նրան պատմում են, թէ հեռաւոր երկրից մի մարդ եկաւ,
Թագաւորի գահի շուրջը մի գիծ քաշեց, և ոչ ոք չկարողա-
ցաւ իմանալ, թէ դրանով ինչ էր ուզում ասել: Վեր կաց,
գնանք. եթէ դու նրա միտքն իմանաս՝ Թագաւորը քեզ մեծ
պարգևներ կը տայ:

Չուլիակը մի քիչ մտածում է, յետոյ առնում է երկու
վէգ, մի վառեկ և գնում է հետները: Հասնելով Թագաւորի
մօտ՝ վէգերը հանում է և ձգում է դեսպանի առաջը: Դես-
պանը գրպանից մի բուռն կորեկ է հանում՝ շաղ տալիս գետ-
նին: Չուլիակը բաց է թողնում վառեկը, որ իսկոյն սկսում
է կոցահարել կորեկը:

Այս բանը տեսնելով՝ դեսպանը տրեխները հագնում է,
սուս ու փուս դուրս գնում:

Թագաւորը շուլիակին հարցնում է:

«Այդ ի՞նչ արիր»: Չուլիակը պատասխանում է. «Այդ մար-
դը եկել էր ասելու. «Մեր Թագաւորը գալիս է քեզ հետ
պատերազմելու, քո երկրին տիրելու. խոնարհում ես, թէ կըռ-
ւով ես ուզում պատասխանել»:

Ես նրա առաջը վէգեր ձգելով հասկացրի. «Դուք մեզ
համար երեխաներ էք, գնացէք վէգ խաղացէք. դուք ո՛վ, մեզ
հետ կուռոյններն ո՛վ»: Նա իր շաղ տւած կորեկով ուզեց հաս-
կացնել, թէ՛ «Մեր գորքերը անթիւ, անհամար են.
դուք ի՞նչ կարող էք անել»: Եւ երբ ես վառեկս բաց թողի ու
նրա բոլոր կորեկը կերաւ՝ դրանով պատասխանեցի. «Մեր
մի մարդը ձեր հազար մարդուն կը շարգէ. գնա, պատմիր քո
Թագաւորին»:

Թագաւորը այս բացատրութիւնը լսելով մեծամեծ պարգևներ տւեց ջուլհակին և ուղեց նրան վէզիրի պաշտօն տալ: Բայց ջուլհակը պարգևների մի մասով բաւականացաւ և թագաւորին ասաց.

«Ո՛չ, թագաւոր, թող որ ջուլհակ մնամ. միայն այս եմ խնդրում քեզանից, որ չմոռանաս, թէ հասարակ արհեստաւորի մէջ էլ կը գտնւի մէկը, որ այսպիսի նեղ օրում քեզ պէտք կը գայ:

45. Ինչո՞ւնն է սփոփանքը

Եղաւ որ, մի այրի կնոջ մէկուճար որդին մեռաւ, թողնելով իր մօրը, կնոջը և երեխաներին մեծ սգի մէջ և ծայր աղքատութեան ճիրաններում:

Վշտահար մայրը հագուստները պատառեց, սևեր հագաւ, մազերը բլրբլրեց, մոխիր ցանեց գլխին և գնաց, նստաւ որդու թարմ գերեզմանի գլխավերը և լացեց անյոյս, անմխիթար:

Առաւօտից մինչև առաւօտ, երեկոյից մինչև երեկոյ անօթի և ծարաւ նստել էր նա վշտի ծանր հարւածների տակ կայծակնահար և քարացած. միայն երբեմն երբեմն վեր էր կենում կանթեղը նորոգելու, որից ծուխը ուր-ուր, հիւսւելով նրա հեծեծանքների հետ բարձրանում էր վեր, ցրւում էր գիւղի վրայ և մտնում ամեն մի խրճիթ...

— Խեղճ կին, ասում էին իրար գիւղացիք, ի՞նչ զուլումի հանդիպեց, լացից աչք չի բանում ու տուն չի գալիս...

Եւ հաւաքւեցին գիւղի փորձւած ու խելացի ծերունիները. գնացին գերեզմանատուն՝ վշտաբեկ մօր մօտ և ասացին նրան.

— Հերիք է լաս, այ խեղճ կին. լացով կորուստդ չի յետ դառնայ. աշխարհիս օրէնքն է՝ ծնւել ենք, պիտի մեռնինք. ով ողջ մնայ, թող պարծենայ. մենք բոլորս մահինն ենք, մահը՝ մերը. սարերն էլ են մաշւում, ծովերն էլ են ցամաքում,

Թագաւորներն էլ են մեռնում. պէտք է հաշտւենք աշխարհի կամքին. սփոփւիր, տուն դարձիր, որբուկներդ քո ձեռքին են նայում. գնա, խնամիր նրանց, պարտքդ կատարիր. թող հանգիստ քնի հանգուցեալը և երանի նրան, որ շուտ ազատեց այս դառն աշխարհից...

Այսպիսի խելօք-խելօք խօսքեր ասացին ծերունիները՝ սառն ու կնճռոտ ճակատներով. բայց սգաւոր մայրը գլուխը վեր չբարձրացրեց և աւելի դառն ու անսփոփ լացեց...

Ծերունիները՝ յոյսերը կտրած՝ տմտմբացրին մօրուքներն ու հեռացան:

Իսկ որբուկները մնացել էին տանը՝ մարած օջախի շուրջը՝ անօթի և անտէր. այն ինչ նրանց մեծ մայրը գերեզմանոցում նստած առաւօտից մինչև առաւօտ լալիս էր սրտաճրմիկ և անյոյս:

Եւ հաւաքւեցին գիւղի հարուստները, գնացին յուսահատ մօր մօտ և ասացին նրան.

— Հերիք է լաս. մեռնողը մեռնում է, ապրողը պիտի ապրի. որբուկներդ ապրել են ուզում. տուն դարձիր, վառիր օջախդ, հաւաքիր օջախի շուրջը որբուկներդ. խնամիր, մեծացրու, հօր տեղը կը բռնեն ժամանակով. մենք էլ քո դուռ ու դրացիքդ ենք, օտար չենք, քո որբերն էլ մերն են. երգւում ենք ողջ գիւղի առաջ, աշխարհի առաջ՝ մեր որդոց պէս նայել որբերիդ վրայ, ոչինչ չխնայել, հաց տալ, մարդ դարձնել. մխիթարւիր, տուն դարձիր:

Բայց սգաւոր մայրը չլսեց նրանց, գլուխը վեր չբարձրացրեց և աւելի անյոյս ու անմխիթար լացեց. շատ աշխատեցին դրացիները համոզել նրան, բայց նա աւելի վշտահար և սրտամորմոք լալիս էր ու լալիս:

Այդ միջոցին մի ճամբորդ էր անցնում գիւղի միջով, լսեց նա սրտամորմոք լացը, լցւեց նրա սիրտը վշտով և մօտեցաւ գիւղացիներին, որոնք հաւաքւել էին թշւառ մօր մօտը:

Գիւղացիներին հարց ու փորձ անելով իմացաւ թէ բանը ինչո՞ւն է, ծեծեց իր կուրծքը այդ անծանօթ անցորդը. խոնարհեց գետին, գրկեց վշտահար մօր ոտները, գլուխը թաղեց նրա գրկում և լացեց սրտանց, դառն ու խորհունկ լացեց...

Այդ ժամանակ սգաւոր մայրը գլուխը բարձրացրեց, սրբեց արիւնավառ ու վիրաւոր աչքերը, սփոփանքի մի շողք փայլեց նրա գունատ ճակատով և ասաց հաւաքւած զրացիներին.

— Հիմի ես մխիթարւած եմ, ծանր վիշտս բաժանեց այդ օտարականը. վշտիս կէսը, բոլորը՝ նա վերցրեց. դուք ինձ ձեր պաղ-պաղ խրատներն էիք տալիս, դուք ինձ ձեր նիւթով էիք ուզում մխիթարել. բայց անծանօթը իր սիրտը տւեց ինձ, ինձ հետ նա տանջեց, ինձ հետ զգաց ու սգաց, ինձ մենակ չթողեց իմ ծով վշտի մէջ...

Այսպէս ասաց սփոփանք գտած մայրը, վեր կացաւ և յուսադրւած քայլեց դէպի իր հանգած օջախը:

46. Գող մաքին

Կատուն ընկաւ դռնէդուռ՝
Գազաներին տարաւ լուր,
Թէ չէք ասի—ես տեսայ,
Դեռ լաւ էր, որ շուտ հասայ,
Վախկոտ մաքին դեռ մի ծին
Խիստ անպատւեց առիւծին.
Էն խոտից, որ դիզած է,
Փշից-մշից գտած է,
Որ պիտ լինի անկողին
Գազաններին պահողին,
Գողցաւ մի փունջ գիժ մաքին,
Տարաւ տւեց իր ձագին:

— Ե՞րբ կամ ի՞նչպէս տեսար դու,
Խանում-խաթուն մեր կատու,
Ասաց արջը ծաղրելով,
Կատուի մէջքը շոյելով:

— Ինչո՞ւ ես դու անհամբեր
Մեր բոլորի մեծ ապէր.

Ես իմ տեսածն եմ ասում,
Սուտ բան երբէք չեմ խօսում.

Հէնց երէկ էր, որ մաքին,
Մեռնեմ նրա դմակին,

Ինձ բանի տեղ չգրաւ,
Առաւ խոտն ու տարաւ:

— Այն, այո, էդպէս է,
Մեր կատուն ուղղախօս է.

Պէտք է պատժւի էնպէսը,
Վրայ բերեց աղւեսը:

— Ըմբոստ մաքու այդ քայլը,
Կարծիք յայտնեց ծեր գայլը,

Պէտք է դատենք միասին,
Թէ հաւատանք աղւեսին:

— Ի՞նչ ես ասում, այ քեռի,
Սուտ խօսողը քրքրրի.

Էդ ի՞նչեր ես մտածում,
Ինձ ինչո՞ւն ես կասկածում:

Է՛, ինչ կուզէք՝ դուք արէք,
Թէկուզ ողջը սուտ հանէք.

Առիւծի մօտ ես կ'երթամ,
Բանը մէկ մէկ կը կարդամ.

Էլ չզսպեց աղւեսը,
Կրունկն արաւ դէպ դէսը,

Երկար պոչը թափ տալով
Թռչկոտալով, ծափ տալով,

Գնաց գտաւ արքային
Անտառումը իր գահին,
Դալար ճիւղեր հովանի,
Որ արևը զօռ-չանի:
Հետը տարաւ նւէրը,
Մի գոյգ հնդկահաւերը,
Տարաւ դրեց առաջին,
Ինքը նստեց իր պոչին:

—Պարոն աղւէս, էս խէր է...

—Առիւծ արքայ, ինձ ներէ:

էս աշխարհը փոխել է,
Ահ ու երկիւղ թուել է,
Մի գողութիւն, չես ասի,
Ապա պատմեմ, ինձ լսի:
էն խոտից, որ դիզել ենք,
Կրկրկել ենք, գգել ենք,
Որ ձմռանը լիօրէն
Գցենք քո տակն ու վրէն,
Գողցել, տւել է ձագին
Ժաժան գլուխ գորշ մաքին:

—Հաշիւ թող տայ ըմբոստը
Կամ վէր դնի իր փոստը:

—Այո, այո, տէր արքայ,
Արած մեղքին պատիժ կայ.
Եթէ ներես այս անգամ,
էն մաքին գող, անգգամ
Երբէք չի գայ էլ կապի,
Խոտդ կուտի, կը պարպի:

Առիւծ արքան այս մասին
էսպէս ասեց աղւէսին.

«Որքան որ կենդանիք կան,
Թող վաղը շուտ ինձ մօտ գան.

Մենք բոլորս միասին
Խորհուրդ անենք այդ մասին,
Թէ ինչ պատիժ է յարմար
Այն ըմբոստ մաքու համար»:
Աղւէսն ելաւ ծումուեց,
Հինգ վեց անգամ խոնարհեց,
Լիզեց տիրոջ թաթիցը
Ու դուրս թռաւ մօտիցը:

Իեռ չէր ցրւել մառախուղ,
Առաւօտեան շատ կանուխ,
Կենդանիքը անտառում
Գղւում էին, գորգոռում.
Երբ արևը դուրս եկաւ,
Ալ արբեշում շոր հագաւ,
Շողքը գցեց սարերին
Ու կեանք տւեց անտառին,
Առիւծն իջաւ իր գահից՝
Ողջը լուեց իր ասից.

—Իմ գազաններ, լսեցէք,
Մէկ-մէկ, հերթով խօսեցէք,
Ամեն մէկը ձեզանից
Թող մտածի իրանից,
Կարծիք յայտնի թէ ինչպէս
Պատժենք մաքուն սևերես,
Որ սրբազան դէզիցը
Խոտ է գողցել դրսիցը.

էսպէս խօսեց առիւծը
Կենդանիների մեծը:
Առաջ եկան իշանը,
Զրրգոռոցն էր նշանը,
Թոփ—թոմառի խօսեցին,
Բայց ոչինչ էլ չասացին.

Հաւ էր եկաւ վարազը,
Բռնեց իշերի հազը.
Վարազից խիստ վախեցին,
Ականջները կախեցին:
Օգտուելով այդ բանից
Նապաստակը իր կողմից.

— Ես չեմ խօսում երկար ձիգ,
Ահա համեստ իմ կարծիք.
Մաքուն պատիժ թող լինի,
Որ նա բոստան չմտնի,
Կաղամբ, գազար չկրծի,
Այլ դաշտումը արածի:

— Կորի, ծուռ աչք, դու շղիկ,
Եղածդ օրից անվարտիկ.—
Թագին բաշեց պոչիցը,
Մազերն հանեց միջիցը:


— Թէ որ բանը ինձ մնայ,
Մեր ամենի տէր արքայ,
Ասեց գայլը ալևոր՝
Միս ու արեան խիստ սովոր,
Ու քանի որ մենք մեզ ենք,
Բերէք գողին մի գզենք:
Հերթը հասաւ ապօրը,
Որ հիւանդ էր այդ օրը:

— Չէ, ձեռք չտանք էն մաքուն,
Միայն թէ ամեն իրիկուն
Պարտաւորւի մեզ համար
Մեզը բերի անդադար.

— Չայն եմ տալիս նաև բեզ,
Մեր խելացի, ժիր աղէս,
Կարծիք յայտնիր էս մասին,
Շատը իրանցը ասին.

— Որովհետև բրդոտը
Գողցել է, տէր, քո խոտը,
Ուստի արդար կը լինէր,
Քո բաժինը նա լինէր...
Էստեղ արքան խիստ ու մթին
Դարձաւ կանգնած ժողովրդին.

— Մեր աղէսի այս խորհուրդը
Ընդունում է ժողովուրդը:
Եւ ամենքը խոնարհ ու լուռ
Ընդունեցին միահամուռ:



47. Աղի բիւրեղներ

1.

— Հայրիկ, տես, ինչ գեղեցիկ աղի բիւրեղներ ունեմ:

— Քեզ ո՞վ տուց, հարցրեց հայրը:

— Ես եմ պատրաստել, ես եմ ստացել:

— Ի՞նչպէս ստացար, Բազիկ:

— Հայրիկ, երէկ ուսուցիչը մեզ պատմեց. երբ տուն եկայ, փորձեցի: Ափսէի մէջ բաւական աղ լուծեցի և այս բրդէ թելերն էլ նրա մէջը կախեցի ու դրի գոլ վառարանի վրայ: Գիշերը հետզհետէ ջուրը գոլորշիացել է և այս գեղեցիկ, խոլանարդաձև աղի բիւրեղներն ստացայ: Հայրիկ, ափսէի պատերին ու յատակին աղի շատ բիւրեղներ կային, բայց ամե-

նից մեծերն ու գեղեցիկները սրանք էին: Ուսուցիչը մեզ պատմեց, որ աղի լճերից ու ծովերից արևը ջուրը գուրջիացնում է, աղի բիւրեղները մէկ մէկու վրայ նստելով՝ մեծ մեծ կտոր աղ են տալիս:

—Երևի ուսուցիչը աղահանքի մասին էլ պատմեց, հարցրեց հայրը:

—Ոչ, հայրիկ. նա խոստացաւ այս կիրակի աղահանք տանել և այնտեղ ամեն ինչ ցոյց տալ:

2.

—Բաղիկ, հապա պատմիր, ի՞նչ տեսար աղահանքում:

—Օ, հայրիկ, շատ բան տեսայ, շատ զարմանալի բաներ կային այնտեղ:

—Գիտե՞ս, հայրիկ, աղահանքը գետնի տակն է: Հանքի տէրը լապտերն առած առաջնորդեց նեղ, մուխ անցքով: Մենք գնացինք շատ գնացինք, քիչ գնացինք, չգիտեմ. յանկարծ կամարազարդ մի մեծ դահլիճ մտանք:

Տեղ-տեղ սիւներից լապտերներ էին կախած: Դահլիճի մէջ հարիւրաւոր բանւորներ էին ալ-



րում. խումբ խումբ մարդիկ փէտատներով աղ էին բանդում: Ուրիշները բահերով ու թիւերով հաւաքում՝ պատգարակներն էին լցնում: Մի այլ խումբ էլ դանդաղ կերպով այդ աղերը դուրս էր տանում: Քիչ էլ գնացինք, իջանք երկրորդ յարկը, երրորդ յարկը. ամեն տեղ աշխատանքը եռ էր գալիս: Տեղ-տեղ բանւորները աղահանքի այս կամ այն պատը փորելով ներս էին սողում: Մի քանիսն էլ նեղ անցքերում մի կերպ նստած, պառկած՝ աշխատում էին:

—Խեղճ բանւորներ, ի՞նչպէս նիհար էին: Մէկ էլ անա մեր

առաջ բացեց փոքրիկ լճակ: Գիտե՞ս, հայրիկ, աղի լճակ, աղաջուր էր նրա մէջ: Մենք նստեցինք նաւակը, անցանք հանքի միւս կողմը: Ամեն տեղ աշխատանք ու աշխատանք էր: Քիչ էլ գնացինք, տեսանք՝ մի մեծ զամբիւղ վերևից ներքև է գալիս. նրա մէջ մարդիկ կային նստած: Մենք իմացանք, որ այդ զամբիւղով մարդիկ վեր ու վար են անում:

Աղահանքի շատ կողմերում մենք տեսանք աղի մաքուր, բիւրեղացած կտորներ: Վերջում մտանք մի մեծ սենեակ: Օ... նրչափ գեղեցիկ էր այդ մասը... Ամբողջ սենեակը աղի մաքուր բիւրեղներից էր կազմւած և լոյսի տակ թանկագին բարերի նման փայլփլում էր: Հեքիաթների մէջ լսածս՝ իմ աչքերով տեսայ: Երբ դուրս եկանք, ուսուցիչը մեզ պատմեց, որ կողբի, կաղզւանի աղահանքերն էլ շատ գեղեցիկ տեսարաններ ունեն:

48. Ռօբինզօնի երկիւղը

Մի առաւօտ լամայի վրայ ուտելիք բարձեց, գէնքերը վերցրեց, հովանոցն առաւ և ճանապարհ ընկաւ: Առւակից անցնելիս երբ իր պատկերը ջրի մէջ տեսաւ, սաստիկ զարմացաւ. իսկ և իսկ վայրենի՝ մարդ. ոտքից մինչև գլուխ լամայի բրդոտ մորթով ծածկւած, տեսնողին սարսափեցնում էր. ինքն իր վրայ բաւական ծիծաղելով, շարունակեց ճանապարհը: Առաջին գիշերը ծառի վրայ բնեց, միւս օրը ճանապարհը շարունակեց. շատ չէր գնացել, երբ յանկարծ կայծակի խփածի նման՝ բարացած տեղումը մնաց. նրա մազերը բիզ բիզ կանգնեցին, գոյնը թուաւ և դողդողաց. աւազի վրայ տեսել էր մարդու ոտքի հետքեր, իսկ քիչ հեռուն մարդկանց գլխի, ոտքի ու ձեռքի ոսկրներ: Ռօբինզօնը հասկացաւ, որ դա մարդակեր վայրենիների գործն է և նրանց ոտնատեղերն են: Նա վախից դէս ու դէն նայեց. մէկ էլ բոլոր ուժով այն-

պէս արագ վազեց՝ կարծես յետևից մարդակերներն էին ընկել։ Ռօբինզօնն այնչափ վազեց, որ շնչասպառ գետին գլորւեց։ Երբ ուշքի եկաւ, աչքերը բացեց, տեսաւ ոտքերի մօտ իր լաման պառկած։ Նա վեր կացաւ, ուղեց նորից փախչել, բայց ուժ չունէր։ Երկիւղը սրտում, դէս ու դէն նայելով՝ վերադարձաւ իր այրը և հանգստացաւ։



— Չէ, ինչպէս երևում է, ուրիշ տեղից են եկել այդ մարդակերները. եթէ նրանք այս կղզու վրայ ապրէին, այս երեք տարւայ մէջ ինձ կը պատահէին. իզուր երէկ այնչափ վախեցայ և անհանգստացայ, ասում էր Ռօբինզօնն ինքն իրեն։

Որպէսզի բոլորովին ապահով լինէր, իր այրի առաջ բազմաթիւ ծառեր տնկեց և փոքրիկ անտառ դարձրեց։ Այրի դրոսն առաջ հողի թումբ շինեց, այնպէս որ հեռուից ոչինչ չէր երևում։ Այրի մէջն էլ ստորերկրեայ անցքեր շինեց, որ թըշնամու եկած ժամանակ այնտեղ մտնէր և պաշտպանւէր։

49. Ուրբարը

— Էս ի՞նչ ծուխ է բարձրանում անտառի միջից, ո՞վ է այնտեղ կրակ վառել, սարսափելով ինքն իրան հարցնում էր Ռօբինզօնը։ Նա բարձրացաւ սարի գագաթը և ի՞նչ տեսաւ... Ծովի ափին երեսունի չափ մերկ վայրենի մարդիկ մի մեծ խարոյկի շորս կողմը պար բռնած՝ թռչկոտելով պարում էին։ Նրանցից քիչ հեռու երկու գերի գլուխները քաշ գցած կանգնած էին։ Մէկ էլ մի քանիսը գերիներից մէկին գետին գլորեցին և մորթեցին։

— Ա՛յ դուք անպիտան, կատաղի մարդիկ, ատամները կրճտելով մըմուց Ռօբինզօնը։

Միւս գերին սարսափից փախաւ. հինգ հոգի նրա յետևից վազեցին։ Գերին աւելի արագ էր վազում և բաւական առաջ էր ընկել։ Նա ընկաւ ծովը, լողալով գնաց. վայրենիներից երկուսը նրա յետևից լողալով հալածում էին։ Գերին դուրս եկաւ ցամաք և վազեց ուղիղ դէպի Ռօբինզօնի բնակարանը։ Վայրենիները հետապնդում էին։

— Պէտք է օգնել խեղճ գերուն, պէտք է ազատել վայրենիներից, մտածեց Ռօբինզօնը և տէգը վերցրած՝ ցած վազեց։

— Կանգնիր, ձայն տւեց Ռօբինզօնը գերուն. կանգնիր, ես քեզ կօգնեմ։

Գերին սարսափեց, երբ գազանի մորթու մէջ փաթաթւած Ռօբինզօնին տեսաւ։ Ռօբինզօնը ձեռքերով հասկացրեց, որ նրան պաշտպանելու է եկել։ Ռօբինզօնը տէգի մի հարւածով վայրենիներից մէկին գետին գլորեց և հասաւ միւսին. թէև սա նետով Ռօբինզօնին խփեց, բայց կաշէ հագուստը չծակեց։

— Դու էլ կորիր, անպիտան, ասաց ու մի հարւածով նրան էլ գետին փռեց։

Գերին մնացել էր կանգնած։ Ռօբինզօնը ձեռքերով բարեկամական նշաններով կանչեց. նա սիրտ առաւ, վայր ըն-

կաւ, Ռօբինզօնի ոտը դրեց իր վզին, ուզում էր հասկացնել, թէ ես քո գերին եմ: Ռօբինզօնը նրան բարձրացրեց, չվախեցնելու համար հանեց իր դիմակը և նշաններով ցոյց տւեց, որ ինքն էլ մարդ է, նրա բարեկամն է: Ապա երկուսով միասին վայրենիների դիակները աւազի մէջ թաղեցին և գնացին այրը:

Երկուսն էլ զինւած կանգնել էին այրի դռան առաջ. նրանք որոշել էին մինչև վերջը կուել: Թէև հեռուից վայրենիների ձայներ լսեցին, բայց երբ մուտն ընկաւ, ձայները կտրւեցին, ամեն ինչ հանգստացաւ: Ռօբինզօնը հասկացաւ, որ նրանք հեռացել են, դրա համար երկուսով մէկտեղ այրը մըտան: Որովհետև այդ նշանաւոր օրը ուրբաթ էր, դրա համար Ռօբինզօնը գերու անունը դրեց Ուրբաթ: Ռօբինզօնը լամայի կաշուց Ուրբաթի համար զոգնոց շինեց և նրա մերկութիւնը ծածկեց:

50. Խորամանկ աղետը

1.

Հերու ամառ մեր տանը մի փորձանք պատահեց:

Զարման տատը մի օր գնաց անտառը՝ սունկ հաւաքելու: Ծրագներն էլ վառեցին ու հանգցրին, մեր Զարման տատը չկայ որ չկայ: Էլ ում աչքը բուն կը գար:

Առաւօտը բանը պարզւեց: Անտառումը գազաններ բռնելու համար մի փոս է եղել փորւած. պառակ, դու պառակ, գնա ու թրը՝ մի՛ փոսի մէջ: Զարմանից առաջ փոսն են ընկած լինում մի գայլ ու մի աղւէս: Այդ երեքը միասին երկիւղից մինչև ծէզը բացւելը կուչ են եկել, մնացել նստած: Կուսաղէմին որսորդը սայլակը լծած գալիս է՝ ցած մտիկ տայ, ինչ տեսնի—իր փոսը գազաններով լցւել է: Որսորդը հէնց կարծում է, թէ պառակ Զարմանն էլ գազան է:



—Քեզ մատաղ, որսորդ ախպէր, փոսի միջից մղկտալով կան-
չում է Ջարմանը. ազատիր ինձ այս նեղ վիճակից:

—Քո տունը չքանդուի, պառաւ, դու այդ ի՞նչ տեղ ես ընկել:
Ի՞նչ անէր որսորդը. տալիս է գայլին՝ շանսատակ անում
ու մինչև պառաւին ազատելը՝ աղէսը մի հնարքով ծլկում
է, ու փախիր որ կը փախչես: Որսորդը մեր տատին սայլակին
նստացրած բերեց:

—Ի՞նչ եղաւ, ինչ չեղաւ, հարցնում էինք մենք. գայլն ի՞նչ
էր անում, աղէսը ո՞նց էր:

Ջարման տատը մեզ ժողովեց իր գլխին ու սկսեց իր պատ-
մութիւնը:

—Ի՞նչ ասեմ, այ ձեզ մատաղ, ասեց տատը:

—Թըրմփ ընկայ փոսն ու աչքերս սևացան: Մէկ էլ շուրջս
նայեմ՝ ինչ տեսնեմ. այս կողմս գայլն է պազել, այն կողմն՝
աղէսը, երկիւղից տեղիցս չեմ շարժւում:

Մէկ էլ աղէսը մօտեցաւ գայլին, ու փսփսաց.

—Գայլ ախպէր, ինչո՞ւ չես պառաւին ձևում, պատուո-
րում. գոնէ վերջին անգամ մի կուշտ իրիկնահաց անենք: Բայց
գայլի թուրը ինձանից աւելի էր բերանումը ցամաքել:

—Աստուած կը սիրես, աղէս բաջի. ինչ իրիկնահաց, ի՞նչ
ճաշ. այս օրին հաց կուլ կ'երթայ:

Յետոյ սկսեցին գայլն ու աղէսն իրար հետ խօսք ու
զրոյց անել: Վերջն աղէսը պատմեց:

2.

—Վաղուցւան բան եմ պատմում. ես շատ փոքր էի. ո-
չինչ բանի պակասութիւն չէինք բաշում, մի պատուական էլ բուն
ունէինք, տատը կողմից ել ու մուտ անելու տեղ ունէր. եթէ
մի ծակից բիշ երկիւղ էինք զգում՝ ձեռաց միւս ծակն էինք
մտնում ու դէ, հիմի ինչքան կուզես՝ պտուտիր, որ մեզ գրտ-
նես: Անտառի հէնց բերանումը մի պստիկ գիւղ կար. օր չէր
անց կենում, որ հաւեր չուտէինք:



—Շատ անգամ մեր մայրը ձգւում էր քարափի լանջին ու արեկող անում. իսկ մենք տափի վրայ՝ բաց տեղը սկսում էինք խաղալ ու վազվզել մայրիկիս շորս բոլորքը: Մէկ էլ բերում էր մայրիկս մի կենդանի մուկ, տալիս մեզ ու ինքը հեռուից մտիկ էր տալիս և զւարճանում, տեսնելով թէ ինչ ենք բերում խեղճ մկան գլուխը: Երբեմն էլ թռչուններ որսալ էր սովորեցնում մեզ. հէնց տեսնում էր, որ թռչնիկը թփերի միջից սկսեց իւր ծլւլոցը՝ զգուշութեամբ մարաղ մտած՝ մօտենում էր ու հափփ, բռնում էր ողջ ողջ ու տալիս մեզ: Ինչ որ անելու էք՝ ասում էր, առաջ լաւ մտածեցէք, չափ ու ձև արէք, տասը չափեցէք, մէկ կտրեցէք:

—Երեկոները մայրիկս գնում էր որսի. բերում էր երբեմն նապաստակ, մի անգամ հաւ, միւս անգամ բադ: Մաս մաս էր անում, բաժանում էր մեզ ու ասում.—կերէք, ձեզ անհուշ, բաղրիկներս, կերէք, որ մեծանաք:

—Մէկ անգամ գիւղացիք շները արձակել էին մայրիկիս վրայ: Ոնց է փախչում, ոնց է վազում նետի պէս. ի՞նչ անէր, շների ճանկից ազատելը հեշտ բան չէր: Ի՞նչ անէր, ինչ չանէր, որ պրծնէր. մէկ էլ՝ պոչը թափ է տալիս մի կողքի վրայ ու կուշ գալիս: Թէ ինչպէս հասան շները, ինչպէս գլխովը թռան, վրայովն անց կացան ու չնկատեցին իրանց որսին՝ մի հարցնիր: Այդ բոլորը լաւ, անիրաւ շներն եկան և ուղիղ մեր բնի գլխին կանգնեցին ու սկսեցին բանդել: Փորովն են ու փորովն: Կուշ ենք եկել մենք բնի մէջ ու սրտերս տրրփտրրփում է. աշկարայ տեսնում ենք, որ մեզ պրծնում չկայ, որ ծակի բերանին մօտենում ենք՝ շներ են կանգնոտած... Ա՛խ, այն ինչ օր էր. ես, բոյրերս, եղբայրներս — բոլորս միասին ընկանք մարդկանց ճանկը: Բոլորին մէկ մէկ կտորեցին ու ինձ միայն կենդանի թողին: Տարան ինձ իրանց տունը, վզնոցը շինքս անց կացրին ու բակումը շղթայով ծառիցը պինդ կապեցին: Լալիս եմ, աղի արտասուք եմ թափում, մայրիկիս եմ միտքս բերում:

Մուլթն էր, մէկ էլ տեսնեմ՝ մայրիկս բակի դռան առաջին է. էնպէս կամաց, էնպէս սուսիկ փուսիկ է գալիս, որ կարծես ոտերը գետինը չեն առնում ու օդի մէջ է ման գալիս. անդադար քիթը վերև բռնած՝ այս ու այն կողմը հոտոտում էր. ուրախութիւնիցս սկսել եմ կողկոնձալ ու մայրիկիս կանչել. իսկ նա պառկել է ու անշարժ մնացել: Ճարս կտրեց, ձէն ու ծպտուն չհանեցի: Այդ ժամանակ նա տեղիցը կանգնեց, շորս կողմը լաւ աչք ածեց ու յանկարծ պատի գլխովն իրան ներս գցեց՝ ոնց որ մի թռչուն: Մօտեցաւ ինձ, սկսեց լալ.—Աղիդ բալուկս, այդ ի՞նչ կրակի մէջ ես ընկել դու: Յետոյ հարցրեց. հապա ո՞ւր մնացին մէկէլ քոթոթներս:—Բոլորին, ասացի, աչքիս առաջին կտորեցին: Ի՞նչ ախ ու ոխ. անդադար լիզում էր ինձ ու դռն արտասուքն աչքերից ջրի նման թափում: Յետոյ նա վեր կացաւ ու սկսեց բակի մէջ նստած հնդուհաւերին խեղդոտել: Օձի պէս սողալով՝ մօտենում էր հնդուհաւին ու էլ շարժւելու ժամանակ չէր տալիս, ատամները թաղում էր կոկորդի մէջ: Տասնուչորս հատ խեղդոտեց ու բերեց՝ առաջիս շարեց:—Դէհ, բոթոթիկս, ասաց նա, էլ քաղցած չես մեռնի: Մնաս բարև: Թէ որ, բան է, կենդանի մնացիր՝ յարմար միջոց ճանկեցիր՝ պոկ արի ու շունչդ անտառումը բաշիր: Ո՛վ գիտէ, շատ կարելի է, նորից իրար կը հանդիպենք:

3.

—Գերութեան մէջ ի՞նչպէս էիր օրերդ անց կացնում, հարցրեց գայլն աղւէսին:

—Ձեմ կարող գանգատաւոր լինել, գայլ ախպէր, լաւ կեանք էի քաշում: Ուտելիք՝ ինչ որ կամենաս, այնպէս սովորել ընտելացել էի, որ ուր գնում էր տէրս՝ ես յետևիցն ընկած՝ նրանցից չէի բաժանւում: Մի բանով միայն նա ինձ զզւացրել էր, մէկ-մէկ՝ մէկ էլ տեսար, որ գրկեց ինձ ու սկսեց մուշտակս շոյել: Չկարծես թէ սրտի նեղութիւնից կամ շար մտքով էր անում, ո՛չ, շատ սիրելուցն էր այնպէս անում. բայց, արի տես, որ նրա այդ փաղաքշանքներն ու խաղերը



ինձ համար մահ էին: Մի անգամ՝ տէրս երեք օր, երեք գիշեր սրահիցը դուրս չթողեց: Տխրեցի, տրտմեցի ու մտքումս դրի փախչել: Սկսեցի գիշերները գետինը փորել: Փորեցի, ծակ բաց արի ու ազատութիւն...

— Գնում եմ, գայլ ախպէր, ու սիրտս անդադար տը՛կ-տի՛կ-տը՛կ. եթէ շները հոտս առնեն, ողջ տեղ չեն թողնի. երբ հաւաքնի առաջովս անց էի կենում՝ սիրտս չհամբերեց, ձեռաց մի հաւ խեղդեցի ու հետս վերցրի: Ընկայ դաշտը, մի փոսում նստեցի ու անուշ ընթրիք արի: Աղօթարանն սկսեց բացուել, մտիկ եմ տալիս՝ անտառը քթիս տակին է. սկսեցի գլխապատառ վազել, մէկ էլ՝ առաջս մի մարդ է դուրս գալիս... Երկիւղից սիրտս փորս ընկաւ...

— Զգւեցի խոտի մէջ ու մեռածի պէս ոտքերս փռեցի. մէկ էլ աչքիս տակով նայեմ, որ ուղիդ գալիս է վրաս... Օհ, ինչ պէտք է լինի արդեօք... Մօտեցաւ, մէկ խփեց ինձ ոտքով, երկու խփեց— ամենևին մի մազս չեմ շարժում... Յանկարծ՝ ձեռքը զցեց պոչս, բարձրացրեց, օդի մէջ տարաւ բերեց, զցեց շալակը ու գնաց:

— Էս չեղաւ, մտածեցի, վերջին օրս է. սա ինձ կը տանի ու կաշիս կը բերթէ: Ես պինդ կծեցի նրան: Նա այնպէս ճչաց ու գոռաց... գետնովը խփեց ինձ ու երկու օտի փոխանակ՝ երկուսն էլ փոխ առաւ, ու փախիւր որ կը փախչես:

Աղէսի խօսքը բերնումը կիսատ մնաց. սայլակն եկաւ հորի գլխին կանգնեց: Որսորդն սկսեց ինձ դուրս քաշել. խորամանկ աղէսը փէշիցս կախ ընկաւ, դուրս թռաւ, ու գնա որ կերթաս:

— Անիրաւն իր մօրն էր կարծես քաշել, մօր պէս տակէ տակ հնարագէտն էր:

— Դէհ, երեխէք, հերիք է, վերջացրեց Զարման տատը. սեղանը պատրաստ է, ճաշելու ժամանակ է:

51. Ալեկաշար վկայականը

Մի վաճառական լրագրներում յայտարարել էր, թէ իր խանութի համար ուզում է մի աշակերտ վարձել:

Շատ մարդ եկաւ գնաց, վերջապէս վաճառականը մէկին ընտրեց և խանութն ուղարկեց:

—Ասա՛ ինձ, բարեկամ, հարցրեց ծանօթներից մէկը. ինչո՞ւ այդ տղային ընտրեցիր: Ոչ վկայական ունէր, ոչ էլ ուրիշ կերպ ճանաչում էիր: Ուրիշները հրաշալի վկայականներ ունէին, և դու ճամբու դրիր:

—Սխալում ես, ասաց վաճառականը, այս տղան շատ վկայականներ ունէր: Սենեակը մտնելուց առաջ ոտները լաւ սրբեց ու դուռը ծածկեց առանց թրխկացնելու, ուրեմն մաքրասէր է ու կարգապահ: Իր նստած աթոռից վեր կացաւ ու տեղ տւեց կաղ մարդուն. ուրեմն բարեսիրտ է ու յարգում է աւելի հասակաւորներին: Դեռ շէմքին՝ գլխարկը հանեց և արագ, կտրուկ պատասխաններ էր տալիս իմ հարցերին. ուրեմն քաղաքավարի ու աչքաբաց է: Կռացաւ, բարձրացրեց գիրքը, որ դիտմամբ ձգել էի յատակին, մինչդեռ ուրիշները դէմ էին ընկնում գրքին կամ կողքից անցնում: Հանգիստ ըստ պատում էր իր հերթին՝ չաշխատելով ուրիշների առաջը կրտրել. ուրեմն լաւ կրթւած տղայ է: Շորերը լաւ սրբւած էին, իսկ երեսն ու ձեռները մաքուր: Ի՞նչպէս ես կարծում, այս ամենը լաւագոյն վկայականը չէ՞:

52. Սևուկն ու Չանիկը

Կառապան Օնէսը այսպէս էր անւանում իր երկու ձիուն

—Սևուկ ու Չանիկ:

—Գիտես, բարեկամ, խօսում էր նա իր վարձկալի հետ. իմ Սևուկն ու Չանիկը ինձ համար մի ամբողջ թագաւորութեան հաւասար են:

—Գիտե՞ս, քանի բանի անգամ են ինձ ազատել բուք ու բորանից: անձրև ու մութ գիշերին սանձը թողել եմ Սևուկիս ու Չանիկիս, նրանք ինձ տեղ են հասցրել, փրկել են իմ կեանքը:

—Սևուկն ու Չանիկը իմ ընկերն են, իմ թև ու թիկունքը. իմ տունը կառավարում եմ նրանցով, առանց Սևուկի ու Չանիկի փոքրիկներս քաղցից կը կոտորւեն: Ուրախ թէ տխուր ժամանակս ես նրանց հետ եմ ասում, խօսում:

—Մի օր էլ մտածումներն իմ ընկած ներս մտայ գոմը դարման ու գարի տալու Սևուկիս ու Չանիկիս:

—Ուրիշ անգամներ ասում, խօսում էի ձիերիս հետ, աչքերն ու ճակատները շփում, փայփայում.—Դէ, կերէք, Սևուկս ու Չանիկս, ես ձեզ մատաղ, կերէք, լաւ կերէք...

—Էս անգամ մտքով ընկած՝ դարման, գարի տւի ու լուռ դուրս եկայ. կէս ժամ չանցած՝ ներս մտայ տեսնեմ, կերել են, թէ չէ:

—Ի՞նչ տեսնեմ, ես դրանց հոգուն մեռնեմ. Սևուկս ու Չանիկս իսկի բան չեն առել բերանները. գլուխները թեքած դէպի դուռը՝ ապշած իմ յետևից նայելով՝ կանգնած մնացել են տխուր ու տրտում...

—Սիրտս լցւեց, էլ չկարողացայ համբերել, փաթաթեցի նրանց վզովը, պաշեցի նրանց աչքերն ու ճակատը...

—Ասա, իմ բարեկամ, էդ ո՞վ է ասում, թէ կենդանին խելք չունի, չի կարող մտածել. Աստուած վկայ, ով որ ասել է՝ ինքը խելք չէ ունեցել...

53. Հուրի-Մարաք

I.

Մի թագաւոր կար, ունէր մի որդի,

Որդին հասել էր, ուզեց պսակի.

—Ասա, իմ որդի, դու ո՞ւմ ես ընտրում,

Թագաւորն ասաց զեռահաս որդուն:

—Հայր իմ, խնդրում եմ, թոյլ տուր ինձ գնամ
Քո պետութեան մէջ պըտըտեմ, ժուռ գամ,
Թէ Աստուած տւեց՝ որոնեմ, գտնեմ
Աղջիկներ ի մէջ ամենալաւին:

II.

Հայրը կամք տւեց. որդին մի գիշեր
Հետն առած մի լաւ, մտերիմ ընկեր,
Շորերը փոխած, երկուսով մենակ
Ընկան գիւղէ գիւղ, քաղաքից քաղաք:
«Արքայի որդին հարս է որոնում»
Այս էր միշտ ասում ամենքի լեզուն:
Երեք որբ քոյրեր մի ուշ իրիկուն
Տան շէմքին նստած թել էին մանում.
Մեծ քոյրն ասում էր.—Թէ ինձ հաւան գար՝
Այնպէս գործէի ես նրա համար
Մի հսկայ վրան, այնքան լայն—արձակ,
Որ ծածկէր նրա զօրքին բովանդակ:
Միջնակն ասում էր.—Թէ ինձ հաւան գար՝
Ես բաց կանէի նրա զօրքի համար
Այնպէս ճոխ սեղան, որ ինչքան ուտէր,
Տեղը նորը գար, պատառ չպակսէր:
Իսկ փոքրը համեստ, կամաց ասում էր.
—Արքայի տղան թէ ինձ հաւանէր՝
Ես կը ծնէի նրա պատւին վայել
Ոսկի մագերով արքայագուններ,
Տղան՝ աչքերով, ինչպէս արեգակ,
Աղջիկը՝ չքնաղ, ինչպէս հրեշտակ:
Արքայի որդին լսեց բոլորը,
Տուն գարձաւ ուրախ, պատմեց իր հօրը:
Պալատ բերեցին որբուկ քոյրերին,
Տղան, ի՞նչ խօսք որ, կին առաւ փոքրին:

Ճոխ հարսնիք արին, կեր ու խնդում մեծ.
Մի տարի անցաւ, նոր հարսը ծնեց
Մի սիրուն տղայ, մագերը ոսկի,
Աչքերը նման վառ արեգակի:
Եւ մեծ քոյրերը իրենց նախանձից՝
Նորածին մանկան թագցրին մօրից.
Բարուր արեցին մի սև շան ձագուկ,
Ու դրին ճօճքը, մօրիցը ծածուկ:
Իսկ ոսկի մանկան պինդ փաթաթեցին,
Տարան անտառի խորքը գցեցին:
Մի տարի չանցած, թագուհին ծնեց
Մի չքնաղ աղջիկ՝ այնքան նազանի,
Որ մարդու լեզուով պատմել չի լինի.
Աչքերը թովիչ, ասես հրեշտակի,
Մագերը գանգուր, մագերը ոսկի...
Իսկ չար քոյրերը իրենց նախանձից
Այդ նորածնին էլ թագցրին մօրից.
Բարուր արեցին մի կատուի ձագուկ
Եւ դրին ճօճքը, մօրիցը ծածուկ.
Ոսկի աղջկան պինդ փաթաթեցին,
Տարան անտառի խորքը գցեցին:
Սակայն այս անգամ արքայի տղան
Սաստիկ գայրացած տւաւ հրաման.
«Իրէք թագուհուն կպրէ-կարասում,
Կարասը թաղէք մեծ հրապարակում,
Որ անցորդ, դարձորդ նայեն այդ կնկան,
Թքեն խաբեբայ թագուհու վրան»:

III.

Քոյր ու եղբորից հարցնենք հիմա.
Նրանց խնամեց մի զթոտ պախրայ,
Օրօրեց մօր պէս, ծիծ տւաւ, պահեց,
Երբ ոտքի ելան, յետևը գցեց:

Եղբայրը դարձաւ որսորդ համարձակ,
Անտառում շինեց մի սիրուն տնակ.
Անտառներ ընկած, նա որս էր անում,
Աչքի լոյսի պէս քրոջը պահում:
Մի օր էլ նախանձ մօրաքոյրերը
Իմացան՝ ողջ են սիրուն որբերը:
Գնացին անտառ, շատ թափառեցին,
Տեսան մի տնակ վտակի ափին.
Հուսամուտի մօտ նստած էր մենակ,
Ես աղջիկ ասեմ, թէ մի հրեշտակ:
— Այ սիրուն աղջիկ, ինչո՞ւ ես մենակ,
Ո՞ւր է եղբայրդ, որսորդ համարձակ.
Նա բեզ չի սիրում. եթէ քեզ սիրէր,
Իզուր չէր քաշ գալ անտառ ու ձորեր:
Մի՞թէ չգիտես, որ հեռու տեղում
Հուրի-Մալաքն է պալատում ապրում.
Հուրի-Մալաքը ունի մի հայի,
Այդ հայելու մէջ աշխարհ կ'երևի.
Ունի խաղողի այգիներ ոսկի,
Որ ինչքան քաղես չի հատնիլ իսկի:
Թող քո եղբայրը, թէ սիրում է քեզ,
Գնայ մի ընծայ, մի բան բերի քեզ
Հուրի-Մալաքի շքեղ ամրոցից՝
Թէկուզ անսպառ ոսկու խաղողից:

IV.

Որսորդ եղբայրը տուն դարձաւ որսից,
Տեսաւ քրոջը խռով իրենից:
— Ի՞նչ է պատահել, քոյրիկ իմ անգին,
Եղբայրդ մատաղ քո ծաղիկ կեանքին:
— Դու ամբողջ օրը ընկած անտառում
Քեզ համար ուրախ ժամեր ես անցնում,
Իսկ իմ օրերը անցնում են արտում,

Թէ ինձ սիրում ես, ինչո՞ւ չես գնում
Հուրի-Մալաքի ամրոցը շքեղ,
Հազար գեղեցիկ բաներ կան այնտեղ.
Գնա՛, բեր դու ինձ ողկոյգներ ոսկի,
Որ ինչքան քաղես, չի հատնում իսկի:
— Ես մի քոյր ունեմ աշխարհի վրայ,
Ձեմ թողնի երբէք սիրտը վշտանայ.
Աշխարհէ աշխարհ, ծովէ ծով կ'ընկնեմ,
Ինչ որ ուզեցիր՝ կառնեմ, կը բերեմ.
Մինչև չգտնեմ Հուրի-Մալաքին,
Ձեմ գալ երևալ իմ քրոջ աչքին:
Ասաց պատանին ու ճամբայ ընկաւ
Եւ գիշեր, ցերեկ էլ հանգիստ չառաւ.
Շատ լեռներ անցաւ, խիտ անտառներով,
Շատ ձորեր անցաւ, փրփուր գետերով...
Մի ծեր, ալևոր մարդու պատահեց,
Գդակը հանեց, խոնարհ բարևեց.
— Բարև, ասաց նա, ռրտեղից եկար,
Այս երկրի ճամբէն ի՞նչպէս դու գտար.
Օճն իրեն սլորտով, թռչունն իր թևով
Ձի համարձակել անցնել այս տեղով:
— Հուրի-Մալաքի ամրոցն եմ գնում,
Ասում են այնտեղ խաղող է բուսնում,
Մի հրաշք խաղող, ողկոյգը ոսկի,
Որ ինչքան քաղես, չի հատնում իսկի:
Ես մի քոյր ունեմ, այդ նա է ուզում,
Մինչև չգտնեմ, չեմ դառնայ էլ տուն:
— Այ վիզը կոտրի այն պառանքերին,
Որ քո քրոջը խելքահան արին.
Այնտեղ գնացողը ժէռ քար կը դառնայ,
Լսիր ինձ, որդի, խեղճ ես, մի գնա՛:
— Ո՛չ, պիտի գնամ, էլ հնար չկայ.

Թէ ճամբէն գիտես, կը խնդրեմ ասաւ:
— Լաւ, դու ինձ լսիր, և գնա անխօս,
Անխօս եմ ասուամ, լսում ես, անխօս.
Եթէ պատուէրս չկատարեցիր,
Կորած ես անդարձ, կորած, իմացիր:
Եօթն օր այս ճամբէն բռնես, կը քայլես,
Եօթն օրում եօթ փունջ ծաղիկ կը կապես.
Եօթն օրւայ վերջում դէմդ կը կանգնի
Մի շքեղ ամրոց, շատրւան, այգի:
Մարմար սանդուղներ ու հազար արձան
Մի լեզու առած ահեղ ձայն կը տան.
— Ո՞վ է այդ տղան, այդ ո՞վ է գալիս,
Դու ձայն չհանես, դու չշփոթւիս:
Այ ու ձախ ցանիւր համասփիւռ ծաղիկ,
Դիմիր ամրոցը անխօս ու լռիկ.
Քանի մօտենաս կախարդ ամրոցին,
Այնքան էլ ահեղ ձայներ կը լսւին.
Բոլոր սանդուղքը ծաղիկ կը սփռես,
Վերև, միշտ վերև աներկիւղ կ'ելնես.
Եւ երբ բարձրանաս սանդուղքը վերջին,
Յանկարծ կը տիրէ լռութիւն խորին:
Շուրջդ կը տեսնես անթիւ արձաններ,
Որ երբեմն էին քաջ պատանիներ.
Շող տուր և նրանց քո ծաղիկները,
Թող այդ բարացած խեղճ թշուառները
Մի երկու վայրկեան կեանքի բոյրն առնեն,
Որ քո մուրազիդ խափան չլինեն:
Յետոյ կը մտնես մի սրահ շքեղ,
Մի չքնաղ աղջիկ կը տեսնես այնտեղ,
Այնքան հմայիչ, այնքան նա սիրուն,
Պատմել չի կարող հողեղէն լեզուն:
Նա ինքը կը գայ, քեզ հարցում կանի,

Կ'առնի քո ձեռքը, իր մօտ կը տանի.
Կ'ասի.— Եկել ես որ իմ ամրոցից
Տանես ողկոյզներ ոսկի խաղողից.
Դու արժանի ես այդ մեծ շնորհքին,
Երբ այդքան քաջ է քո մանուկ հոգին:
— Ան ողկոյզները նրա սեղանից
Եւ իսկոյն փախիր շքեղ սրահից.
Թող գոռան հազար ահուելի ձայներ,
Թէ «Տարան, տարան, ոսկէ ողկոյզներ,
Տարաւ համարձակ այդ որսորդ տղան,
Շուտ արէք, հասէք, բռնեցէք դրան»:
Չլնեմ, չիմանամ սարսես կամ դողաս,
Դու անմեղ կ'երթաս, անփորձ կը դառնաս.
Երկու հօր բան կան քեզ օգնական՝
Սուրբ անմեղութիւն, սէր եղբայրական:

V.

«Իէհ, մնաս բարև, ասաւ մեր տղան,
Ինչպէս ասացիր, կ'անեմ ամեն բան»:
Եօթն օր եօթ գիշեր նա ճամբայ գնաց,
Եօթն անխօս գիշեր դաշտերում մնաց.
Եօթն օրը անցաւ, ժամը լրացաւ,
Հուրի-Մալաքի ամրոցին հասաւ:
Ամեն մի ծաղիկ, ամեն մի մացառ,
Ամբողջ ամրոցի զարդ ու կարասին,
Բիւրեղ արձաններ, սանդուղքներ մարմար
Մի լեզու առած՝ ահեղ ձայն տւին.
— Այդ ո՞վ է գալիս, ո՞վ է այդ տղան:
Լսեց պատանին, անցաւ անխռով
Համասփիւռ ծաղիկ շուրջը փռելով,
Ելաւ բարձրացաւ դէպի մեծ սրահ,
Տեսաւ շարւած են յատակի վրայ
Անթիւ, անհամար բիւրեղ արձաններ,

Որ երբեմն էին քաջ պատանիներ,
Ծաղիկներ ցանեց բոլորի վրան,
Անցաւ աներկիւղ, հասաւ մեծ սրահ.
Տեսաւ, նստել է այնտեղ մեն մենակ՝
Ես աղջիկ ասեմ, դու մի հրեշտակ.
Այնքան գեղեցիկ, շարմաղ ու սիրուն,
Որ մեզ չի պատմի հրեղէն լեզուն:
Ջեռքին հայելի, աշխարհ բովանդակ
Այն հայելու մէջ ցոլում էր արծակ:
Հուրի-Մալաքը երբ տեսաւ տղին,
Իսկոյն ցած դրեց կախարդ հայելին.
Ասաց.— Եկել ես, որ իմ ամրոցից
Տանես ողկոյզներ ոսկէ խաղողից.
Դու արժանի ես այդ մեծ շնորհքին,
Երբ այդքան քաջ է քո կտրիճ հոգին.
Պատանին խլեց խաղողը ձեռքից
Եւ իսկոյն փախաւ կախարդ ամրոցից:
Հուրի-Մալաքը տւեց հրաման.
— Բիւրեղ արձաններ, բռնեցէք դրան,
Բռնեցէք խիզախ որսորդ պատանուն,
Որ ողկոյզներս չտանէ իր տուն.
— Մարմար սանդուղքներ, բռնեցէք դրան:
— Ինչո՞ւ ենք բռնում, տւին պատասխան,
Նա մեր վրայից երբ եկաւ, անցաւ,
Համասփիւռ ծաղիկ մեզ նւէր տւաւ.
— Դուք, իմ պարտէզի փուշ ու մացառներ,
Բարձր պարիսպներ, բռնեցէք դրան.
— Նա մեզ ընծայեց անմահ ծաղիկներ,
Թող ազատ անցնի, ասին միաձայն:
VI.
Եւ քամուց արագ կտրիճ պատանին
Թռաւ, սլացաւ, հասաւ անտառին:

— Սիրելի բոյրիկ, ահա բերեցի:
Սրտիդ ուզածը, ողկոյզներ ոսկի:
— Իսկ ինչո՞ւ միայն խաղող բերեցիր,
Ինչո՞ւ այն կախարդ հայելին թողիր.
Այդ ողկոյզներն ի՞նչ արժէք ունին.
Լաւ կը լինի գնաս՝ բերես հայելին:
Չար մօրքուրները այսպէս ասացին,
Որ փորձանքի մէջ նորից գցէին.
Այնքան գովեցին կախարդ հայելին,
Որ խեղճ բրոջը խելքահան արին:
Քոյրը կախ ընկաւ իր եղբօր վզից,
— Գնա՛, հայելին բեր այն ամրոցից:
Նորից պատանին ճանապարհ ընկաւ,
Նոյն ճամբով գնաց և նորից դարձաւ,
Բերեց հայելին այն կախարդական,
Բերեց նւիրեց բրոջն աննման:
«Վահ, ինչո՞ւ միայն հայելին բերիր,
Հուրի-Մալաքին ամրոցում թողիր,
Լաւ կըլնի գնաս՝ Հուրի-Մալաքին
Իր ողջ ամրոցով բերես միասին»:
Չար մօրքուրները այսպէս ասացին,
Որ նրան խապառ կորուստի տային.
— Գնա՛, բարկացած բոյրն ասաւ նրան,
— Ի՞նչ անեմ փոքրիկ հայելին միայն.
Գնա՛, ասում եմ, գնա՛, բեր ողջ ողջ
Հուրի-Մալաքին և ամրոցն ամբողջ:
Պատանին ընկաւ բրոջ ոտքերը,
Ասաց.— Խնայիր եղբօրդ օրերը,
Ես ի՞նչպէս գնամ բերելու նրան,
Անյաղթ ուժ ունի նա կախարդական.
Ինձ պէս հազարներ նրա ամրոցում
Այսօրւայ օրս էլ դեռ քար են մնում:

—Ոչ մի խօսք, գոչեց քոյրը գայրազին,
Գնա՛, բեր իսկոյն Հուրի-Մալաքին,
Հուրի-Մալաքին իր ամրոցի հետ,
Եթէ չբերես, էլ չղափնաս ետ...»

VII.

Կտրիճ պատանին տեսաւ՝ ճար չկայ,
Գլուխը առաւ, դուրս ելաւ ճամբայ,
Առաջւայ ճամբով գնաց ու գնաց,
Հասաւ ամրոցին, մնաց շւարած.

Ո՞ւր են պարտէզներ, ո՞ւր շատրւաններ,
Ո՞ւր նախկին գլարթ ծառ ու ծաղիկներ,
Ամեն ինչ մեռել, ամեն ինչ թօշնել,
Ասես թէ մահւան քամին էր դիպել:

Գնաց բարձրացաւ մարմար սանդուղքից,
Ոչ մի ձայն չելաւ և ոչ մի տեղից.
Տեսաւ աղջիկը ընկած բարձերին,
Լալիս է գոհար արցունքն աչքերին:

—Ներիր ինձ, ներիր, սիրուն թագուհի,
Որ քո հանգիստը ես վրդովեցի.
Հաւատա՛, ես այդ արի ակամայ,
Ես յանցանք չունիմ, երկինքը վկայ:

Այժմ եկել եմ, որ քեզ էլ տանեմ,
Դողդոջիւն ձայնով ասաց պատանին.
Կամ ինձ էլ այստեղ պատժիր, քար դարձրու,
Կամ եկ, ինձ լսիր, գնանք ես ու դու:

Այնտեղ ես ունեմ մի քոյր միայնակ,
Հոգին դեռ մանուկ, դէմքով հրեշտակ,
Մի հրեշտակը թող երկուս լինի,
Ինձ այդ մեծ փառքին արա արժանի...

—Ես կը գամ քեզ հետ. ես քեզ սիրում եմ,
Բայց իմ ամրոցը ես պիտի մաքրեմ.
Այսօր փրկութեան ժամը թող հնչէ,

Քարացածներին թող կեանք ներշնչէ,
Ասաց աղջիկը պատանի բաշին
Եւ դարձաւ գոչեց քար դարձածներին.
«Ելէք, սթափւէք դուք մահւան քնից,
Ելէք, հեռացէք կախարդ ամրոցից»:

Յանկարծ բիւրաւոր ձայներ լսեցին,
Մէկ մարդու նման մէկից շարժեցին.
Վազող վազողի, փախչող փախչողի՝
Դատարկեց ամրոցն այն ահ ու դողի:

VIII.

Հուրի-Մալաքն իր ողջ ամրոցը
Բերեց, զետեղեց անտառի ծոցը:
Լուր եկաւ հասաւ արքայաորդուն,
Թէ մի ամրոց կայ անտառի խորքում.

Նրա չորս բոլորն այգի ու պարտէզ,
Բիւր շատրւաններ, ծաղիկներ պէս պէս.
Եւ այգիների խաղողը ոսկի,
Որ ինչքան քաղես, չի հատնի իսկի.

Երկու աննման սիրուն աղջիկներ
Ապրում են այնտեղ արքայավայել.
Իրենց հետ ունեն մի հատիկ եղբայր,
Մի քաջ պատանի, մի որսորդ ճարտար:

Արքայի որդին տաւ հրաման,
Փողերն հնչեցին պատերազմական.
Ամեն կողմերից եկան շար ի շար
Զինւած կտրիճներ հազար ու հազար:

Երբ արքան տեսաւ՝ կազմ է ամեն բան,
Առաջ շարժւելու տւեց հրաման:
Հուրի-Մալաքը երբ տեսաւ զօրքը,
Որ պատել էին իրենց բոլորքը,

Քոյր ու եղբօրը պատմեց ամեն բան.
Յայտնեց, որ նրանց հայրն է այդ արքան,

Պատմեց նրանց մօր դառը ցաւերը,
 Նախանձ քոյրերի սարքած դաւերը:
 Քոյր ու եղբայր զարմացք մնացին,
 Չէին իմանում, ինչպէս թէ լային:
 —Կ'երթաս՝ խոր գլուխ կը տաս արքային,
 Կ'ասես, թող շնորհ անի ծառային,
 Իր բոլոր զօրքով, իր իշխաններով
 Հիւր լինի մեզ մօտ միայն մի օրով:
 Ելաւ պատանին, դիմեց ընդառաջ,
 Խոր գլուխ տալով՝ կանգնեց հօր առաջ.
 Խնդրեց, պաղատեց որպէս մի զաւակ,
 Ոտ դնէ հայրը նրա յարկի տակ
 Իր բոլոր զօրքով, իր իշխաններով,
 Ինչքան կամենայ, գոնէ մի օրով:
 Արքայի սրտին դուր եկաւ տղան,
 Հայրական ձեռքով փայփայեց նրան.
 Ապա ողջ զօրքով տղի հետ մէկտեղ
 Քայլեցին դէպի ամրոցը բիւրեղ:

IX

Հուրի-Մալաքը տւաւ հրաման,
 Ազատ անտառում բացւեց մի սեղան.
 Տօլմի խնձորը ոսկի թանկագին,
 Լալ ու մարգարիտ խնձորի միջին,
 Բրինձը մանրիկ՝ բիւրեղ հուլունքներ,
 Լաւաշ հացերը՝ ոսկու թերթիկներ:
 —Ասենք, տեսնում եմ, որ շատ էք հարուստ,
 Ունիք շատ գանձեր, փառաւոր ապրուստ.
 Միայն ինձ ասէք, մարդ ի՞նչպէս ուտէ
 Տօլմաներն ոսկի ու մարգարիտէ,
 Որսորդ տղային թագաւորն հարցրեց:
 Տղան էլ այսպէս պատասխան տւեց.
 —Հապա դու ինչո՞ւ, մեր հօր արքայ,

Մի հարց չտւիր, թէ երկրիս վրայ
 Կարո՞ղ է մի կին կատու, շուն ծնել
 Եւ այսպէս անգուլթ մեր մօրը տանջել.
 Իմացիր, հայրիկ, նա է մեր մայրը,
 Մենք քո որդիքն ենք, դու ես մեր հայրը...
 Եւ քոյր ու եղբայր լացով ու ժպտով
 Ընկան հօր գիրկը անծայր կարօտով:
 Թագաւորն լացով համբուրեց նրանց,
 Ուրախ տուն դարձաւ՝ գրկած որդկերանց.
 Ազատեց իսկոյն անմեղ թագուհուն,
 Մահւան սև վճիռ անխիղճ քոյրերուն:

54. Գարուն

Գարնան շողով,	Դաշտ ու արօտ
Անուշ տաղով	Վաղուց կարօտ
Ծիծառն եկաւ կարապետ.	Ձերմ արևին կենսատու,
Տօղաշաղախ	Ալ ու ալւան,
Վարդը չըքնաղ	Կանաչ հագան՝
Ժպտաց իսկոյն նրա հետ:	Ողջունեցին իրարու:


Ձոր ու անտառ,
 Հովիտ ու սար
 Գոյն-գոյն ծաղկով զարդարուն՝
 Իրար գրկում,
 Երգ են երգում՝
 «Ո՛հ, ի՞նչ սիրուն է գարուն»...

55. Չիւն եւ ձնծաղիկ

1.

—Մենք կանաչ ենք, սիրելի ենք, ասացին խոտերը:
 —Մենք կանաչ ենք, դուրեկան ենք, յայտնեցին տերեւերը:

—Մենք էլ կանաչ ենք, մենք էլ ձեզ հետ ընկեր ենք, կանչեցին թփերն ու հացաբոյսերը:



—Իսկ մենք սիրուն, պէս պէս գոյներ շատ ունենք, ասացին ծաղիկները: Մեզ սիրում են մարդիկ, մեզ սիրում են թռչունները, մեզ սիրում են միջատները: Մեզ մօտ ամենքը հիւր են գալիս, մեզ պահում են, խնամում են, մեզնից անուշ հոտ են առնում:

2.

—Ես ի՞նչ անեմ, որ գոյն չունիմ, գողգողալով ասաց ձիւնը: Նա կուչ եկաւ, մանրիկ փոքրիկ հատիկներով սուսիկ փուսիկ գնաց հասաւ կանաչներին ու ասաց.

—Սիրուն կանաչներ, ձեր գոյնիցն ինձ էլ տւէք. ես գոյն չունիմ, ես անգոյն եմ. տւէք մի քիչ ձեր գոյնիցը. ես ուզում եմ գոյն ունենալ, կանաչ լինել, որ ձեզ նման ուրախ լինիմ:

—Գնա՛, կորի՛ր, ցուրտ ու սառոյց. քո սառը հատիկներին մենք անկարող ենք մեր գոյնից տալ, քեզ ընկեր լինել:

3.

Չիւնը սուս արաւ, նորից կուչ եկաւ և սուսիկ փուսիկ գնաց վարդի մօտ և էսպէս ասաց.

—Սիրուն ալ վարդ, կարմիր վարդ, ի՞նչ կը լինի՞ քո գոյնիցն ինձ էլ տաս. ես գոյն չունիմ, ես անգոյն եմ. տուր ինձ մի քիչ քո գոյնիցը, ես ուզում եմ գոյն ունենալ, կարմիր լինել, որ քեզ նրման ուրախ լինիմ:

—Գնա, հեռացիր, տխուր սառը ձիւն, ես անկարող եմ իմ գոյնիցը տալ, քեզ ընկեր լինել:

Չիւնը սուս կացաւ, նորից կուչ եկաւ և սուսիկ փուսիկ գնաց շուշանի մօտ և էսպէս ասաց.

—Սիրուն շուշան, սիւստակ ծաղիկ, ի՞նչ կը լինի՞ քո գոյնից ինձ էլ տաս, ես գոյն չունիմ, ես անգոյն եմ. տուր ինձ մի քիչ քո գոյնիցը, ես ուզում եմ գոյն ունենալ, սիւստակ լինել, որ քեզ նման ուրախ լինիմ:

—Գնա՛, հեռացիր, շրիկ սառած ձիւն, ես անկարող եմ իմ գոյնից տալ, քեզ ընկեր լինել:

4.

Չիւնը սուս կացաւ, էլի կուչ եկաւ, էլի գողգողաց և սուսիկ փուսիկ շատ տեսակ ծաղիկների մօտ գնաց:

Ամեն ծաղիկ էլ նրան մերժեց, իր գոյնիցը բաժին չտուեց: Չիւնը մոլորեց... տխուր ու տրտում մի կողմ քաշեց, նա բարկացաւ և լաց եղաւ:

—Ինչո՞ւ ես լալիս, փափլիկ ձիւնիկ. ինչո՞ւ էք տխուր, սիրուն հատիկներ, հարցրեց մի ծաղիկ:

—Ի՞նչպէս չլամ, ինչպէս չտխրեմ, ասաց ձիւնը բար-



կացած. շատ խոտերի, կանաչների, ծառերի աղաչեցի, շատ ծաղիկների մօտ գնացի, նրանց գոյնից խնդրեցի, ոչ ոք չուզեց ինձ մի գոյն տալ. ես անգոյն եմ, ես մենակ եմ, ընկեր չունիմ, ի՞նչպէս ապրեմ:

—Եթէ իմ պարզ, շատ հասարակ սպիտակ գոյնը քեզ դուր կը գայ, ես քեզ կը տամ իմ գոյնը, ասաց ծաղիկը:

Ձիւնը լսեց, ուրախացաւ, նա մեծ սիրով այդ գոյնն առաւ, սիպտակ դարձաւ

5.

Ձիւնն ու ծաղիկը ընկերացան, սիրով կապուեցին. ծաղիկն իր անունը դրեց ձնծաղիկ. ամեն տարի գարնան գլխին ձիւնի հետ է դուրս գալիս: Ձիւնն էլ նրան տաք է պահում, բարև տալիս, համբուրում:

Ամեն տարի գարնան գլխին ուրիշ ծաղիկ չէ երևում դաշտում. ձիւնը նրանց խիստ պատժում է, սառեցնում թողնում է:

Ամեն տարի գարնան գլխին ձնծաղիկն է միշտ փայլում:

Ամեն տարի գարնան գլխին մարդիկ նրան են ողջունում:

56. Մարտի վրեժը

I.

Մի աղքատ տատիկ՝
Չալ ու սիրունիկ
Երեք այծ ունէր,
Չալ ու սիրունիկ:
Մարտը որ եկաւ,
Կերը վերջացաւ:
Ցուրտ, բորան, քամի...
Տատիկն ի՞նչ անի
Աղաչ-պաղատով,

Հաց ու արմատով,
Օրեր էր, անցաւ...
Ապրիլը հասաւ:
Այծերն արօտում
Տրտինգ են անում,
Պառաւն էլ անվախ
Երգում էր ուրախ.
—Գիժ մարտից պրծայ,
Սև դարդից պրծայ.
Այ անիծւի նա,

Իսպառ չքանայ:

II.

Մարտն անիրաւ
էս որ իմացաւ,
Գնաց բարկացած՝
Ապրիլին ասաց.

—Գիտես, հարևան,
Ապրիլ աննման,
Դու շտապեցիր,
Ինձ խանգարեցիր:

Եկ քո օրերից
Տասը օր տուր ինձ,
Գործերս պրծնեմ,
Հեռանամ, կորչեմ...

—Չէ, հարևան ջան,
Չէ, օրեր էդքան
Չեմ գիշի ես քեզ.
Լսել եմ՝ չար ես:
Բայց որ խնդրում ես,
Չեմ կոտորի ես քեզ.
Լաւ լինի, թէ գէշ՝
Երեք օր փեշքէշ:

III.

—Սպասիր հիմա,
Պառաւ սատանայ,

Դ՞ու ինձ անիծես...

Հիմի օրդ տես...


: հիշողով զայնով բով
հիմարի արմտ շնջ
'բոհեմուդիով մեմուլ
հոմուլուլուլ ողիող

Մոսյուկի էրկինի.
Ձիւն ու փոքրիկ...
Բուլ բորան արաւ.
Վայ այժ... վայ պառաւ.
Այժիրը կորան,
Բորանից սատան:
Սպասուր մնայ
Անհար, խիղճայաժ:

57. Գայլաձուկը

Բուլիկները օրօրելով իրանց մօր հետ գնացին գետը: Այնտեղ նրանք որդեր, մանրիկ ձկներ, շերեփուկներ որսում, անուշ անուշ ուտում էին:

Ջրի միջից գայլածուկը նրանց տեսաւ, բերանը բաց լու-
ղալով բուլբիկներից մէկին բռնեց ու ներս բաշեց. այսպէ՞



տարաւ նա երկրորդին, երրորդին և կը տանէր բոլորին, եթէ
մայրը չհասկանար, շտապ շտապ դուրս չգար: Մայր բաղիկը
շատ տխրեց և այդ գետը էլ չգնաց որսալու:

Ամեն փորձանքին մի խրատ:

58. Սերմնացան

«Ո՛ւր ես գնում, այ գիւղացի,
Բեռան տակին անքալով.

Այդ ի՞նչ բեռն է, որ շալկած ես
Ու տանում ես խնդալով»:

—Արի ինձ հետ, դու կը տեսնես՝
Ուր եմ գնում անքալով,
Երկրի յոյսն է իմ շալակին՝
Ես տանում եմ տանջելով...

Ասաց, կապեց իր գոգնոցը,
Ապա նայեց երկնքին.
Սիրտը խօսեց, լեզուն շարժեց...
Ես նայեցի արցունքին...

«Կապոյտ երկինք, հալալ որտով
Քեզ եմ կանչում՝ միայն քեզ,
Որ դու արև, անձրև շատ տաս
Իմ այս սերմին՝ սրբի պէս...

Դու լաւ գիտես թէ քանի՞ մարդ
Աչք կը դնի ցանածիս,
Քանի՞ պարտքեր ու պատուհաս
Միշտ կ'սպասեն սերմածիս...»

Այսպէս ասաց ու երեսին
Խաչակնքեց դողալով,
Սերմը լցրեց գոգնոցի մէջ՝
Սկսեց ցանել իր բռնով...

59. Արեւի մօտ

1.

Մի անտէր երեսայ՝ ցնցոտիներ հազած կուչ էր եկել պա-
տի տակ: Գարնան անուշ արևը բարի աչքերով նայում էր
նրան:

—Կարմիր արև, բարի արև, դու ես միայն ինձ տաքաց-
նում, մտածում էր խեղճ մանուկը. դու ես միայն ինձ

զգուում, համբուրում, ինչպէս երբեմն իմ անգին մայրս: Թէ
չէ՝ մարդիկ աչք չեն դարձնում վրաս:

Բայց կամաց կամաց արևը թեքում էր կանաչ սարերի
յետևը, երեխան կարօտով ու արցունքով նայում էր նրան,
մինչև որ ոսկեհեր արևը սահեց ու անցաւ սարի այն կողմը...

—Չէ, ես չեմ կարող առանց արևի, վճռեց մանուկը. ես
պիտի երթամ արևի մօտ. ես գիտեմ ճամբան. ա՛յ, այս սա-
րի ետևը:

Վճռեց ու ճամբայ ընկաւ:

2.

Մութը իջնում էր և կանաչ սարը սևերով ծածկում:
Ճամբին մարդիկ էին հանդիպում և հեռուից ձայն տալիս.

—Է՛յ, հէ՛յ, ո՞վ ես դու:

Ճամբորդ տղայ եմ, պատասխանում էր երեխան:

—Ո՞ւր ես գնում:

—Արևի մօտ. ա՛յ, այս սարի յետևը:

—Յիմա՛ր տղայ, ասում էին նրանք ու հեռանում:

Բայց երեխան ուշք չէր դարձնում. նա պարզ զգում էր,
որ արևը այս սարի միւս երեսին է. մի՛ քիչ էլ, մի՛ քիչ էլ,
ու կը լինի արևի մօտ:

Ու անվախ, վստահ քայլերով գնում էր վերև, բարձր,
միշտ բարձր:

3.

Բաւական ուշ էր արդէն, երբ լսեց մօտիկից շների հա-
չոց ու տեսաւ շատ մօտիկ մի կրակ է շողշողում:

—Ո՞վ ես, լսեց խաւարի միջից մի ձայն. ո՞ւր ես գնում:

—Անտէր ճամբորդ տղայ եմ. գնում եմ արևի մօտ: Ասա՛,
ո՞րն է արևի ճամբան. մութն է, էլ սարերը չեմ տեսնում:

Ճրագը ձեռքին մօտեցաւ երեխային մի մարդ, նայեց
նրան, նայեց ու ասաւ քնքուշ ձայնով.

—Դու դադրած կը լինես ու քաղցած, գնանք ինձ մօտ,
ասաւ բարի անծանօթը, բռնեց երեխայի ձեռքից ու տա-
րաւ տուն:

4.

Նրա տունը մի հասարակ խրճիթ էր, մէջտեղում վառ-
ւում էր օջախը, որի շուրջը նստել էին բարի մարդու կինը
և երեք փոքր երեխաները, որոնք համարեա հասակակից էին
ճամբորդ երեխային: Խրճիթին կից մի մեծ սրահում որո-
ճում էին ոչխարները: Նա հովիւ էր, սարի հովիւ:

—Սիրելի երեխաներս, ձեզ եղբայր եմ բերել: Թող չը-
լինէք երեք եղբայր, լինէք չորս. երեքին հաց աւող ձեռքը
չորսին էլ կը տայ: Սիրեցէք սրան. եկէք համբուրեցէք ձեր
նոր եղբօրը:

Ամենից առաջ հովւի կինը մօտ եկաւ, գրկեց երեխային
և մօր պէս ջերմ ջերմ համբուրեց. յետոյ երեխաները եկան
և եղբօր պէս համբուրեցին նրան:

Երեխան իր սրտում մի քաղցր տաքութիւն զգաց. և նը-
րան այնպէս թւաց՝ թէ արևը հէնց ուղիղ խրճիթի վերևն է
վառւում...

5.

Ուրախութիւնից լաց եղաւ. անուշ անուշ լաց եղաւ և
պատմեց իր գլխի եկածները:

Յետոյ օջախի առջև սեղան նստեցին. կերան, խմեցին, ծի-
ծաղեցին: Մայրը նրանց համար անկողին շինեց և ամենքին
քնեցրեց իր կողքին:

Երեխան շատ էր յոգնած, տեղը մտաւ թէ չէ, իսկոյն աչ-
քերը խփեց ու քնեց...

Երազի մէջ նա ժպտում էր ուրախ:

Իբրև թէ ինքը արևի մօտ էր, գրկել էր նրան ամուր ու
պառկել էր նրա գրկում, տաք ու երջանիկ...

Մէկ էլ սրտի ուրախութիւնից վեր թռաւ, դարձնեց ու տեսաւ, որ արևի փոխարէն իր նոր մօր գրկումն էր: Եւ նրան թւաց, որ արևը ոչ թէ այս խրճիթի վրան է, այլ հէնց այս խրճիթի մէջը, որ ինքը ուղիղ հէնց արևի գրկումն է...

60. Սարերի որդին

Արծաթ գօտին ձիւնոտ սարից
Ձգւում է ցած աղմբկալից
Ու դեռ շրթին ուրախ, զւարթ՝
Սէգ սարերի երգը հպարտ՝

Թաղւում է խոր
Փայտոտ կրճըում՝
Լալիս անգոր,
Խուլ հեծեծում:

Ու բողբջի
Աղաղակի
Չայնն է թնդում
Խոր անդնդում՝
Դնւմ, դնւմ, դնւմ...

Եւ ներքևում, ահա նորից
Փայլփլեւով մթին ձորից
Մի նոր գօտի է դուրս հոսում:

Բայց անլեզու, էլ չի խօսում.
Երգը մոռցած՝
Առանց փրփուր
Սըզուր դարձած՝
Սողում է լուս.
Սողնւմ, յիշում
Երգերն անուշ
Ու վաշ վըշում՝
Վնշ-վնշ, վնշ-վնշ...

61. Գարնանային առաւօտ

Առաւօտեան ցօղը դեռ չէր բարձրացել խոտերից և արեգակի ճառագայթները խաղալով մարգարտեայ կաթիլների հետ, արտափայլում էին ծիածանի գոյներով: Հեռաւոր լեռները դեռ պատած էին ճերմակ ու թափանցիկ մշուշով: Մշակած դաշտերը խոստանում էին առատ հունձ: Մի տեղ դեռ նոր էին վա-



րում հողը, մի տեղ ցանում էին, միւս տեղ արածացնում էին ոչխարների հօտերը. մի խօսքով, որ կողմը նայում էի, եռ էր գալիս աշխատութիւն. ամեն ինչ շարժողութեան մէջ էր, ամեն տեղ երևում էր կեանք և գործունէութիւն:

Հանկարծ ի՞մ սկանզին վարկեց

Տի երգի շայն, նա խիստ խաղցր եղանակով

հնչում էր առաւօտեան հովուքեան մէջ,

Խա պարզ որդու՞ էի հեպսեալ խօսքեր:

«Ահա ծագեց կարմիր արև,
Տաք և պայծառ է օրը,
Դէհ, քաշեցէք, սիրուն եզներ,
Յառանջ տարէք արօրը:

Վարը վարենք, աղօս փորենք,
Խոր աղօսներ հողի մէջ.

Մերմը ցանենք, որ հունձ հնձենք,
Ցորեան դիզենք կալի մէջ:

Կը գայ ձմեռ, մենք վախ չունենք,
Ուրախ կ'անցնի մեր օրը,
Ուտելու միշտ պաշար ունենք,
Լի ու կուշտ է մեր փորը:

Դէհ, քաշեցէք, սիրուն եզներ,
Շուտով վարենք արտերը,
Թող չասեն մեր դրացիքը՝
Ծոյլ են Հասօի եզները:

62. Մայիսը

Ահա հասաւ մայիսը, մեղրակաթ մայիսը, տասներկու եղ-
բայրների մէջ ամենագեղեցիկը: Մեր հայրենիքում այս ա-
միսը հեզիկ-նազիկ պարում է բլուրներում ու հովիտներում:
Նրա ձեռքն ու ծոցը, գլուխն ու գօտին լցած են փունջ փունջ,
գոյն գոյն ծաղիկներով: Նրա գալովը փրփուր կտրած՝ աղբիւր-
ները կանչում բրբռում են: Քնքշափետուր թռչունները եր-
գում, պարում են: Թեթևթեթև ուլերն ու գառնուկները ցատ-
կում, վազվզում են: Անուշահոտ հովերն ու զով գեփիւնե-
րը տարածում են ամեն կողմեր գարնան քաղցր բուրմունքը,
երբ բլրից բլուր ուստոստելով անցնում, վազում է գեղեցիկ
մայիսը: Նրա շաղակաթ շնչից ծաղիկները վառ վառ շողշողում
են, պտուղները պուտ-պուտ կարմրում:

63. Վարդ մայիսը

Հէնց որ կը գայ վարդ մայիսը՝
Ամիսների թագուհին,

Նախ ու նկար էս ամիսը
Նոր կեանք կը տայ ամենքին:
Թռչունները թռուրդալով,
Մրջիւնները վըխտալի,
Չորս ու բոլոր ծըլւըլալով՝
«Մայիս» կերգեն խնդալի:

64. Վարդենու փշերը

1.

Շատ տարի առաջ մի սոխակ կար. նա եկել էր տաք եր-
կրներից և ուզում էր մեզ մօտ ապրել: Անտառի ծառերը,
պարաէզի թփերը, բոյսերն ու ծաղիկները ուզում էին, որ
սոխակը իրենց մօտ ապրի, իրենց հետ լինի, իրենց համար
երգեր երգէ:

Սոխակն ընտրեց վարդի թուփը: Վարդենին ծածկւած էր
գեղեցիկ վարդերով և անուշահոտ բուրմունք էր տարածում:
Այն ժամանակ վարդենու վրայ փշեր չկային: Սոխակը շատ
գոհ էր իր ընտրած տեղից. նա ուրախ երգում, սուլում և
գեղգեղում էր: Վարդենու կոկոնները բացւեցին և ամբողջ
թուփը ծածկւեց հրաշալի վարդերով: Թռչնակը բուն ջինեց,
ձւեր ածեց և շուտով ունեցաւ երեք ձագուկ: Մայրը ուրախ
էր և ամեն ժամանակ ձագերի համար քաղցր քաղցր երգում
էր: Ամեն տեսակ թռչուններ գալիս նստում էին մօտիկ ծա-
ռերի վրայ և սոխակի անուշ երգը լսում, լսում, չէին կըշ-
տանում:

2.

Մայրն ամեն օր երեկոյեան դէմ թռչում գնում էր՝ որ-
դեր, մժեղներ, ճանճեր, մոծակներ և թիթեռներ որսում, բե-
րում ձագերին կերակրում: Մի երեկոյ էլ ձագուկները
ուրախ ծըլւըլում, մէկ մէկու ասում էին.

—Շուտով մայրիկը կը գայ, ուտելու բան կը բերէ: Յան-

կարծ բնի սօտ երևում է մոխրագոյն կատուն: Նա բարձրանում է վարդենու ճիւղերին և յարձակում է ձագուկների վրայ. մի ակնթարթում բռնում է ձագերին, և գետին գցում:

— Ձագերին խեղդեց անպիտան կատուն, օգնեցէք, հասէք, ասաց մի ագռաւ և վրայ պրծաւ: Ագռաւները խումբ խումբ վրայ տւին, կատւին կտցեցին և լաւ պատժեցին: Մոխրագոյն կատուն ձագերին թողեց, վազեց տուն մտաւ:

3.

— Ո՞ւր էք, ձագուկներս, զորտեղ էք մտել, ճշաց սոխակը. չորս կողմը նայեց և երբ թփի տակ ձագերին տեսաւ՝ շուտ վրայ հասաւ, թևերը փռեց, դառնազին լացեց: Լացեց, շատ ողբաց, տխուր երգ երգեց, դառնալով թփին այսպէս ասաւ.

— Միրուն վարդենի, գեղեցիկ դու թուփ, ինչո՞ւ իմ փոքրիկ, թանկագին ձագերին չպաշտպանեցիր. ինչո՞ւ ձագերիս գերեզման դարձար, ինչո՞ւ խեղճ մօրս անզաւակ դարձրիր, ասաւ ու լացեց, շատ տխուր երգեց, բոլոր թռչուններին նա լացացրեց:


Վարդենին տխրեց, սրտի ցաւիցը փշերով ծածկւեց. փշերով ծածկւեց, իրան մօտեցողին անխնայ ծակեց, անպատիժ չթողեց: Ապա նա տխուր սոխակին ասաւ.

— Թանկագին թռչնակ, տես, ինչպէս հիմա ես փշեր ունեմ, սուր, ամուր փշեր. այժմ դրանցով քո սիրուն բնին, փոքրիկ ձագերին ես միշտ կը պահեմ, կը խնամեմ: Նոր ձւեր ածիր, ձագուկներ հանիր: Սոխակը լսեց, նոր ձւեր ածեց, նոր ձագեր հանեց, տխուր երգերով ձագերին մեծացրեց:

65. Եայրաղ

Քարունքը բացւեց ու թուրք ու հայ եայրաղ դուրս եկան: Աղբիւրների գլխին, ծաղիկների վրայ օբէքը՝ իրանց չազիրները տւին ու մալն արին էն անմահական դրախտը: Առա-

ւօտը որ տեղիցը վեր էիր կենում, հազար սարի ծէրից ամպն ու ծուխը իրար հետ խառը երկինքն էին վերանում ու շաղն ու ցօղը անձրևի հետ նրանց շորերի, երեսների վրայ դնում:



Կնանիքը կթի տաւարի հետ էին լինում, կաթը հաւաքում, եղ ու պանիր շինում. մարդիկը տաւարը սարը տանում կամ բուրդ ու եղ բազարը բերում, ծախում, իրանց տան պակասութիւնը հոգում: Մենակ էս չէր կնանոնց գործը. ցերեկը ճախարակ էին մանում, շալ ու խալիչայ կամ կարպետ գործում ու իրանց օրը ուրախ, միամիտ անց կացնում: Էլ ի՞նչ ասել կուզի, որ տան պէս՝ աղջիկ ու հարս էստեղ կուչ ու ճիգ անելով չէին ման գալիս կամ երեսները կաշնում: Մէկ տան պէս, ում օբէն մտնէիր, թուշ էր՝ որ վարդի պէս փայլում էր, աչք էր՝ որ մարդի խելը տանում էր. էն օդի ու ջրի, էն ծաղկի ու կանաչի հոտն ու համն առնողի հոգին ու ռանգն ի՞նչ կը լինէր բաս: Յայտնի բան է, որ որսի ու շատ անգամ գողի ու հարամու հետ շաբթով էին ման գալիս ջահէլ տղերքը ու սպանած կամ բռնած բերած ժամանակը մէկ հարսանիք էր լինում բոլոր օբէքանց միջին: Դոնաղ պատահէր, էստեղ պատահէր. շաբթով, ամսով էլ չէին թողալ հեռանայ. ու աղբիւրների քչքչօցը, ջրերի

խշոցը, ծառերի սլսլոցը, դշերի ծլւլլոցը, չորանի թուխակը, գառան, ոչխարի ու տաւարի ձէնն ու բառանչը՝ ամեն մարդի ուզում էին ասեն. թէ դրախտ ես կամենում, էստեղ կաց, էսպէս կաց, սիրտդ անմեղ, միտքդ յիստակ:

66. Շինակահի երգը

Լուսնակն անուշ, հովն անուշ,
 Շինակահի բունն անուշ.
 Ծագեց լուսնակն երկրնուց,
 Հովւի փողն էր անուշ:
 Հօտաղըն եգներ կ'արածայ,
 Մաճկալ պառկել, բունն անուշ:
 Զրգզրղուն բամին կը փչէ,
 Ծովային հովն էր անուշ:
 Դաշտեր, ձորեր մընջել են,
 Զրբեր գըլգըլան ձէնն անուշ:
 Հաւքեր թառան իրենց բուն,
 Բըլբուլի տաղն էր անուշ,
 Անմահական հոտ բուրբեր,
 Քաֆուր վարդի հոտն անուշ:

67. Մարգարիտի սերմը

1.

—Ուր ես ինձ տանում, հարցրեց մարգարիտի սերմը:
 —Քեզ տանում եմ պահելու, ձմեռւայ ցրտից ազատելու,

ասաց քամին: Նա քշեց սերմերը, տարաւ մի աղբիւրի մօտ գցեց:

Սերմիկը կամաց կամաց գետնի մէջ թաղւեց և քնեց:

Գարնանը սերմիկը տաքացաւ, գետնից շուր ծծեց, նրա հագուստը քիչ քիչ նեղացաւ, ձեղքւեց և նրա միջից մի բարակ ծիլ դուրս եկաւ:

2.

—Քունդ անուշ, մատաղ ծիլ, բարով եկար լոյս աշխարհ, ասաց քամին և նրան սիրեց:



—Շատ ուրախ եմ, հարկան, ասաց կապոյտ անմոռուկը:

—Մենք միասին ուրախ կը լինինք, ասացին սպիտակ ձնծաղիկները:

—Ես էլ ուրախ եմ, ասաւ կակաշը: Գիտէ՞ք, ընկերներ, մարգարիտի ծնողներին ես ճանաչում եմ. նրանք զեղին միջուկով, սպիտակ թերթիկներով ծաղիկներ ունեն:

Մարգարիտի ծիլը շատ ուրախ էր, որ այդ տե-



սակ ընկերներ ունէր: Նա մեծացաւ, մեծացաւ, շատ կոկոններ ունեցաւ:

Երբ ամենքը բացւեցին, ծաղիկները ուրախ ուրախ նայեցին, շատ հաւանեցին: Մեղմիկ քամին էլ հանդարտ փչեց, ծաղիկներին բարևեց ու գնաց:


Մարգարիտը ուրախ էր:

— Հայրիկ, հայրիկ, եկ տես. ի՞նչ գեղեցիկ մարգարիտ եմ գտել, կանչեց մի փոքրիկ աղջիկ: Օհ, ինչքան սիրուն են, ինչքան նախշուն են, ես ուզում եմ տուն տանել:

Երբ հայրիկն էլ հաւանեց, աղջիկն արագ արագ քանդեց բոյսի չորս կողմը, հանեց դրեց իր կողովը:

— Շոգ է, շոգ, ասացին ծաղիկները և գլուխները քաշ գցեցին:

Փոքրիկ աղջիկը մարգարիտը տարաւ պարտէզ և տընկեց մի վարդենու տակ: Մարգարիտի արմատները շուր խմեցին, յոգնած ծաղիկներն էլ կուշ եկան և քնեցին:



Առաւօտեան փոքրիկ մարգարիտները վաղ զարթնեցին, զարմացած չորս կողմն էին նայում:

— Բարի գալուստ, դաշտի սիրուն ծաղիկներ, ասաց սպիտակ վարդը:

— Ես ձեզ երէկ էի ուզում բարեւել, ասաց գեղին վարդը, բայց դուք շատ յոգնած էիք. ի՞նչպէս էք այժմ, լաւ էք:

— Շնորհակալ ենք, ասացին մարգարիտները:

— Իսկ ես ձեզ կը ծանօթացնեմ մեր պարտէզի ծաղիկների հետ, ասաց



կարմիր վարդը:



— Ձեր աջ կողմի մեծ, սպիտակ ծաղիկները շուշաններն են:

Մյգ փոքրիկ թագնուլածները հինգ թևանի մանուշակներն են:


Մյս խումբն էլ մեխակներն են. նրանց մօտի փոքրիկը յափրուկն է:

Իոլոր ծաղիկները գլուխ տւին. փոքրիկ մարգարիտներն էլ խոնարհեցին. նրանք խօսեցին, զրոյցներ արին:

Մարգարիտները մեծացան, գեղեցկացան և ամբողջ ամառը ծաղիկներ տւին:



Մի ծաղկով գարուն չի գայ:



Գրիշերն իկաւ, սաւրդունին իլան,

լուսնեակն անուշ ցուլցուլայ,

Ճաղկունին ամբն ևոր իուն Սրան

Նեմպի ցողով, լուսնի շողով

Քարհանդ-Սարմանդ իուն Սրան:

Դուք էլ քնէք, ոսկի սաւրդեր,

Վարդ ու սոխակ, իուն եղէք,

Օրոր-Ճովեր, շորոր-հովեր,

Ննուշ-անուշ իուն իղէք:

Ե՞ս սար դարդեր, անի, Ճով-ցաւեր,

Դուք էլ Սուշ-Սուշ իուն եղէք:


69. Ծիծեռնակի մահը

Գարունը վաղուց բացել էր: Սարեակն ու ծիծեռնակը վերադարձել էին ուրիշ երկիրներից և ուրախ գլարթ ծըլըլալով իրենց համար բներ էին շինում: Մօսն շատ էր սիրում տեսնել շինած բներ: Նա ձևաններն ու ձագերը դուրս էր տալիս բներից, խաղացնում. վերջը կամ ձևաններն էին կոտրատում, կամ խեղճ ու կրակ ձագերը անշնչանում:

Այժմ էլ նա լարած սպասում էր, թէ երբ պիտի թռչունները բներ շինեն, ձագեր հանեն:

Երկու ծիծեռնակ բուն էին դրել նրանց գոմում և բնի կէսն արդէն շինել էին:

Մի օր երեկոյեան դէմ, երբ ծիծեռնակներից մէկը մըտաւ գոմը, տղաները գլխարկները ձեռներում՝ ոտքերի ծայրերով զգուշութեամբ ներս մտան ու դուռը պինդ փակեցին, որ բունեն: Գոմն էլ ուրիշ անցք չունէր: Ծիծեռնակը սկսեց այս ու այն պատը թռչել, յուսահատաբար ծուռւմ ճչում էր, տղաների փափախները թռչում էին ամեն կողմ նրա ետեից. վերջապէս ուժասպառ ընկաւ փափախների հարածների տակ: Ընկաւ ու գետնին թրրպրտում էր: Երկունս էլ վրայ պրծան. Մօսի ձեռքն ընկաւ: Մօսն աշխատում էր գոմից դուրս գալ, փախչել, Գրիգորը փէշից պինդ բռնեց ու էլ բաց



չէր թողնում: Վերջապէս Մօսն մի կերպ ազատեց ու դուրս վազեց գոմից, Գրիգորը նրա յետեից: Մօսն ինչքան ուժ ունէր հուպ էր տալիս ծիծեռնակը բռնումը: Գրիգորը հասաւ նրան ու սկսեց մի կատաղի կռիւ: Իրար քաջքշում էին, կրծում, քացի տալիս, և երբ վերջապէս Գրիգորը կարողացաւ Մօսի ձեռքից խլել թռչնակը, խեղճը արդէն աչքերը փակած, վիզը անգօր կախած՝ էլ չէր շնչում: Գրիգորն էլ վախեցած վայր ձգեց թռչնակը գետնին: Ծիծեռնակը ոտները կուշ ածած՝ բերանը բաց ու խուփ էր անում:

Այդ միջոցին մի սուր ծղրտոց լսեց երեխաների զրխ-

ներին ու Մօսօն զգաց՝ ինչպէս իր թշին դիպաւ մի սառը հովիկ—դա ծիծեռնակի ընկերն էր, որ հէնց այդ րոպէին վերագառնում էր գոմը ցեխը բերնին: Նա իր մարմնի ամբողջ ծանրութեամբ վայր սլացաւ դէպի իր շնչասպառ ընկերուհին՝ ծղրտալով, թևերը արագ թափահարելով, պտըտւում էր նրա գլխին, վեր բարձրանում ու ապա նորից ցած նետւում, թևով դիպչում ընկած թռչնակին, կարծես հրաւիրելով ելնել, իր հետ սլանալ վեր, դէպի անամպ երկինքը, մայր մտնող արևի վառ ճառագայթների մէջ խաղալու համար: Նրա աղիողորմ ծղրտոցին ամեն կողմից միացան դեռ մէկ, երկնւ, ապա ողջ գիւղի ծիծեռնակները, և ամբողջ երամբ յուսահատ ծլալով, ճչալով, խառնիխուռն նետւում էր այս ու այն կողմը, մէկ իշնելով դէպի անշունչ ընկերուհին, մէկ էլ սուր սլանալով դէպի վեր:

Մօսօն և Գրիգորը կարծես տեսնում էին՝ ինչպէս ուռչում էին նրանց սպիտակ կրծքները վշտից և կատաղութիւնից, և կանգնել էին իրարից հեռու, ամօթահար, աշխատելով միմեանց երեսի չնայել: Յետոյ նրանցից դեռ մէկը, ապա միւսը մօտեցաւ ծիծեռնակի փոքրիկ դիակին, երկուսով տարան նրան իրենց տան կից պարտէզը, մի փոս փորեցին ու մեռած թռչնակին անխօս մէջը ամփոփեցին:

Ոչ այդ օրը, ոչ էլ յաջորդ օրը չէր լսւում նրանց ուրախ ծիծաղը. ոչ այդ օրը, ոչ էլ յաջորդ օրը, ոչ էլ երբէք այնուհետև, նրանք չմօտեցան էլ ոչ մի թռչնակի բնի:

70. Հովի սրիկը

Ծառի հովանին, տերևի շրշիւն,
Տխուր ողբերգակ աղբիւրի շաչիւն,
Հաճելի դիրքը զմրուխտ կանաչով,
Մի սքանչելի գեղեցկութիւնով,
Միշտ ասում են քեզ. «Ո՛վ դու անցաւոր,

Ո՛վ ինքնահաւան դու ճանապարհորդ,
Ինչո՞ւ չես գալի այս հազարաւոր՝
Բարութեան լինում մասնակից, կցորդ:»
Եւ անհ հովտից մի քաղցր բամի
Բերում է իր հետ աննշան ձայներ...
Լաւ ականջ դիր դու... այն խաշնարածի
Սրբնգի երգն է:—Եկել է գիշեր.
Կանչում գառներին հանգչել խաղերից
Եւ պատսպարելի պատառող գայլից:

71. Ճլօրթի

Մանկական խաղերից ամենից հետաքրքիրն է ճլօրթին: Գիւղի մատաղահաս աղջիկները խումբ խումբ հաւաքւած՝ ճլօրթի են ընկնում, իրենց զւարճութիւնները կատարում:

Աղջիկներից մէկը կանգնած է սրահի մի ծայրին, երկրորդը միւս. ամենքը հերթով նստում են և ճօճւում: Ճօճելիս երկու ծայրին կանգնած ընկերուհիները մի քանի անգամ բոթում են նստածին, որպէսզի նա աւելի ամուր և արագ ճօճի:

Եթէ մէկը վախենում է, նրան չեն իջեցնում ճլօրթուց այնքան ժամանակ, մինչև որ նա իր ընկերուհիների առաջը մի որևէ գաղտնիք չխոստովանի և ընդհանուրի ուրախութեան պատճառ դառնայ:

Ճր՛կ-ճր՛կ, ճր՛կ-ճր՛կ հնչելով՝ գնում գալիս էր ճլօրթին և ճօճում շարմաղ կարնին:

—Ինչքան կուզէք՝ զօռ տւէք, ինձ չէք կարող վախեցնել, ասում էր նա:

—Աղջի, հերիք է, բօլ ա. վեր կաց, հիմի էլ Մօնին նստի, գուցէ կարողանանք նրա սրտի խորհուրդն իմանալ, այս ու այն կողմից ասում էին փոքրիկները:


Վերջապէս հերթն անցնում է ամենքին. բոլորը նստում,
երբեմն էլ սրա ու նրա ձեն են անում, կուշտ կուշտ ծիծաղում:

72. Շերամ

1.

Գարնան սկզբին, հէնց որ թթենիք
Բացում են իրենց տերևներ մանրիկ,
Շերամի ձրւից ելնում է մի որդ,
Մի որդ աննշան, սևագոյն, փոքրիկ:

Նայում ես նրան ու չես հաւատում,
Որ նա էլ ունի ոտներ ու բերան,
Նա էլ է ուզում աշխարհում ապրել,
Կեանքի քաղցր ու դառն օրերը տեսնել:



Եւ ահա ընկած տերևի վրայ,
Ուտում է խժուում գիշեր ու ցերեկ,
Չորս անգամ թմրում, իր մորթը փոխում,
Երսուն օրւայ մէջ ձգւում, մեծանում:

Երեսուն օր անց նա էլ չի ուտում,
Շուռ մուռ է գալիս՝ մի անկիւն գտնում,
Կերած տերևի ամբարած հիւթը
Բարակ թելի պէս բերանից հանում:

Երեք օր գիշեր նա այդ թելերից
Գործում է իրեն մի ամուր տնակ,
Փակում նրա մէջ, թմրում ու քնում,
Տասնութ օրից յետ թիթեռի փոխւած՝
Բերնի շողինքով տնակը ծակում,
Ճերմակ թևերով լոյս աշխարհ թռչում:
Եւ այդ թիթեռը երեք օրւայ մէջ
Հազարից աւել ձրւաններ թողած՝
Ընկնում է անշունչ, մեռնում ու կորչում՝
Իրեն երկրաւոր պարտքը կատարած:

2.

Իսկ ի՞նչ են լինում որդնի տնակներ,
Ճերմակ ու ղեղին սիրուն բոժոժներ:
Սյդ բոժոժները մարդիկ տաք ջրում
Փափկացնում են, թելի ծայր գտնում,
Ճախարակներով բանում ու մանում
Ու այդ մանածից գործարաններում
Հազար մի տեսակ թէ հաստ թէ բարակ
Մետաքսի կտոր գործում, պատրաստում:

73. Աստղեր

— Հայրիկ, ախ, ինչ գեղեցիկ է
Պարզ երկինքը գիշերով,
Ինչպէս սիրուն զարդարած է
Նա անհամար աստղերով:

Թէ ուզիդ է, որ ամեն մարդ
Մի աստղ ունի երկնքում,
Ինչի՞ ապա բոլոր աստղեր
Միատեսակ չեն փայլում:

Ինչի՞ համար միայն տեղտեղ
Վառվում են լոյս աստղեր,
Իսկ մեծ մասը այնպէս մանր են՝
Ասես թէ են միայն կայծեր:

Ինչ լաւ կը լինէր, որ բոլորն էլ
Այնպէս պայծառ փայլէին,
Ինչպէս ահա, տես, այն աստղը,
Որ վառում է մեր գլխին:

— Հա, իմ որդի, գեղեցիկ է
Պարզ երկինքը գիշերով.
Նրան այդպէս զարդարել է
Աստուած կարող իւր ձեռով:

Ճշմարիտ է ամեն մարդ էլ
Մի աստղ ունի երկնքում.
Եւ քեզ կ'ասես ինչի՞ ողջն էլ
Միատեսակ չեն փայլում:

Ինչպէս այս տեղ երկրի վրայ
Մարդիկ միմեանց չեն նման՝
Խելքով, գործով, վարք ու բարքով
Են միմեանցից զանազան,—
Ահա այդպէս էլ երկնքում՝

Բոլոր մարդկանց աստղերը
Հայելու պէս ցոյց են տալիս
Իրանց տիրոջ պատկերը:
Բայց մի կարծիր, որդեակ քաղցրիկ,

Որ այն վառվառ աստղերը,
Որոնք իրանց պայծառ լուսով
Զարդարում են երկիրը,
Հարուստներին են պատկանում

Կամ աշխարհիս մեծերին.
Չէ, ոսկին, իշխանութիւնն
Այնտեղ ոչինչ չունին գին:
Շատ իշխան կայ, որի աստղը

Հազիւ հազ է պսպղում.
Աղքատ էլ կայ, որի աստղը
Գոհարի պէս է փայլում:
Ինչ մարդ այստեղ զարդարած է

Առաքինի գործերով,
Նրա աստղն էլ միշտ վառած է
Գեղեցիկ, պայծառ լուսով:
— Հայրիկ, ախ, տես այն գեղեցիկ

Մեծ աստղը թուաւ իւր տեղից,
Թուաւ ու հանգաւ և մի պայծառ
Գիծ թողեց իւր յետևից:
Ասա, հայրիկ, այն ո՞ւմ աստղն էր,

Ափսոս, ինչի՞ նա հանգաւ.
Տես երկնքի այն մի կողմը
Ինչպէս յանկարծ մթնեցաւ:
— Այո, որդեակ, հազար ափսոս,

Որ պակասեց երկնքից
Այն վառ աստղը, որ գեղեցիկ
Լոյս էր տալիս վերևից:

—Այս բոստիկն մի ազնիւ մարդ
Աստծուն տւեց իւր հոգին.
Մի ազնիւ մարդ, որ միշտ անկեղծ
Ծառայել է իւր ազգին...

74. Եսասեր հսկան

1.

Մի հսկայ ունէր մեծ, հրաշալի պարտէզ: Այդպիսի գեղեցիկ պարտէզ ոչ մի տեղ չկար: Գոյնզգոյն անուշահոտ ծաղիկները փուլած էին մշտադալար կանաչների մէջ: Միրուն թռչնակները շարունակ ծըլւելում ու երգում էին ծառից ծառ թռչկոտալով: Գարնանը բոլոր ծառերը ծածկւում էին վարդագոյն ու սպիտակ ծաղիկներով և երեխաները դպրոցից վերադառնալով, ուրախ ուրախ խաղում էին նրանց սուերի տակ:

—Որքան լաւ է այստեղ, ասում էին նրանք:

Երեխանները հսկայից չէին վախենում, որովհետեւ նա տանը չէր: Ասում էին, որ նա գնացել է հիւսիս իր բարեկամի մօտ և այլևս էլ չի վերադառնայ:

Բայց ահա մի օր լուր տարածւեց, թէ հսկան վերադարձել է:

Երբ երեխաները եկան պարտէզ, հսկան սաստիկ բարկացաւ և գոռաց.

—Ի՞նչպէս էք համարձակւում ուրիշի պարտէզը մտնել: Այս պարտէզը իմն է և բացի ինձանից ոչ ոք իրաւունք չունի օգտուել նրանից:

Եւ նա պարտէզի շուրջը բարձր պարիսպ շինեց և դռան վերայ գրեց. «Ուրիշի սեփականութեան ապահովութիւնը խանգարողը խիստ կը պատժւի»:

Հսկան սաստիկ եսասէր էր, այսինքն բացի իրանից ոչ ոքի չէր սիրում և ոչ ոքի մասին չէր մտածում:

Այդ օրւանից երեխաները զրկեցին իրենց գեղեցիկ խաղատեղից: Փոշոտ փողոցը նրանց դուր չէր գալիս. նրանք տըխուր նայում էին պարտէզի բարձր պարիսպներին ու փակ դռանը և անխ քաշելով ասում.—Որքան լաւ էր այնտեղ, պարտէզում:

Գարունը եկաւ, ամբողջ բնութիւնը զարդարեց կանաչով ու գոյնզգոյն ծաղիկներով: Բայց հսկայի պարտէզում ձիւնը դեռ չէր հալչել: Թռչուններ չկային, որ երգէին, երեխաներ չկային, որ ուրախ ծիծաղէին ու խաղային: Պարտէզը լուռ էր ու մռայլ:

—Չարմանալի է, ինչո՞ւ գարունը մոռացել է իմ պարտէզը, ասում էր եսասէր հսկան, դուրս նայելով ամբողջ պատուհանից:

Գարունը չմտաւ նրա պարտէզը և բարձր պարիսպների յետևից անցաւ գնաց: Հասաւ ամառը, նա էլ միայն մի կարճ ժամանակով ներս նայեց, տեղ տեղ մի քիչ կանաչ երևացրեց: ու նոյնպէս գնաց: Այսպէս անցաւ մի ամբողջ տարի, Հսկայի պարտէզում շարունակ ձմեռ էր:

Նա զարմանում էր և չէր հասկանում դրա պատճառը:

2.

Մի գարնանային առաւօտ հսկային թւաց, թէ նրա պատուհանի տակ նւագում են. մօտեցաւ, բաց արեց պատուհանը և սաստիկ ուրախացաւ. դա երաժիշտ չէր, որ նւագէր, այլ մի փոքրիկ գեղեցիկ թռչուն էր ծըլւելում նրա պարտէզում: Շատ ժամանակ է՝ նա թռչնի երգ չէր լսել: Հսկան զուլը դուրս հանեց լուսամուտից և ինչ տեսաւ: Կանաչ գարունը ներս էր մտել նրա պարտէզը, ծառերը ծաղկել էին, գոյնզգոյն ծաղիկները տարածել էին իրենց անուշ հոտը:

—Վերջապէս, գարունն եկաւ, բացականչեց հսկան և իջաւ

պարտէզ. այստեղ նա զարմացած կանգ առաւ: Պատի նեղ արանքից երեխաները ներս էին մտել և բարձրացել ծառերը: Ամեն մէկը մի ծառ էր ընտրել, բարձրացել նստել էր նրա ճիւղին և թագնւել նորաբողբոջ ծաղիկների ու տերևների յետևը: Պարտէզը այնպէս էր ուրախացել սիրելի հիւրերի գալուստ, որ սիրտը բացւել էր կանաչով ու ծաղիկներով: Ծառերն ու ծաղիկները ժպտում էին, իսկ թռչնիկները ուրախ ծըլւելում: Սա մի հրաշալի տեսարան էր. հսկան հիացած կանգնել էր և չէր կարող աչքը հեռացնել այդ գեղեցիկ պատկերից: Յանկարծ նա նկատեց, որ մի փոքրիկ մանուկ կանգնել է ծառի տակ և լաց է լինում. նա չէր կարողացել բարձրանալ ծառը: Եւ այդ ծառը դեռ չէր կանաչել: Հսկան յուզւեց. նրա սիրտը մեղմացաւ:

—Մի՞թէ ես այնպէս եսասէր եմ եղել, որ չեմ թոյլ տւել երեխաներին մտնել իմ պարտէզը, ասաց նա. ասյուհետև ես կը քանդեմ պարիսպը և իմ պարտէզը կը դարձնեմ երեխաների մշտական խաղատեղի:

Հսկան մօտեցաւ լացող մանկանը և բարձրացնելով նրան, նստեցրեց ծառի ճիւղին: Ծառը իսկոյն կանաչեց և ծաղկեց: Մանկիկը ուրախանալով, ձեռքերը մեկնեց, փարւեց հսկայի վզովը և համբուրեց:

Միւս երեխաները, որոնք հսկային տեսնելով վախեցել փախել էին, այդ բանը տեսնելով՝ սիրտ առան և նորից ներս վազեցին:

Այդ օրւանից երեխաները ամեն օր գալիս էին պարտէզ: Բարի հսկան խաղում էր նրանց հետ, զբաղեցնում և զւարճացնում էր նրանց: Միայն այն փոքրիկ մանուկը, որին նա բարձրացրել էր ծառը՝ անհետացել էր և ոչ ոք նրան այլ ևս չէր տեսել:

—Ո՛ւր է այն փոքրիկը և ո՞վ էր նա, հարցնում էր հսկան. բայց երեխաները ասում էին, թէ նրան չեն տեսել և չգիտեն՝ ուր է նա:

Անցան շատ տարիներ. հսկան ծերացաւ: Նա այլ ևս չէր խաղում երեխաների հետ, այլ մեծ բազմոցի վերայ նստած նայում էր նրանց խաղին:

—Գիտէ՞ք, ես շատ գեղեցիկ ծաղիկներ ունեմ, այնպիսի գեղեցիկ ծաղիկներ ոչ մի տեղ չէք գտնի, ասում էր հսկան իր ծանօթներին. բայց երեխաները աւելի գեղեցիկ են, քան ծաղիկները. և ես նրանց ամեն բանից աւելի եմ սիրում:

Մի ձմռան առաւօտ հսկան դուրս նայեց լուսամուտից և տեսաւ, որ պարտէզի ծառի մէկը ծաղկել է: Նա սաստիկ զարմացաւ, իջաւ պարտէզ և մօտենալով ծառին, կրկին տեսաւ իր առաջին սիրելի մանկանը: Ուրախացած մօտ վազեց, բռնեց նրա ձեռքից և հարցրեց.


—Ո՞վ ես դու, ասա՛ ինձ, ո՞վ ես դու...

Մանուկը ժպտաց և ասաց.

—Դու բարի գործ կատարեցիր, թոյլ տալով իմ սիրելի մանուկներին խաղալ բոլորտէզում: Պարտէզդ դարձրիր նրանց համար ուրախութեան դրախտ. և ես բեզ սիրեցի: Դրա համար եկայ բեզ կանչելու, ասաց ու անհետացաւ:

Հսկան գլուխը խոնարհեց և ծունկ չոքեց: Դասերից յետոյ երեխաները եկան պարտէզ, տեսան ծաղկած ծառը և վազեցին դէպի նա, բայց տեսան նրա տակը իրենց սիրելի հսկային:

Նա արդէն մեռած էր և չէր խօսում:




75. Գիւղացին ու արջը

Գիւղացին իր բոստանում
Գարնանը սերմ էր ցանում.
Արջը եկաւ՝ բարև քեզ,
Ի՞նչ ես անում քեզ ու քեզ:
Արի, այ մարդ, միանանք,
Մէկտեղ անենք վար ու ցանք.
Վար ու ցանքը մեր կիսրար,
Հունձն էլ անենք հաւասար:
«Աչքիս վրայ, արջ ապէր,
Օտար խօմ չե՞նք, կուզես բեր,
Հէնց առաջին անգամը
Ցանենք մօտիս շողգամը:
Ինձ արմատը հողումը,
Քեզ փրերն ու ցօղունը»:
—Ցանենք, ասաւ ապէրը,
Ինձ ցօղունն ու փրերը:
Քաղցր ու խոշոր շողգամը
Հողում տողեց աշնանը:
Մեր ապէրն ու գիւղացին
Շողգամն հողից հանեցին:
Ապէրն առաւ փրերը,

Ընկերը արմատները:
Արջը տեսաւ, որ խաբւեց,
Մարդու դէմը քիչ լարւեց.
—Վայ, ինձ խաբէ՞ գիւղացին.
Կաց, էն միւս ցանոցին,
Ինչ որ ցանենք հողումը,
Նրան կը տամ ցօղունը:
Միւս տարի ցանոցին
Արջին ասաւ գիւղացին.
«Ապէր, արի էլի մենք
Կիսովի մի բան ցանենք,
Արջը թէ՛ հա, շատ բարի,
Միայն անշուշտ էս տարի
Ինձ արմատը հողումը,
Քեզ փրերն ու ցօղունը:
«Համաձայն եմ ես նորէն,
էս հետ ցանենք մենք ցորեն»:
Մարդը գիտէր իր բանը.
Ապօրը հետ՝ իր տանը
Ցորենն ածեց տոպրակը,
Տւեց նրա շալակը.

Տարան, ցանեցին արտը
Բրդոտ ապէրն ու մարդը:
Ընկերները յունիսին
Արան հնձեցին միասին:
Մարդը վերցրեց վերը,
Իսկ արջը՝ արմատները:
Արջը էլ չհամբերեց,
Էդտեղ մի լաւ փրփրեց.
—Հում կաթնակեր, խաբբայ,
Անտառ կը գաս, դու ապա.

Տես՝ գըլուխդ ինչ բերեմ,
Միսդ վրէժ բըրբըրեմ:
Արջը էդպէս նեղացած,
Թքեց մարդին ու գնաց:
Էլ չսպասեց գիւղացին,
Ցորենն հանեց կալոցին:
Հանեց, տարաւ շրաղաց,
Ցորենից ալիւր աղաց,
Ալիւրիցը հաց թրխեց,
Կուշտ-կուշտ կերաւ, ծիծաղեց:



76. Մի պատկեր գարնանային կեանքից

Հովտում մի ձայն է լսւում. լուռ կացէք, այդ հովիւն է
իր սրինգը փչում, բրդոտ ոչխարներ ջրելու տանում: Ահա

ոչխարի տուտը երևաց, գլուխները քարշ՝ գնում են գնում, մի մի բառաչում կամ թէ խոտ կծում ու սաստիկ տաքից հազիւ հազ քայլում: Վերջապէս հասան առւի ափին, գլխներըն իսկոյն ամենքը մեկնեցին ու պաղուկ ջուրը անուշ փսսոցով իրենց քաշեցին: Սրանք մայրերն են, բայց ուր են գառներ, սրանց զաւակները: Նրանք քիչ հեռու մի բլրի վրայ խոտ են արածում, գլուխները ծռում, դէս ու դէն նայում, անուշ մայիւնով կանչում, բղաւում: Եւ ահա հասաւ կլթելու ժամը. ոչխարը նստած տեղից վեր կացաւ. իսկ բլրից գառները խունջիկ ու մունջիկ առւի մօտ եկան... մայրը գառնուկին, գառը մայրիկին պտուում, որոնում է հարիւրի միջին... բառաչ ու մայիւն է իրարանցում շարժում են ամենքի սիրտն ու հոգին...

Տես, ահա ձայնով գտան մէկ մէկու. լռիկ ու մնջիկ կանգնեց մեր մաքին. գառնուկը առջի երկու ոտքը ճկեց և մօր ստինքներն իր բերանը քաշեց. անուշ մշտոցով ծծում է ծծում, իր փոքրիկ դնչով մօր կրծքին խփում, երբեմն էլ մօր ծիծը ատամների տակ ձգում ու կծում և խիստ ցաւեցնում, բայց ներող մայրը իր լեզուն հանած՝ սիրուն զաւակի դնչիկն է լիզում ու մեծ հրճանքով նրան գուրգուրում...

Անցաւ մի րոպէ. ահա կովկիթներ, կաւէ պտուկներ շրջիկ ու թրջիկ մէջտեղ շարւեցին, և հարս ու աղջիկ ձեռքերնին ծալած՝ հովիւների հետ կլթել սկսան. խրժ-բրժ, խրժ-բրժ լսում են ձայներ, փրփրան կաթով լցում ամաններ. իսկ մեր հեզ մաքին միամիտ կանգնած է տիրոջ առաջին, որ ազան խլում է զաւակի բաժինը...

Երբ վերջացրին, հովիւներն իսկոյն մօրը իր որդուց նորից բաժանեցին, առաջւայ կարգով արօտ քշեցին...

77. Ուռնու հիւրերը

Գիւղին մօտիկ
Բլրի լանջից

Զուլալ աղբիւր
է բղխում,

Գլզլալով
Ու խնդալից
Դէպ ստորոտ
Շտապում:
էն աղբիւրի
Ակունքի մօտ
Մի դարաւոր
Ուռնի
Զարգարել է
Լանջը քարոտ՝
Քնքուշ, անուշ
Հով ունի:
Ու կէսօրւայ
Տաք ու տօթին
Իր սիրունիկ
Գառներով՝
Մօտ է գալի
էն աղբիւրին

Գառնարածը
Շտապով:
Ծառը անուշ
Սըլսըլոցով
Զով է անում
Հիւրերին.
Թռչունները
Ծըլըլոցով
Քուն են բերում
Գառներին:
Գառնարածն էլ
Շըլին բերին
Թիկըն տաւած
Ուռնուն՝
Զայնակցում է
Թռչուններին,
Գլզլոցին,
Մեղմ քամուն.

78. Կաղը

1.

— Կաղիկ, կաղիկ, կաղ, կաղ, կանչում էին մի քանի տղաներ: Կաղը տանջում էր և ձեռնափայտի վրայ յենւելով, հազիւ հազ տեղից շարժւում, առաջ էր գնում:

— Իմ ցաւը բաւական չէ, էս տղաներն էլ մի կողմից են շարշարում, գանգատում էր կաղը:

2.

— Կանգնեցէք, տղէք, կանգնեցէք, ձեզ մի պատմութիւն անեմ, ասաց մի ծերունի:

— Այդ մարդը իմ հարկանն էր, մի օր մեր փողոցում

հրդեհ, շատ խիստ հրդեհ եղաւ: Մի մեծ տուն էր այրուում.
տան տիկինը սրտապատառ լալիս էր և օգնութիւն կանչում.

—Որդուս օգնեցէք, որդուս ազատեցէք կրակի միջից,
գոռում էր նա: Ո՛վ կարող էր կրակի բոցերին մօտենալ, ով
կարող էր տան երկրորդ յարկը բարձրանալ և որդուն ազատել:

3.

Մէկ էլ մի քաջ երիտասարդ կրակի բոցերի միջով սան-
դուղքով բարձրացաւ վերև:

—Նա կորան, նա կորան, ասում էին ամենքը. խեղճ մարդ...
Բայց մէկ էլ նա երևաց և բոցերի միջից պարանով ներքև
կախեց կենդանի մանուկին:

—Կէցցէ, կէցցէ, գոռացին ամեն կողմից: Այդ քաջի շորե-
րը, մազերը այրուում էին. նրա պէտքը չէր. նա վառուող սան-
դուղքից ներքև իջաւ, բայց ափսոս, սանդուղքը կտորեց և
նա թրմփալով ներքև գլորեց, ոտքը կտորեց. ահա թէ ում
վրայ էք դուք ծիծաղում:

Մանուկները կարմրեցին:

Իմացողին մէկ, չիմացողին հազար

79. Աշխատանք

I.

Հարուստ էր Ոսկան, հարուստ, մեծատուն.

Ունէր նա շատ փող, պատիւ ու անուն:

Նրա տան դուռը ձմեռ ու ամառ

Միշտ բաց էր լինում ամենքի համար.

Քանի աղքատներ հաց էին ուտում

Նրա սեղանից ու նրան օրհնում:

Սակայն Ոսկանը գոհ չէր վիճակից.

Նա միշտ տխուր էր, մռայլ, վշտալից:

Նրա հարազատ ու միակ որդին՝

Չնայած իր հօր խօսք ու խրատին՝
Գործով պարապել բնաւ չէր սիրում,
Ուտում էր, խմում ու հանգիստ քնում.

II

Հայրը խրատեց, մտածեց երկար,

Ապա իր որդուն տարաւ այլ աշխարհ.

Նա որդուն յանձնեց մի մեծ վարպետի,

Որ նա սրա մօտ բանի, աշխատի:

Վարպետն էլ սիրով ընդունեց նրան

Ու նշանակեց ռոճիկ տարեկան.

Ոսկանի որդուն շատ չէր բանեցնում,

Հարուստ հօր խաթրու լաւ էր պաշտպանում.

Կուշտ ուտացնում էր, խմացնում նրան,

Հազցնում, խնամում իր որդու նման:

Իսկ երբ բոլորեց, լրացաւ տարին,

Որդին ստացաւ վարձը լիովին:

Վարպետը նրան հրաժեշտ տւեց,

Դէպի հայրենիք ճանապարհ գցեց:

Ոսկանի որդին, երբ որ տուն հասաւ,

Ստացած փողը իր հօրը տւաւ:

Բոլոր փողերը հայրը համարեց,

Իսկոյն շրջեցաւ, գետը շարտեց,

Ապա ժպտալով նայեց իր որդուն,

Իսկ անհոգ որդին— ոչ ձայն, ոչ ծպտուն:

III

Դարձեալ Ոսկանը տխուր էր, մռայլ,

Իսկ նրա որդին ծոյլ էր ու շռայլ:

Մի օր էլ հայրը՝ սաստիկ յուսահատ՝

Կանչեց իրա մօտ որդուն բէզօվլաթ.

Նրան խրատեց, նախատեց երկար

Ու տարաւ իր հետ մի ուրիշ աշխարհ:

Այստեղ նա որդուն տւեց վարպետի,
Որ նա սրա մօտ բանի, աշխատի.
Վարպետին պատմեց որդու արարքը,
Ապա յետ գնաց իրանց աշխարհքը:
Այս նոր վարպետը առաջւան պէս չէր՝
Սա շատ բարկացկոտ, անգութ ու չար էր:
Ոսկանի որդուն չէր խղճում երբէք,
Նրան տանջում էր զիշեր ու ցերեկ,
Գործել էր տալիս, անվերջ բանեցնում,
Յոգնեցնում նրան, հալումաշ անում:
Ոսկանի որդին այնքան նիհարեց
Եւ խեղճի վիզը այնքան բարակեց,
Որ նրա քթից եթէ բռնէին,
Տեղնուտեղը կ'աւանդէր հոգին:

VI.

Վերջապէս մի կերպ տարին լըրացաւ,
Ոսկանի որդին Տիրոջ փառք տւաւ...
Նա իր վարպետից ստացաւ ոռճիկ,
Պարկը շալակեց, գնաց հայրենիք:
Երբ որ տուն հասաւ, փողերը հանեց,
Հաշւեց, համարեց ու հօրը յանձնեց:
Երբ հայրը շրջւեց դէպի գետ կրկին,
Շտապով բռնեց հօր ձեռքը որդին.
«Հայր, աղաչում եմ, շուրը մի գցիր,
Արիւն-քրտինքս գոնէ խնայիր.
Շատ թանկ են նստել ինձ այդ փողերը,
Թանկ են տանջանքիս այդ պտուղները...»
Տիրութեան ամպը իսկոյն չքացաւ,
Ոսկանը հրճւեց և ուրախացաւ.
Նա յուզւած սրտով իր որդուն գրկեց,
Ճակատը պաշեց ու նրան օրհնեց:
Այնուհետ որդին սկսեց բանել,

Հօր պատւէրները լսել, կատարել.
Նա թողեց նախկին իր շոալ կեանքը,
Սկսեց յարգել սուրբ աշխատանքը:

80. Առաջին արտոր

Ծուղրուղո՛ւ... էյ թառերին
Հանգիստ քնած արտորներ.
Իմաց տւէք մեծ ու փոքրին՝
Թէ գործի ժամն է հասել:
Ծեր ու պառաւ ժամ շտապեն,
Հարս ու աղջիկ դէպի գետ,
Հօտ ու նախիր թող դուրս հանեն,
Քշեն հանգը խոտաւէտ:
Մաճկալ, հօտաղ զաշտը երթան
Ջրուր, քաղուր դէպի գործ,
Հնձուրները արտը երթան,
Մանուկները դէպ դպրոց:

81. Ամառային գիշեր

Լուսնկայ անուշ գիշեր էր. աստղերը, երկնքի հազար-հա-
զար աչքերը, մանկան պէս ժպտում էին. ես պառկել էի գե-
տակի ափին ու նայում երկնքի շողշողուն աչքերին:

Չկար ցերեկայ անախորժ աղմուկներն ու աղաղակները.
գետակը մեղմ մրմունջով քչքչում էր, ասես, մի անվերջանա-
լի, անհատնելի հէքեաթ էր պատմում. ափի ուռենիները
ստւերներով փաթաթւած՝ գլուխները գցած կախ՝ լսում էին
այդ գեղեցիկ հէքեաթը:

Լայն ու արձակ զաշտերը ծծել էին լուսնի կաթնոտ շողերն
ու բուն էին մտել. քուն էին մտել կարմիր ու նախշուն,

անուշ ու քնքուշ ծաղիկները. քուն էին մտել նրանց թփերի տակ և նրանց բողբոջների մէջ շարաճճի թիթեռներն ու բրդբրդան բզեզները... միայն մեղմ քամին էր արթուն, որ բարակ փչում էր իր քնքուշ սրինգը, և որն իր դուրեկան շնչիւնի հետ տարածում էր ծաղիկների անուշ բուրմունքը:


Ես ականջ դրած առևակի հէքեաթին և քամու մեղմիկ շնչիւնին, հարբած ծաղիկների անուշ բուրմունքով՝ կէս բուն կէս արթուն՝ ասես թէ՛ մի սիրուն, հրաշալի երազի մէջ էի:

Ա՛խ, ինչքան գեղեցիկ է, ինչքան չքնաղ է ամառային գիշերը բաց օդում, աստղավառ երկնքի տակ...

82. Ամառ

—Ո՛ւՖ, տաք է, հայրիկ,
 Խաղալ չի լինում.
 Կարծես վերևից
 Կրակ են թափում:
 Հայրիկ ջան, ցուրտը՝
 Ձմեռը լաւ էր,
 Ա՛խ, երանի թէ
 Ամառ չլինէր:
 —Կանաչ ամառը
 Էսպէս տաքացնում,

Ողջ պտուղներն է
 Հասունացնում:
 Ծիրան, սերկևիլ,
 Անուշիկ խնձոր,
 Տանձ, խաղող, տխիլ,
 Նուռ, դեղձ ու սալոր,
 Յորեն, թութ ու թուզ,
 Կեռաս հիւթալի,
 Բամբակ, խոտ, ընկոյզ
 Ամառն է տալիս:



83. Ոգնին ու օձը

Ամառայ մի տաք օր էր: Արեգակի կիզիչ ճառագայթները այրում, խորովում էին գիւղի արտ ու արօտները: Դրսում ամեն ինչ լուռ էր, ամեն ինչ մեռած: Մէկ էլ Սարգիսն երևաց և ասաց. —Շուտ արն, Յակոբ, գնանք տեսնենք, օձն ու ոգնին կուռում են: Մենք վազեցինք և ինչ տեսանք: Ներքև, ձորի մէջ, կուռում էին ոգնին ու օձը: Կռիւր կատաղի էր: Օձը սուլում ու թռիչքներ էր գործում ոգնու շուրջը, առանց կարողանալու սակայն որ և է վնաս հասցնել փշոտ ոգնուն: Ոգնին էլ իր փոքրիկ գլուխը հանում և յարմար ըոպէից օգտւելով՝ կծում էր օձի մէջքը, փորը, վիզը և այլն:

Վերջին անգամ նա իր փշերի միջից յանկարծ հանեց գլուխը, մի ակնթարթում բռնեց օձի պոչը և կրկին կծկեց: Օձը որքան աշխատեց, չկարողացաւ ազատել պոչը ոգնու բերանից. ոգնին ամուր կծկած էր: Անտանելի ցաւից վշտալով՝ օձը երբեմն գլուխն էր մօտեցնում պոչին, երբեմն մարմինն էր այս ու այն կողմ նետում, որ մի կերպ ազատւի ոգնուց, բայց իզուր. ոգնու փշերը շատ ամուր և սուր էին, նրանք անխնայ բրբրում էին օձի մարմինն ու գլուխը:

Հետզհետէ օձը թուլացաւ. նրա մարմնի վրա բազմաթիւ վէրքեր կային. նա այլ ևս չէր սուլում, այլ միայն ցնցում էր

ամբողջ մարմնով, բայց դարձեալ ապարդիւն. ոգին կծկւած էր ամուր՝ օձի պոչը բերանում բռնած:

Բաւականին ժամանակ անցաւ, մինչև օձը վերջապէս դադարեց ցնցելուց. նա արդէն սատկել էր: Ոգին թողեց նրա պոչը, զգուշութեամբ մի քանի անգամ հանեց գլուխը, դիտեց շուրջը, նայեց օձին և երբ հաւաստիացաւ, որ օձը անշնչացած է, թողեց նրան ու ինքը ծածկւեց մօտակայ թփերի տակ:

84. Հօ, հօ, եզ ջան

Հօ, հօ, եզ ջան, հօ. կալ արան,
Կալիդ դուրբան, հէյ ընկեր.
Հօ, կալ արա, մի հալ արա,
Թէջը դիզենք, ջան ախպէր:

Իրկուն կու գայ, մութը կ'ընկնի,
Աստղ ու լուսին կը բացւին.
Հովիկ կու գայ, ցուրտը կ'ընկնի,
Հօ, հօ, մեռնեմ քու ջանին:

Կուրծքս բացած թէջին կ'ելնեմ.
Ցորեն, գարի կը մաքրեմ.
Մատաղ կ'անեմ՝ Խէչին կ'ելնեմ,
Հէ ջան. մեր տուն լի ու շէն:

Երբ ձմեռ գայ բուք բորանով,
Ցուրտ գայ, սով գայ էս տարւան,
Մեզ համար չեն, — լի բերանով
Փառք տանք Տիրոջ. հօ եզ ջան:

85. Մրջիւններ

Մի օր Արմենակը իրենց պատշգամբի սիւնի վրայ անթիւ, անհամար մրջիւններ տեսաւ: Նրանցից շատերը սիւնի գլխից արագ արագ իրար յետևից ներքև էին շտապում, շտաբըն էլ ներքևից վերև էին բարձրանում: Նա ուշի ուշով դիտեց և նկատեց, որ երկու կողմից եկողներն իրար հանդիպելիս մի փոքր կանգ էին առնում, գլուխ գլխի տալիս և յետոյ միասին իսկոյն ներքև էին վերադառնում:

— Էս ի՞նչ բան է, մտածեց Արմենակը, թէ վերև են գընում, էլ ինչո՞ւ են վերադառնում:

Շատ մտածեց, բայց ոչինչ չհասկացաւ: Հարցրեց հայրիկին:

— Նրանք իրենց կամքով չեն վերադառնում, ասաց հայրիկը, այլ վերևից եկող ընկերներն են նրանց վերադարձնում:

— Ի՞նչպէս, հարցրեց Արմենակը:

— Դու տեսնում ես, որ հանդիպելիս գլուխ գլխի են տալիս:

— Այո, տեսնում եմ և շատ եմ զարմանում: Ինչո՞ւ են այդպէս անում, հայրիկ:

— Նրանք խօսում են:

— Խօսում են:

— Այո, իմ սիրելիս. ներքևից գնացողը հարցնում է վերևից իջնողին՝ վերևումը հօ վտանգ չկայ: Վերևից եկողն էլ պատասխանում է՝ այո, կայ: Այս է պատճառը, որ վերև գնացողները ճանապարհը չեն շարունակում ու վերադառնում են:

Դժւար հաւատաց Արմենակը և ուզեց անպատճառ իմանալ, թէ ինչ վտանգ կայ վերևում: Բարձրացաւ կտուրը, մօտեցաւ այն սիւնի գլխին, որտեղից մրջիւնները ներքև էին իջնում, և ինչ տեսնի: Տեսաւ որ սիւնի վերևում սարդը ցանց է հիւսել, ինքն էլ մի կողմում կուչ է եկել, այնտեղից շուտ շուտ յարձակում է իջնող մրջիւնների վրա, նրանց բռնում, իր ցանցը բաշ տալիս, վրաներն ընկնում ու ծծում:


Արմենակը մտածեց մի փորձ անել: Սարդի հիւսած ցանցը քանդեց, սարդին փախցրեց, ներքև իջաւ. էլի կանգնեց սիւնի առաջ ու դիտեց:

Մի քիչ յետոյ նա նկատեց, որ վերև գնացող մըջիւնները թէև էլի գլուխ գլխի էին տալիս իջնողներին հետ, բայց էլ չէին վերադառնում, այլ շարունակում էին իրենց ճանապահը դէպի վեր:

Արմենակը շտապով վազեց հայրիկի մօտ, կանչելով.

— Հայրիկ, հայրիկ, ճիշտ որ ինչ խելօք են եղել այս փորձիկ մըջիւնները:

Ու հայրիկը նրան շատ ուրիշ զարմանալի բաներ պատմեց մըջիւնների խելքի մասին:



86. Կոյրերի կարծիքը

Օրը ցերեկով
Երեք չորս հոգով

Կոյրերը եկան

Փղին դէմ ընկան:

Մինը, որ մարմինն դիպաւ հաստ, անեղ.

— Հէյ, զգուշ, կանչեց, մի պատ կայ էստեղ:

Միւսը, որ ոտն էր շօշափել իր դէմ՝

— Ի՛նչ պատ, ծիծաղեց, էս կոճղ է կարծեմ:

Երրորդի ձեռը կնճիթն էր ընկել.

— Օձ է, Օձ, գոռաց, էլ ի՛նչ էք կանգնել:

Մինչդեռ չորրորդը պոչիցը բռնած՝

Քահ-քահ խնդալով ծաղրում էր նրանց.

— Վահ, ճիշտ որ կոյր էք. չիմացաւ ոչոք:

Ոչ էս է, ոչ էն, այլ կախած մի թուկ:

— Չէ—պատ է, չէ-կոճղ, չէ-օձ է, չէ-թուկ...

Ու աղմկելով ամեն մինը ջուկ,

Ինչպէս որ եկել

Դէմ էին ընկել,

Էնպէս էլ կոյր-կոյր ետ դարձան կրկին—

Սարի պէս փիղը պարզ լուսի տակին:

87. Խաշխաշ

1.

— Մայրիկ, ի՛նչպիսի ծաղիկներ պէտք է դուրս գան այդ մանր, մոխրագոյն սերմերից, ասաց Արմիկը:

— Եթէ գեղեցիկ ծաղիկներ լինին, ես տատիկի համար փնջեր կը կապեմ, ասաց Աստղիկը:

— Ո՛չ, սիրելիներս, ոչ. այդ ծաղիկներն ինձ պէտք են. չպէտք է քաղէք, ձայն տւեց մայրը:

2.

— Սերմիկները ծլեցին. մի քանի շաբաթ յետոյ երկար

ցօղունների վրայ օրօրում էին հաստիկ, կանաչ կոկոններ։
 — Արմիկ, տես, տես, ինչպէս սիրուն, ինչպէս նախշուն
 ծաղիկներ ունին խաշխաշները, ասաց Լուսիկը. տես, մի քա-
 նիսը կաս կարմիր են, մի քանիսն սպիտակ, միւսներն էլ
 բաց մանուշակի են։

— Ինչո՞ւ մայրիկը մեզ ար-
 գելում է էդ ծաղիկներից
 փնջեր կապել. ինչո՞ւ թող-
 նում է սիրուն թերթիկները
 թափւեն, փշանան, հարցրեց
 Արմիկը։

3.

Մի երկու շաբաթ անցաւ.
 ծաղիկների տեղ օրօրում
 էին կոր, հաստիկ բաներ։

— Հետաքրքիր է, ինչ կայ
 սրանց մէջ, ասաց Արմիկը
 և մէկը կոտրեց. հուլունքի
 նման բազմաթիւ փոքրիկ
 սերմեր թափւեցին։

— Իսկ ինչ համ ունի, ասաց
 Աստղիկը և համտես արաւ։


— Ինչպէս քաղցր է, ինչպէս համեղ է. Արմիկ, փորձիր։
 Արմիկը փորձեց և շատ հաւանեց. մանուկները բաւական կե-
 րան, բիշբիշ թմրեցին։ Մայրը զարմացաւ, երբ մանուկները
 ճաշի վրայ քնեցին. նա շատ աշխատեց նրանց արթնացնել.
 երբ չյաջողւեց, վախեցաւ և բժիշկ կանչեց։ Երբ մայրը գտաւ
 նրանց զրպանում խաշխաշի սերմեր, իսկոյն հասկացաւ քնի
 պատճառը։ Մանուկները շատ խոր քնեցին. երբոր արթնացան,
 մայրը բացատրեց, թէ ինչ յատկութիւն ունի խաշխաշը և շատ
 ուտելը որչափ վնաս է։




88. Կոռնկն ու սագր

Կապուտակ լճի ջրի երեսին
 Ճարպիկ ու արագ սագիկն էր լողում,
 Սուրում ջրի տակ, դուրս գալիս կրկին,
 Ու ինքն իրան բարձրաձայն գովում։

— Օգում թռչում եմ, ցամաքում շրջում,
 Լճակի ջուրը պատում նետի պէս.
 Ինձ պէս ուրիշը չկայ աշխարհում,
 Ողջ թռչունների թագաւորն եմ ես։





—Իզուր ես գովում, յիմար, ինքդ քեզ,
 Կռունկը նրան ձայնեց վերևից.
 Կարող ես արդեօք լողալ ձկան պէս,
 Եղնիկի նման վազել քարափից.

Արծրի նման հպարտ, փառաւոր
 Կարող ես պատռել ծայրերն ամպերի...
 Լաւ է գիտենալ մի բան հիմնաւոր,
 Քան թէ շատ բաներ, բոլորն էլ թերի...

89. Կարկուտ

1.

Այն ի՞նչ ամպ է, որ սարի տակից, գալով գալիս է ու իր
 յետքից՝ կարծես շղթայած քաշում է բերում մեծ ու սև ամ-
 պեր, ամեն տեղ փռում...

Մի բոպէ ևս՝ խորին մթութիւն ամեն ինչ պատեց. որո-
 տաց երկինք, երկիր դղրդաց. փայլակն ու կայծակ իրարու
 խառնւած, մարդկանց սրտերը ահ ու դող ձգեց:

Մռնչաց քամին, շարժւեցին ծառեր. կաթեց, կաթկաթեց,
 յորդ անձրև թափւեց, անձրևի յետքից սառցէ գնդակներ, չրը՛խկ
 ու շրը՛խկ երկիր գլորւեցին: Թափւում է թափւում, սար ու
 ձոր ծածկում, ո՛չ դաշտ է հարցնում, ո՛չ այգի խնայում:

«Ախ կարկուտ, կարկուտ, կանչում են մարդիկ:

Այս ի՞նչ պատիժ է, խնայիր երկինք...»

2.

Դադարեց կարկուտը. որոտը լռեց, ամպերի ճեղքից արևը
 նայեց. երկիրը ժպտաց, նորից փայլ առաւ, բայց տխուր փայլ
 էր, որնա ստացաւ:

Այգեպանը վազեց իր այգին մտաւ, դէս ու դէն նայեց,
 մնաց քարացած: Ծառերը տերևաթափ, ճիւղերը կոտրուած,
 բոլոր պտուղները կարկտահար եղած. «Վնայ իմ աշխատանք,
 ամսոնս իմ այգի», ասաց, հեռացաւ աչքերը լցւած...

Արտատէրը գնաց իր արտը հասաւ. թուլացան ոտները,
 սևացան աչքերը, երբ տեսաւ հասկը շարդւած փշրւած, հո-
 դին հաւասար, անգուլթ հեղեղից աւազով ծածկւած. «Կորաւ
 իմ յոյսը, փշացաւ իմ արտ», ասաց ու գնաց սիրտը մոր-
 մորած...

Դրսում մնացած հաւքերն էլ թռան, գտան իրանց բունը,
 բայց անխ, ի՞նչ տեսան. բունը աւերւած, ձագուկներն ընկած,
 չորսից միայն մինը ողջ էր մնացած. իսկ այն միւսները թափ-
 ւած ցեխի մէջ, անշունչ ընկել են, աչքները փակել, որի զը-
 լուխը, որի թևիկը կարկտից շարդւել:

Ճըլւըլաց թռչունը, սգաց իր ձագուկ,
 Դէս ու դէն ընկաւ, արեց ողբ ու սուգ...

Այսպէս ամեն տեղ, ուր մի ժամ առաջ
 Տիրում էր յոյս, կեանք, ցնծութիւն անբաւ,

Այժմ յաջորդեց կարկտի շնորհիւ
 Յուսահատութիւն, տառապանք ու ցաւ...

90. Կաղնին եւ եղեգը

«Ա՛յ եղեգ,
 Ի՞նչ ցեղ էք».

Ասաւ ահագին

Կաղնին եղէգին:
 «Քո ուժդ ի՞նչ է,
 Որ քամին փչէ,
 Կամ պէտք է դողաս,
 Կամ փուռես-սողաս:
 Մին էլ օգուժ,
 Մթնոլորտում
 Որոտ, ճայթոց,
 Ամպի պայթոց,



Կայծակ ահեղ,
 Կարկուտ, հեղեղ,
 Խենթ ու խռոտ
 Քամին ղիւոտ
 Փնչուն,
 Վրչուն,
 Իրան առած,
 Մի սոսկալի
 Մըրիկ դառած՝
 Զլեց,
 Խլեց
 Կաղնին տակից

Ու երկնքի
 Եօթը յարկից,
 Որ չըփեց
 Ցածի ժայռին,—
 Փշրեց, թափեց
 Հսկայ ծառին:

91. Բամբակ

1.

- Էս ի՞նչ կորիզ է բամբակի մէջ, հարցրեց Օնիկը:
- Դա բամբակի սերմն է, պատասխանեց մայրը:
- Մի՞թէ բամբակն էլ սերմ ունի, մայրիկ. մի՞թէ բամբակը բուսնում է:
- Այո՛, այո՛, բուսնում է, ասաց մայրը:
- Որ այդպէս է, կարելի՞ է այս կորիզը ցանել, մայրիկ:
- Կարելի է, կարելի, պատասխանեց մայրը:
- Օնիկը աման բերեց, մէջը հող ածեց, բամբակի կորիզը ցանեց, տաք սենեակում՝ արևի առաջ դրեց:



Նա օրէօր անհամբեր սպասում էր կորիզի ծլելուն: Վերջապէս նա ծլեց, սովորական բոյսի նման կանաչ տերևներ արձակեց:

— Զարմանում եմ, ասում էր Օնիկն ինքն իրեն. էս կանաչն ո՞ւր, բամբակն ուր...

2.

Անցաւ մի քանի ժամանակ. բամբակի բոյսը բարձրացաւ, բարձրացաւ և կոկոններ բրնցնեց. մի օր էլ նա վարդագոյն

և սպիտակ ծաղիկներով ծածկեց:

—Մայրիկ, սա բամբակ չէ. սա մեր զանգակ ծաղիկինման մի ծաղիկ է, ասաց Օնիկը:

—Քիչ էլ սպասիր, քիչ էլ համբերիր և դու կը տեսնես, ասաց մայրը. Եկաւ օգոստոսը. Օնիկը նկատեց, որ ծաղիկները տեղ մեծ մեծ տանձաձև կոկոններ եղան: Օնիկը չհամբերեց, նա մօրից ծածուկ մի կոկոն պոկեց, ատամով կծեց:

—Էս ի՞նչ փափուկ է, ասաց Օնիկը. օճօ, էս ի՞նչ քնքոյշ, սպիտակ է, իսկ մետաքս:

Օնիկը վազեց մօր մօտ:

—Քիչ էլ սպասիր, Օնիկ, քիչ էլ, ասաց մայրը. էդ կոկոնը պէտք է ուռչի, մեծանայ, պատառւի. էն ժամանակ բամբակն ինքն իրեն դուրս կը թափւի:

Էն ի՞նչն է

Մի սար ունիմ՝ յետևը ձիւն է գալիս,

Առաջը՝ կարկուտ:

92. Տարւայ չորս եղանակները

Գարուն:—Էլի եկան այն հաւքերը,
Է՛յ ջան, եկան այն հաւքերը,
Որ ամեն գարուն կը գային:
Հագել են կանաչ շապիկ,
Հագել են կանաչ կօշիկ,
Կանաչի վրայ ման կուգան:

Ամառ:—Էլի եկան այն հաւքերը,
Է՛յ ջան, եկան այն հաւքերը,
Որ ամեն ամառ կը գային:
Հագել են կարմիր շապիկ,

Հագել են կարմիր կօշիկ,
Վարդի վրայ ման կուգան:

Աշուն:— Էլի եկան այն հաւքերը,
Է՛յ ջան, եկան այն հաւքերը,
Որ ամեն աշուն կը գային.
Հագել են դեղին շապիկ,
Հագել են գեղին կօշիկ,
Խոզանի վրայ ման կուգան:

Զմեռ:— Էլի եկան այն հաւքերը,
Է՛յ ջան, եկան այն հաւքերը,
Որ ամեն ձմեռ կը գային.
Հագել են ճերմակ շապիկ,
Հագել են ճերմակ կօշիկ,
Զիւնի վրայ ման կուգան:

93. Գայլն ու աղետը

Մի անգամ գայլը՝ փորը մէջքին կպած՝ բաշ էր գալիս սար ու ձոր. նրան հանդիպեց աղւէսը՝ թղթի մի կտոր բերանում բռնած:

—Բարի երեկոյ, ասաց աղւէսը, այդ ինչ ես ման գալիս:

—Է՛հ, ես էլ չգիտեմ, անօթի անօթի քաշ եմ գալիս, պատասխանեց գայլը:

—Այս լայն ու արձակ աշխարհում մարդ էլ անօթի մնայ, թէ տեղը չգիտես, արի ցոյց տամ, ա՛յ, այնտեղ մի հօտ է արածում:

—Գիտեմ, գիտեմ, ստնահէր աղւէս, ասաց գայլը. գառներից անուշ ի՞նչ բան կայ, բայց արի տես, որ այնտեղ գայլ խեղդող շներ էլ կան. նրանցից, արևս վկայ, պրծում չկայ:

—Ի՞նչ միամիտն ես, բա չես տեսնում էս թուղթը, գիտես ի՞նչ է սա:

—Ես տիրացու չեմ, որ կարդալ իմանամ, խելքս չի հասնի, դ՞ու աաս:

—Այս թուղթը թագաւորի հրամանն է. թագաւորը խիստ հրամայել է, որ սրանից յետոյ շները իրաւունք չունենան գայլերին ու աղւեսներին ձեռք տալու, երբ նրանց սիրտը հաւ ու գառ կուզէ. դէհ, հայդէ երթանք, մի լաւ ճաշենք:

Գայլի թուրը վազեց:

—Էլ ո՞ր օրւան ենք մնացել, երթանք, սանահէր շան, ասաց գայլը:

—Հն, բաւոր գայլ, առաջ երթանք էս ձորի բերանը, էնտեղ աչքիս մի բանի սիրուն վառեկ ընկան, առաջ առաջ մի նախաճաշ անենք, ուժ ժողովենք, յետոյ երթանք հօտի վրայ:

Ու ճամբայ ընկան:

Բոստանը տարածւում էր առակի ափին, վառեկները քշուջ էին անում:

—Քաւոր գայլ, էլ բարակ մտածելու տեղը չէ, վրայ տանք:

Միամիտ գայլը իրաւունքով վազ տւեց հաւերի վրայ. հաւերն իրար անցան. այդ իրարանցումի ժամանակ աղւեսը՝ որ տապ էր մտել, սուսիկ փուսիկ սողալով վրայ պրծաւ՝ մի վառեկ բերանն առաւ ու թռաւ. հաւերի ձայնից բոստանը շուրջները վրայ հասան և գայլին տեղն ու տեղը բռնեցին, դրին գետին, գգեցին ու գզգզեցին, բուրդը երկինք հանեցին, իսկ աղւեսը հեռու կանգնած նայում էր ու ծիծաղում:

—Սանահէր աղւես, սանահէր աղւես, հոգիս հանեցին, շուտ արա, հրամանդ կարդն, էս անիրաւունքին խօսք հասկացրու, աղաչում էր գայլը:

—Միրելի քաւոր, դրանք հրաման լսող ու կատարող պրտուղ չեն. գլխիդ ճարը տես... ասաց աղւեսն ու վառեկն առած՝ կոտաւ քարերի մէջ...



94. Ուխտագնացութիւն

1.

Վանքի շուրջն ընդարձակ տարածութիւն պատած էր վրաններով. նրանց առջևից կախ ընկած գոյնզգոյն լաւ տերները տալիս էին ընդհանուր լուսաւորութեանը կախարդական բնաւորութիւն:

Վրանների մէջ տեղաւորւած էին ուխտաւորներ, շատերը մնացել էին բացօդեայ: Այս խառնիճաղանճ ամբոխի մէջ կարելի էր գտնել զանազան կողմերից եկած հայեր. ամենքն էլ իրենց առանձին տարազով և տօնական գոյն գոյն շորերով աչքի էին ընկնում: Ուխտաւորների բանակի մէջ իւրաքանչիւր քայլափոխում մի նոր տեսարան էր բացւում:

Մի տեղ աշուղը սազը կրծքին սեղմած՝ ածում էր, եր-

գում էր և լսող հասարակութեանը մեծ ուրախութիւն պատճառում:

Մի այլ տեղ սազանդարները ածում էին գուռնա և պարկապղտակ: Զւարճասէր հասարակութիւնը պար էր բռնել և եալի էր խաղում: Տղամարդիկ, կանայք և աղջիկները ձեռք ձեռքի տւած կազմել էին մի բոլորակ շղթայ. մի տղամարդ գոյնգոյն թաշկինակը ձեռքում դրօշակի նման փռփռացնելով, առաջնորդում էր պարողներին:

Մօտիկում մատաղահաս տղաներն ու աղջիկները պար բռնած շանգիւլում էին երգում և թռչկոտում: Այստեղ պարագլուխն ամեն անգամ երգում էր մի տուն, ամբողջ խումբը կրկնում էր նրա ասածը:

Երբեմն երգում էին հերթով. այս ժամանակ մրցութիւն էր լինում տղաների և աղջիկների մէջ: Նրանք պատասխանում էին միմեանց զանազան սրախօսութիւններով: Այս տեսակ ուրախութիւնն ու ցնծութիւնը տևում էր մինչև ուշ գիշեր: Ամենքն էլ ուրախ, ամենքն էլ զւարթ էին և դժւարութիւնով էին բաժանւում այդ զւարճալի տեսարանից:

2.

Լոյսը չէր բացւել, որ ուխտաւորների բանակը նորից կենդանացաւ, նորից կեանք առաւ:


Մատաղացուները մորթում, խորդիկներ էին պատրաստում: Վանքի զանգակների դօղանջիւնը ուխտաւորներին եկեղեցի էր հրաւիրում:

Լոյսը բացւում է, մատաղը պատրաստ է: Ամեն կողմից լսում էր՝ «Աստուած սիրողը մատաղ վերցնէ»: Ամեն մէկն անխտիր վերցնում, ուտում էր. «Ընդունական լինի, Աստուած ձեր սրտի խորհուրդը կատարէ, լսում էր ամեն կողմից»:

Երեկոյեան ուրախ կեանքը նորից սկսեց. նորից ուրախութիւն, նորից իրարանցում:

Ուխտաւորների մեծ բազմութիւն թափւել էր տօնավաճառը. ամեն տեսակ ապրանքներ, զարդարանքներ, շորեր,

խաղալիքներ և մրգեր բազմութեան ուշադրութիւնն էին գրաւում: Մէկը ծախում էր, մէկն իր ապրանքն էր գովում, մէկը սրախօսութիւններով բազմութեան ուշքն էր իրան հրաւիրում. ամեն կողմ աղմուկ, ամեն կողմ շարժում և իրարանցում: Մի խօսքով կեանքը իր բազմազան կողմերով եռ էր գալիս:



Ահա և լարախաղացը. սա իր տեսակ տեսակ ճարպիկ ու հմուտ խաղերով ամենքին իրան էր գրաւել: Բոլորը գոհ սրտով գովում էին նրան և առատութեամբ իրանց կոպէկներով վարձատրում: Ներքևում լարախաղացի ծաղրածուն իր ծամածռութիւններով ոչ պակաս զւարճութիւն էր պատճառում:

Ուխտաւորների մի այլ բազմութիւն շրջապատել էր «վիճակի ժայռը». նրա վրայ ուխտաւորները փորձում էին իրանց բաղդը: Ցանկացողը մօտենում էր և փոքրիկ քարի կտորը կպցնում էր ժայռին: Եթէ քարի կտորը մնար նրա վրայ կպած, նշանակում է, որ ուխտն ընդունելի է եղած. իսկ եթէ պոկ գալով քարը վայր ընկնէր, վիճակափորձը տխուր հեռանում էր խորհրդական ժայռից:



Յ ա ն կ

I.

1. Կարգան, ոտան. կրճատ. Ա. Ծատուրեան	3
2. Լեանային երեկոյ, Բաֆֆի	4
3. Գիշեր ոտան. Հ. Հայրապետեան	4
4. Նիհարիկը	5
5. Գիսակ. Միսակ, ձեռագիր (յատուկ անուններ, մեծատառեր), Յ. Աղաբաբ	8
6. Իշխանի բերդն ու ջրաղացը	8
7. Զրաղաց ոտան. Աթ. Խնկոյեան	10
8. Առիւծը	11
9. Աշնան վերջին, Բաֆֆի	13
10. Աշուն ոտան. Գ. Մեսեան	13
11. Քաջասիրտ փայտփորը	15
12. Էն ինչն է, ձեռագիր (ից)	15
13. Զինւած քուրդը, Բաֆֆի	16
14. Քուրդը ձիու վրայ, Բաֆֆի	17
15. Աղէսն ու դայը, ոտան. Աթ. Խնկոյեան	18
16. Խորամանկ կապիկը	21
17. Գերի արագիւն, ոտան. ձեռագիր (ած) առաջին Խտունը... Յովհ. Յովհաննիսեան	22
18. Զրի կաթիլի ճանապարհորդութիւնը	22
19. Հովի գարձը սարից, ոտան. Բարխուդարեան	25
20. Քրդի կարծիքը գրի մասին, Ժողովրդական	27
21. Զան, սյ լուսին, ոտան. Յ. Աղաբաբ	28
22. Ռօբինզօնը կղզու վրայ	28
23. Կիւնն և տատրակը, ոտան. Աթ. Խնկոյեան	29
24. Էն ինչն է, ձեռագիր (յ բառի վերջին)	31
25. Ռօբինզօնի գիւտերը	32
26. Նապաստակները, ոտան. Աթ. Խնկոյեան	33
27. Ռօբինզօնի ճանապարհորդութիւնը և նոր գիւտերը	35
28. Գիւղացու երջանկութիւնը, Խ. Աբովեան	40
29. Պատկեր, ոտան. Հ. Հայրապետեան	41
II	
30. Ծեր ձմեռը, ոտան. Զաւակեցի	41
31. Սղոյան, Սիմակ	41
32. Հարսնաքար, ոտան. Հ. Հայրապետեան	43
33. Այրւած խրճիթ, փոխադրութիւն Զ. Զ.	44

34. Մկների ժողովը, ոտան. Աթ. Խնկոյեան	45
35. Հիւսիսային երկրներում	47
36. Թռչուններ, ոտան. մի մասը ձեռագիր (իկ, ալ, ող, ան՝ վեր- ջաւորութիւններ), Հ. Հայրապետեան	50
37. Ամենապէտքական բանը աշխարհում	52
38. Իմ ընկերոջ գիւղը	55
39. Գայլն ու կատուն, ոտան. Աթ. Խնկոյեան	57
40. Բարեկենդանը, Յովհան. Թումանեան	58
41. Ազուան ու Աղէսը, ոտան. Աթ. Խնկոյեան	61
42. Երկաթուղի	62
43. Գնացքը, ոտան. Յ. Աղաբաբ	66
44. Իմաստուն ջուլհակը, Սրուանձտեան	66
45. Ինչո՞ւն է սփոփանքը	68
46. Գող մաքին, ոտան. Աթ. Խնկոյեան	70
47. Աղի բիւրեղներ	75
48. Ռօբինզօնի երկիւղը	77
49. Ուրբաթը	79
50. Խորամանկ աղէսը, փոխադր. Պերճ Պոռչեան, կրճատ.	80
51. Ամենալաւ վկայականը, Սահակեան	88
52. Սևուկն ու Զանիկը	88
53. Հուրի—Մալաբ	89
III	
54. Գարուն, ոտան. Գ. Մեսեան	101
55. Զիւն և ձնձաղիկ	102
56. Մարտի վրէժը, ոտան. մի մասը ձեռագիր (բայի անցեալ կատարեալ), Հ. Հայրապետեան	104
57. Գայլաձուկը փոխադր.	105
58. Սերմնացան, ոտան. Արարատեան	106
59. Արևի մօտ	107
60. Սարերի որդին, ոտան. Գ. Մեսեան	110
61. Գարնանային առաւօտ. մի մասը ձեռագիր (բայի անցեալ անկատար), Բաֆֆի	111
62. Մայիսը, Ալեշան	112
63. Վարդ մայիսը, ոտան. Յ. Աղաբաբ	112
64. Վարդենու փշերը, ըստ Մակս Նօրդաուի	113
65. Եայլազ, Խ. Աբովեան	114
66. Շինականի երգը, Ժողովրդական	116
67. Մարգարիտի սերմը	116
68. Գիշերն եկաւ, ոտան. ձեռագիր (եր, էք).	120

69. Ծիծեռնակի մահը, Զ. Մեսեան	120
70. Հովւի Սրինգը, ոտան. Ս. Շահագիզ	122
71. Ճլօրթի, Յ. Աղաբաբ	123
72. Շերամ, ոտան. Կ. Մ. Շահնազարեան	124
73. Աստղեր, ոտան. Բարխուդարեան	126
74. Եսասէր հսկան, փոխադր. Օս. Ուալդից, Զ. Զ.	128
75. Գիւղացին ու արջը, ոտան. մի մասը, Աթ. Խնկոյեան	132
76. Մի պատկեր գարնան. կեանքից. Կ. Մ. Շահնազարեան	133
77. Ուռենու հիւրերը, ոտան. Հ. Հայրապետեան	134
78. Կողը, փոխադրութիւն	135
79. Աշխատանք, ոտան. Յար. Թումանեան	136

IV

80. Առաջին աքլորը, ոտան. Հ. Հայրապետեան	139
81. Ամառային գիշեր	139
73. Ամառ, ոտան. Հ. Հայրապետեան	140
83. Ոգնին ու օձը, Ապրես. Յակոբ	141
84. Հօ, հօ, եզ ջան, ոտան. Ս. Սարբէգեան	142
85. Մըջիւններ, Մ. Տէր-Սարգսեան	143
86. Կոյրերի կարծիքը, ոտան, Յովհան. Թումանեան	144
87. Խաշխաշ	145
88. Կոռնիկն ու սագը, ոտան. Հ. Հայրապետեան	147
89. Կարկուտ, Կ. Մ. Շահնազարեան	148
90. Կաղնին և եղէգը, ոտ. կրճատ. Աթ. Խնկոյեան	149
91. Բամբակ	151
92. Տարւայ չորս եղանակները	152
93. Գայլն ու աղւէսը	153
94. Ուխտագնացութիւն, ըստ Րաֆֆիի	155
95. Ծանօթ. ձեռագիր յօււածներէի համար	160

ՀԱՆՆԵԼՈՒԿՆԵՐ

1. Երկաթուղի	15	3. Ուսում	31
2. Ամպ	25	4. Բամբակ	152

ԾԱՆՕԹ. 1. Ձեռագիր յօււածները արտագրութեան համար են. դրանով կարելի է գրել կարգաւ աւելի հիմնաւորել, աւելի խորացնել և հեշտութեամբ ուղղագրութեան վարժեցնել երեխաներին (տես, «Գասընկեր» ա. տ. Համ. բաց. գործադր.): Ձեռագիր յօււածները (ինչպէս և տպագիր) անպատճառ պէտք է արտագրութեան նիւթ դառնան այն ժամանակ, երբ դասատուի ղեկավարութեամբ յօււածն ըմբռնել են երեխաները և վարժ կարգում են:

2. Յանկում՝ ձեռագիր յօււածների հանդէպ փակագծերում նշանակւած հնչիւնները, ածանցները և այլ բացատրութիւնները ցոյց են տալիս, որ իւրաքանչիւր արտագրութիւն պիտի ունենայ որևէ նպատակ և պէտք է գործնականապէս իւրացնել տայ ուղղագրական որոշ կանոններ:

4-545/3a

35696

g.m.

ԳԻՆՆ Է 60 ԿՈՊ.

Դ Ա Ս Ը Ն Կ Ե Ր

Առաջին տարի	40 Կ.
Երկրորդ տարի	50 Կ.
Երրորդ տարի	60 Կ.

Պատրաստում է «ԴԱՍԸՆԿԵՐ» Դ. տարի

Պահեստը Գուտտենբերգ գրախանութում (Թիֆլիս)
Գումարով առնողներին 20% զեղջ:

Ցանկացողները գիմեն՝
Тифлисъ, книжный магазинъ „Гуттенбергъ“.

2

D

2013

4160

« Ազգային գրադարան »

NL0062725

ADM
1 H-545
3a